

# রাজসিংহ

( ষাষি বন্ধি মচন্দ্রের কাহিনীর বিব্বাচিত্ত  
অংশ অবলম্বনে বিব্বচিত্ত )

শ্রীমহেন্দ্রনাথ গুপ্ত, এম-এ

শ্রীশঙ্কর লাইব্রেরী

২০৪ কর্ণওয়ালিস স্ট্রীট, কলিকাতা—৩

প্রকাশক—শ্রীভূবনমোহন মজুমদার

শ্রীশঙ্কু লাইব্রেরী

২০৪ কর্ণওয়ালিস স্ট্রীট, কলিকাতা

B1159



মূল্য দেড় টাকা

প্রথম সংস্করণ ১৯৪৮

*Naba Kumar Ghosh*

প্রিন্টার—শ্রীমনীগোপাল সিংহ রায়

ভারী প্রেস

১৪বি, শঙ্কর ঘোষ লেন, কলিকাতা

## নিবেদন

ঋষি বঙ্কিমচন্দ্রের রাজসিংহ এক বিরাট উপন্যাস। তাকে কালোপযোগী নাট্যরূপ দিতে হলে নানা কারণে মূল উপন্যাসের কতকগুলি অংশ বর্জন না করে উপায় নেই—একথা বর্তমান কালের স্মৃধী মাত্রেই স্বীকার করবেন। বঙ্কিমচন্দ্রের রচনা বাঙালীর ঘরে রামায়ণ, মহাভারত প্রভৃতি মহাকাব্যের ন্যায় সমাদৃত। তাই রাজসিংহকে নাট্যরূপ দেবার সময় অত্যন্ত শক্তিত চিন্তে আমাকে পুঙ্খানুপুঙ্খরূপে বিচার করতে হয়েছে কোন্ অংশ নাটকে গ্রহণ করব,— কোন্ অংশ বর্জন করব। পরিশেষে দেখে আশ্চর্য হলাম যে বাংলার স্মৃধী সমাজ আমার “রাজসিংহের” নাট্যরূপ প্রীতির চক্ষে দেখেছেন। রস-সাহিত্যিক শ্রীযুক্ত সজনীকান্ত দাশ বলেছেন—“মূল আখ্যান ভাগের এতটুকু বিকৃতি ঘটতে দেন নি। “রাজসিংহ” বঙ্কিমচন্দ্রেরই ‘রাজসিংহ’ হয়েছে।” স্বদেশ পত্রিকা বলেছেন,—“মূল কাহিনীকে কিছুমাত্র বিকৃত না করে কি ভাবে প্রয়োজনানুযায়ী অদল-বদল করা যায়, আলোচ্য নাট্যরূপে তারই সন্ধান পাই।”...বঙ্কিমচন্দ্রের কাহিনীর নির্বাচিত অংশ অবলম্বনে নাটক রচনা করেও যে আমি বঙ্কিমচন্দ্রের কাহিনীর মর্যাদা রাখতে পেরেছি—এই আমার সাধনা।

—লেখক

# ଫଟର ଥିଏଟାରେ ଅଭିନୀତ

ପ୍ରଥମ ଅଭିନୟ : ଶନିବାର ୨୦ଶେ ଡିସେମ୍ବର, ୧୯୪୭

## ସଂଗଠନକାରୀଗଣ

ଅଧ୍ୟକ୍ଷକ	—	ଶ୍ରୀମନିଳ କୁମାର ମିତ୍ର
ପରିଚାଳକ	—	ଶ୍ରୀମହେନ୍ଦ୍ରନାଥ ଶୁକ୍ର
ସ୍ଵରାଶିରୀ	—	ଶ୍ରୀଧୀରେନ ଦାଶ
ନୃତ୍ୟାଶିରୀ	—	ଶ୍ରୀବାଦନ କୁମାର
ମୂଳାଶିରୀ	—	ଶ୍ରୀବୈଦ୍ୟନାଥ ବ୍ୟାନାର୍ଜି
ରୂପସଞ୍ଚାକର	—	ଶ୍ରୀନନ୍ଦନାଥ ଗାଙ୍ଗୁଲୀ
ଆଲୋକ ନିୟନ୍ତ୍ରଣ	—	ଶ୍ରୀମନ୍ମଥ ଘୋଷ
ଏମ୍ପ୍ଲିଫାୟାର ବାଦକ	—	ଶ୍ରୀମଧୁସୂଦନ ଆଡ଼ା
ସଂଗୀତ	—	ଶ୍ରୀଧୀରେନ ବ୍ୟାନାର୍ଜି, ଶ୍ରୀକମଳ ବ୍ୟାନାର୍ଜି, ଶ୍ରୀକାଳୀ ବ୍ୟାନାର୍ଜି, ଶ୍ରୀକାନ୍ତିକ ଚ୍ୟାଟାର୍ଜି, ଶ୍ରୀମନିତ ବସାକ, ଶ୍ରୀକୃଷ୍ଣଚନ୍ଦ୍ର ଦେ, ଶ୍ରୀସିହିର ମିତ୍ର, ଶ୍ରୀସିହିର ମିତ୍ର ।

## শিল্পীসঙ্ঘ

আলমগীর	—	শ্রীমহেন্দ্র গুপ্ত
রাজসিংহ	—	শ্রীজয়নারায়ণ মুখার্জি
মাণিকলাল	—	শ্রীমিহির ভট্টাচার্য্য
মোবারক	—	শ্রীভূমেন রায়
দয়ালশা	—	শ্রীসুশীল ঘোষ
বিক্রম শোলাকী	—	শ্রীপ্রবোধ মুখোপাধ্যায়
জয়সিংহ	—	শ্রীচন্দ্রশেখর দে
সুবদাস	—	শ্রীরবীন বোস
দিলীর খাঁ	—	শ্রীদেবেন বন্দোপাধ্যায়
বখ্ত খাঁ	—	শ্রীমুরারী মুখার্জি
দস্যু সর্দার	—	শ্রীশান্তিদাস গুপ্ত
অনন্ত মিশ্র	—	শ্রীপঞ্চানন বন্দোপাধ্যায়
রত্না	—	শ্রীপশুপতি রক্ষিত
কাঠুরে	—	শ্রীনালনী বাগ
আসিরুদ্দিন	—	শ্রীরবি রায় চৌধুরী
খোজা	—	শ্রীফণি সাহা

অগ্ৰাণ্ণ চরিত্রে :—বিষ্ণু সেন, শৈলেন রায়, ললিত ঘোষাল, জীবন কৰ্ম্মকার, অজিত বোস, ফণী সাহা, পবিত্র বোস, শীতল দত্ত, সন্তোষ ঘোষ, পতিতপাবন মুখোপাধ্যায়, সুকুমার ঘোষ, শৈলেন শিকদার ।

নির্মলকুমারী	—	শ্রীমতী শেফালিকা ( পুতুল )
চঞ্চলকুমারী	—	শ্রীমতী ছায়াদেবী
উদীপুরী	—	শ্রীমতী অপর্ণাদেবী
জ্যেষ্ঠউম্মিসা	—	শ্রীমতী ঝর্ণা
যোধপুরী	—	শ্রীমতী মঞ্জু দে
চন্দ্রা	—	শ্রীমতী শেফালি দে
হিন্দুপরিচারিকা	—	শ্রীমতী মীণা
বাদী	—	শ্রীমতী সুলেখা

অগ্ৰাণ্ণ চরিত্রে—শ্রীমতী সরলী, বীণা ঘোষ, বীণা

## চরিত্র পরিচয়

আলমগীর	—	দিল্লীর বাদশাহ
রাজসিংহ	—	মেবারের রাণা
মাণিকলাল	—	দস্যু ; পরে রাজসিংহের সেনানী
মোবারক	—	মোগল সেনাপতি
দয়ালশা	—	রাজসিংহের মন্ত্রী
বিক্রম শোলাকী	—	রূপনগরের রাজা
জয়সিংহ	—	রাজসিংহের পুত্র
সুরদাস	—	রূপনগরের ভক্ত সখিক
দিল্লীর খাঁ	—	মোগল সেনাপতি
বখ্ত খাঁ	—	ঐ
অনন্ত মিশ্র	—	রূপনগরের পুরোহিত
আসিরুদ্দিন	—	মোগল সেনানী

দস্যুসর্দার, রত্না, কাঠুরে, খোজা, সৈনিক প্রভৃতি ।

### স্ত্রী

চঞ্চলকুমারী	—	রূপনগরের রাজকন্যা
নির্মলকুমারী	—	ঐ সখী
চন্দ্রা	—	ঐ সখী
উদীপুরী	}	বেগম
বোধপুরী		
অম্বউল্লিঙ্গা	—	ঔরঙ্গজেবের কন্যা

পরিচারিকা, বাদী, নর্তকী প্রভৃতি ।

# রাজসিংহ

প্রথম অঙ্ক

প্রথম দৃশ্য

পার্বত্য পথ

অনন্ত মিশ্র । নারায়ণ, নারায়ণ, রক্ষা কর নারায়ণ—

বাণিক । ভয় নেই ঠাকুর, অত চেলাচ্ছ কেন ? তোমার কোন ভয় নেই ।

অনন্ত । ভরসাও নেই বাবা ! গরীব বামুন । উদয়পুর যান, পথ ষাট চিনি না, তাই তোমাদের সঙ্গে হতে চেয়েছিলুম । বাণিক বলে পরিচয় দিলে, তাইতো নিশ্চিত হয়ে তোমাদের সঙ্গে আসছিলুম, কিন্তু এখন—

সর্দার । এখন ঐ বাণিকদের গুলীতে বধ করে ওদের যথাসর্বস্ব লুণ্ঠন করলুম, তাই পরিষ্কার বুঝতে পেরেছ যে, আমরা বাণিক নই, আমরা ডাকাত । তাই নয় ?

অনন্ত । তা-তা-এত সব খুন জখম চোপের সামনে দেখে, তোমাদের বৃন্দাবনের গোসাই ঠাকুর মনে করি কি করে ?

সর্দার । বেশত, সবই যখন বুকেছ তখন আর তোমায় ধোঁকা দিতে চাই না ; এবার সঙ্গে কি আছে দিবে দাওতো চাঁদ ।

অনন্ত । দোহাই বাবা, আমি গরীব ভিখারী, আমার সঙ্গে কিছু নেই—

সর্দার । বটে ! গাঁঠরী লুকছে। কেন ? ওতে কি আছে দেখি—  
অনন্ত । কিছু নেই বাবা, আছে শুধু একখানা ছেঁড়া পুঁথী, আর  
খানিকটা কাগজ ।

সর্দার । বটে ! এই রত্না, এই মান্কে, ধরতো শালাকে মাটিতে  
ফেলে হাঁটুতে চেপে ! দেখি গাঁঠরীতে ওর কোন বাবার ছেরাদের  
ফদ—

( সকলে অনন্তকে ধরিল )

অনন্ত । ওরে বাবা ! গেলুম-গেলুম ! হে ব্রাহ্মণী, হে ব্রহ্মহৃদেব,  
বেঘোরে প্রাণ হারালুম বুঝি—

মাণিক । এই নাও সর্দার, হীরের বাগা, কিছু আশরফি, আর  
দুখানা চিঠি ।

সর্দার । হুঁ ! কি চাঁদ, সঙ্গে নাকি কিছু নেই ?

রত্না । সর্দার, শালাকে কি করব ? খতম করে দিই ?

মাণিক । না, না ব্রহ্মহত্যা করে কাজ নেই ; সঙ্গে যা ছিল তাতো  
পেয়েছি, এবার বেচারীকে ছেড়ে দে রত্না ।

সর্দার । উহঁ ছাড়বিনে, ছেড়ে দিলেই বিটলে বামুন গোলমাল  
বঁধাবে । আজকাল রাণা রাজসিংহের যা দোরাত্মি, রাণার শাসনে  
আমাদের মত বীর পুরুষেরা আর কিছু করে খেতে পার না । চল, ওকে  
বরণ এখানে বেঁধে রেখে আস্তানায় গিয়ে লুঠের মাল ভাগ বাঁটোরারা  
করিগে—

রত্না । সেই ভালো—বাঁধ শালাকে, আচ্ছা করে বাঁধ—

( অনন্তকে সকলে বাঁধিল )

সর্দার । হ্যাঁরে মান্কে, তুই তো লেখাপড়া জানিস ? দেখতো  
এ চিঠি কার ? ( পত্রদান ; মাণিকের পাঠ )



মাণিক । সর্দার—সর্দার—

সর্দার । কি ? কি দেখলি ? কাজের না পুড়িয়ে ফেলব ?

মাণিক । পুড়িয়ে ফেলবে বলছ কি ? এ যে হাজার আশরফির মাল ।

সর্দার । সেকি !

মাণিক । হ্যাঁ, এ চিঠি দিয়ে আমাদের মোটা রোজগার হবে ।

সর্দার । তার মানে ? কে লিখেছে ? কার চিঠি ?

মাণিক । বেজায় রগড় সর্দার, বেজায় রগড় । দিল্লীর আলমগীর বাদশা রূপনগরের রাজকণ্ঠা চঞ্চলকুমারীকে বিয়ে করতে চায় । মোগলের সঙ্গে বিয়েতে রাজকণ্ঠার মত নেই । তাই গোপনে রাণা রাজসিংহকে চিঠি লিখে অনুরোধ করেছে, মোগল বাদশার হাত থেকে তাকে উদ্ধার করতে ।

সর্দার । বলিস্ কি ?

মাণিক । হ্যাঁ সর্দার ! চল, এই চিঠি নিয়ে আমরা রাণা রাজসিংহকে দিই গে । মোটা পুরস্কার মিলবে ।

সর্দার । আহা, বাছার আমার কি বুদ্ধিরে ! বলি, রাণা যখন অিজ্ঞেস করবে এ চিঠি কোথায় পেয়েছ, তখন কি জবাব দেবে ? তখন বলবে নাকি যে আমরা পাহাড়ী পথে রাহাজানি করে চিঠি পেয়েছি ? যাওনা রাণা খুব ভাল করে পুরস্কার দেবে... একবারে প্রাণ দণ্ড ।

মাণিক । তা ও তো বটে ! এদিকটা আমি ভেবে দেখিনি তো ? তবে চিঠি নিয়ে কি করবে ?

সর্দার । চিঠি থাক—সময় মত দিল্লীতে গিয়ে আলমগীর বাদশার দরবারে এই চিঠি পেস করবো । অনেক পুরস্কার পাব । এ চিঠি হাতে পেলো—

( হঠাৎ নেপথ্যে গুলীর আওয়াজ ; সর্দার আর্তনাদ করিয়া  
ভূমিশায়ী হইল )

রত্না । এ কি হল ! সর্দার, সর্দার—

মাণিক । সর্দার কাবার ! আর এখানে নয় ; নিশ্চয় কেউ আমাদের  
দেখতে পেয়েছে । পালিয়ে চল, পালিয়ে চল ।

[ প্রস্থান ]

অনন্ত । ও বৃন্দাবনের গৌসাই ঠাকুরেরা ! আমার এ গুলী গোলায়  
মধ্যে একা ফেলে পালিয়ে যেও না বাবা ! ব্রাহ্মণীর একা বামুন আমার  
বাঁধন খুলে দিয়ে যাও বাবা । বাঁধন খুলে দিয়ে যাও ।

( রাজসিংহের প্রবেশ )

রাজসিংহ । ভয় নেই পথিক, আমি বন্দন মুক্ত কচ্ছি । ( তথাকরণ )

অনন্ত । দুর্গা, দুর্গা, হে মা বিপত্তারিণী, হে মা চণ্ডী, মনসা, সর্বমঙ্গলা  
—রক্ষা কর মা, রক্ষা কর ।

রাজ । আপনি অধীর হবেন না, আমাকে কিছু মাত্র ভয় নেই ।  
অল্প কথায় বলুন, কি হয়েছে ।

অনন্ত । আমি চার জনের সঙ্গে আসছিলুম, তাদের চিনি না,  
বললে তারা নাকি বণিক । তারপর এখানে এসে আমাকে মার ধোর  
করে সব কেড়ে নিয়েছে । সর্দার একটু আগে বন্দুকের গুলীতে মরেছে ।

রাজ । আমিই ওকে বধ করেছি ; কিন্তু আর তিন জন ?

অনন্ত । আর তিনজন একত্র পগাড়পার ।

রাজ । তারা আপনার কাছ থেকে কি নিয়ে গেছে ?

অনন্ত । হীরের বালা, কয়টি আশরফি আর দুখানি চিঠি ।

রাজ । চূপ—ওদের সাড়া পাচ্ছি, বেশীদূর যেতে পারেনি, আপনি  
এখানে থাকুন আমি দেখে আসছি ।

অনন্ত । কোথায় যাবেন ? তারা তিনজন, আপনি একা !

রাজ । দেখছেন না, আমি রাজপুত্র সৈনিক ! রাজপুত্র বোকা  
প্রয়োজন হলে, তিনজন কেন, তিন সহস্রের সামনে দাঁড়াতে কখনো  
ভয় পায় না ব্রাহ্মণ ।

[ প্রহান

অনন্ত । হঁ, চেহারা দেখে একজন বীর পুরুষ বলেই মনে হচ্ছে ।  
ডাকাতের সর্দারটাকে তো এক গুলীতে খতম করেছে, এবার ডাকাত  
তিনটাকে কাবার করে...ও কি ! ও পাহাড়ের ওপর কাবা ! কোমরে  
তলোয়ার, হাতে বল্লম ! ওই যে আমার দেখতে পেয়ে পাহাড় থেকে  
নেমে আসছে ! সর্বনাশ, এক বিপদ থেকে উদ্ধার হতে না হতে আর  
এক বিপদে পড়ব নাকি ? না না, আর এখানে অপেক্ষা নয় । বাজকণ্ঠা  
চঞ্চলকুমারীকে কাজও উদ্ধার করতে পারলুম না, শেষ পর্যন্ত পৈতৃক  
প্রাণটা হারাব । ওই, তারা এসে গেছে, দিই লম্বা ছুট ।

[ প্রহান

( দয়ালবা ও কয়েকজন সৈনিকের প্রবেশ )

দয়াল । কি আশ্চর্য্য ! এই মাত্র এখানে লোকটাকে দেখলুম, গেল  
কোথায় ?

১ম সেনা । মহামন্ত্রী, ঐ দেখুন. মহারাণার অশ্ব বিজয় এখানে  
দাঁড়িয়ে রয়েছে ।

দয়াল । মহারাণার অশ্ব ! তাইতো ! নিশ্চয় তবে, মহারাণা অশ্ব  
হতে অবতরণ করে নিকটেই কোথাও গিয়েছেন । নগর সীমান্তে যুগ্ম-  
শেষে অকস্মাৎ মহারাণা দলভ্রষ্ট হলেন, তাঁর অশ্বেষণে এই পর্বত  
সান্নিদেশে নেমে এসে দেখলুম এক ব্রাহ্মণকে, অদূরে রক্ষিত মহারাণার

প্রিয় অশ্ব বিজয় ! অথচ মহারাণার কোনও সন্ধান নেই । ব্যাপার তো কিছুই বুঝতে পাচ্ছি না ।

১ম সেনা । মহামন্ত্রী, ওই, ওই ! বুঝি সেই ব্রাহ্মণ—

দয়াল । ব্রাহ্মণ ! হ্যাঁ, হ্যাঁ, কিন্তু অমন উর্দ্ধ্বাসমে পলায়ন কচ্ছে কেন ? সৈনিকগণ, ওকে ধরতে পারলে হয়তো আমরা মহারাণার সন্ধান পাব । আর কাল বিলম্ব নয়, শীঘ্র চল, ব্রাহ্মণকে অনুসরণ কর ।

[ এস্থান

( ছুটিয়া মাণিকলালের প্রবেশ )

মাণিক । না, আর পালাবার উপায় নেই । সম্মুখে কালাস্তক ঘোড়া—  
—কি করব—নিজেকে বাঁচতে হলে এই বর্শার আঘাতে—

( রাজসিংহের প্রবেশ )

রাজ । না, বর্শা নিক্ষেপ করতে তুমি পারবে না ।

( পিস্তলের গুলী হাতে লাগিয়া মাণিক পড়িয়া গেল )

রাজ । এইবার ইষ্টদেবতাকে স্মরণ কর মুর্খ—

( অপ্রাঘাতে উদ্ভত । মাণিকলাল পায়ে পড়িল )

মাণিক । দোহাই, আমাকে বধ করবেন না, আমি শরণাগত—

রাজ । শরণাগত ! ( অস্ত্র কোষবদ্ধ করিলেন ) বল, আর দস্যুরক্তি করবি নে ?

মাণিক । না, কখনও না । আপনি দয়া করে আমার জীবন দান করলেন, এ জীবন আজ থেকে আপনার । এই আপনার পাদস্পর্শ করে প্রতিজ্ঞা কচ্ছি, আর কখনও দস্যুতা করব না । চিরকাল আপনার দাসত্ব করব । এই দীনাতিদীন ভৃত্য হতেও হয়তো একদিন মহারাণা রাজসিংহের কিছুমাত্র উপকার হবে ।

রাজ । তুমি, তুমি আমাকে চেন ?

মাণিক । মহারাণা রাজসিংহকে কে না চেনে ?

রাজ । হ, দেখ, আমি তোমার জীবন দান করুম, কিন্তু তুমি ব্রাহ্মণের ব্রহ্মস্ব হরণ করেছ, আমি যদি তোমাকে কোন প্রকার দণ্ড না দিই তাহলে রাজধর্ম পতিত হব । তাই অন্ততঃ পক্ষে অতি লঘু কোন দণ্ড বিধান—

মাণিক । লঘুদণ্ড যদি দেবেন মহারাজ, তা হলে আদেশ করুন, সে দণ্ড আমি নিজের হাতে গ্রহণ করি—

( ছুরিকা দিয়া নিজের অঙ্গুল কাটিল )

রাজ । একি ! নিজের হাতে নিজের অঙ্গুলি ছেদন করলে ?

মাণিক । মহারাণা, যত নীচাশয় হই না কেন, তবু আমি রাজপুত্র । নিজের হাতে ব্রহ্মস্ব হরণের এই দণ্ড গ্রহণ করলুম মহারাণা !

রাজ । বন্ধু, তোমার বীরত্বে আমি মুগ্ধ । তোমার নাম ?

মাণিক । অধীনের নাম মাণিকলাল সিংহ ।

রাজ । মাণিকলাল, আজ থেকে তুমি আমার অখারোহী সৈন্যভূক্ত হলে । উদয়পুরে যেনো, সেখানে তোমার বাস যোগ্য ভূমি দান করব ।

মাণিক । যথা আজ্ঞা মহারাণা ! এই নিন্ প্রভু ! ব্রাহ্মণের নিকট হ'তে লুণ্ঠিত সামগ্রী ।

রাজ । হীকবলয়, আর একি ! পত্র ! ( পত্রপাঠ ) তাইতো, এ যে বিষম সমস্যা কি করণীয় কিছুই যে সহসা স্থির করে উঠতে পাচ্ছি না । ( পুনঃ পাঠ ) “গুরুদেব হস্তে হীরক বলয় পাঠাইলাম । তিনি আপনার হাতে রাখী বাঁধিয়া দিবেন । তারপর আপনার রাজধর্ম আপনার হাতে, আমার প্রাণ আমার হাতে । যদি দিল্লী বাইতে হয় দিল্লীর পথে বিষপান করিব ।” মাণিকলাল, এ পত্রের কথা তুমি ছাড়া আর কে জানে

মাণিক । যারা জানত, তাদের একজন ওই ভূমিশায়ী—অন্য  
ছজনকেও মহারাণা গুহা মধ্যে নিহত করেছেন ।

রাজ । উত্তম, তুমি গৃহে যাও । উদয়পুরে এসে আমার সঙ্গে  
সাক্ষাৎ করো, এ পত্রের বিষয় কারো সাক্ষাতে প্রকাশ করো না ।

মাণিক । যথা আজ্ঞা প্রভু !

[ প্রস্থান ]

রাজ । পত্রের শেষাংশ দেখছি অন্য হস্তের লেখা, এও রমণী  
হস্তাক্ষর ; সম্ভবতঃ রাজকন্যার কোন সখীর হবে । (পাঠ) “বিপদে পড়িয়া  
পণ করিয়াছি যে, যে বীর আমাকে মোগল হস্ত হইতে রক্ষা করিবেন,  
তিনি যদি রাজপুত্র হইবেন, আর যদি আমাকে যথাশাস্ত্র গ্রহণ করেন,  
আমি তাহার দাসী হইব ; হে বীরশ্রেষ্ঠ, যুদ্ধে জীলাভ বীরের ধর্ম ।  
সমগ্র ক্ষত্রকুলের সহিত যুদ্ধ করিয়া পাণ্ডব দ্রৌপদী লাভ করিয়াছিলেন ।”  
জীলাভ ! এই প্রৌঢ় বয়সে আবার বিদাহ ! কিন্তু সে যাহোক, যেমন  
করে হোক রাজকন্যাকে মোগল হস্ত হতে আগে উদ্ধার করতেই হবে ।

( দয়ালশা ও সৈনিকের প্রবেশ )

সকলে । মহারাণা কি জয় ।

রাজ । দয়ালশা, কিছুক্ষণ পূর্বে এক ব্রাহ্মণকে বসিয়ে রেখে  
গিয়েছিলুম, সন্ধান করে দেখতো সে কোথায় ?

দয়াল । আমরা তাকে ধরতে যথেষ্ট চেষ্টা করেছি মহারাণা,  
কিন্তু ব্রাহ্মণ পলাতক ।

রাজ । পলাতক ! সে যা হোক, প্রিয়জনগণ, মধ্য প্রহর অতীত  
হয়েছে, সমস্তদিন আমার সঙ্গে মৃগয়ায় নিরত থেকে তোমরা কুৎসিপাসায়  
কাতর হয়েছ সন্দেহ নাই, এই পার্শ্বত্যাগ পথে আবার আমাদের ফিরে  
যেতে হবে । বাঘের যুদ্ধ করতে সাধ আছে ; আমার সঙ্গে এলো, এই

উত্তম পর্বতশীর্ষে, আবার আরোহণ করতে হবে । আর বারা শ্রান্তিবোধ কর, উদয়পুরে ফিবে যাও ।

দয়াল । রাণার আজ্ঞাবহ কোন মেবারী ক্ষুধা তৃষ্ণায় কাতর হয়ে রাণার সঙ্গ ত্যাগ করবে না । আমরা প্রত্যেকেই মহারাণার অনুগমন করব ।

রাজ । তবে আর মুহূর্ত্ত বিলম্ব নয়, আমার সঙ্গে এস ।

সকলে । জয় মহারাণা কি জয়—জয় মাতাজি কি জয় ।

[ প্রস্থান

## দ্বিতীয় দৃশ্য

### রূপনগর প্রাসাদ চত্বর

( সুরদাসের গান, গানের শেষে চঞ্চলকুমারী ও  
নির্মলকুমারীর প্রবেশ )

### গান

গৌরী সম্মুখে ভসম্ ভার—

পিয়ারী সম্মুখে কালা ।

শচী সম্মুখে সহস্র লোচন,

বীর সম্মুখে বীর বালা ॥

গঙ্গাগর্জ্জন শব্দে জটপর—

ধরণী বৈঠত বাসুকী ফন্মে ।

পবন হোয়ত অগণ সখা,

বীর ভজতি বুঝতী মন্মে ॥

চঞ্চল । সুরদাস, এ গান কেন সুরদাস ?

সুরদাস । নির্মল মায়ের মুখে শুনলুম, তুমি হৃদয়ঙ্গম আহার নিদ্রা ত্যাগ করেছ, তাইতো তোমায় এ গান শোনাতে এলুম । ভয় কি মা ? “শচী সম্বন্ধে সহস্র লোচন, বীর সম্বন্ধে বীরবাণ।” আশীর্বাদ করি, ভগবান গঙ্গাধর তোমার আকুল প্রার্থনা শুনবেন ।

( চঞ্চলের প্রণাম, সুরদাসের প্রস্থান )

চঞ্চল । গঙ্গাধর আমার প্রার্থনা কৈ শুনলেন সখি ? গুরুদেব অনন্ত মিশ্র তো আজও উদয়পুর হতে ফিরলেন না । পিতাকে দিয়ে যোগল-সেনাপতিকে পাঁচ দিন অপেক্ষা করতে অনুরোধ করেছিলুম । রাত্রি প্রভাতেই তো পাঁচ দিন অতীত হবে ।

নির্মল । তাইতো ভাবছি—এখন উপায় কি ?

চঞ্চল । উপায় যাই হোক, আমি কখনো যোগলের দাসী হব না !

নির্মল । আলমগীর বাদশার হুকুম তোমায় দিল্লী নিয়ে যেতে । মহারাণার সাধ্য নেই তাতে বাধা দেন ।

চঞ্চল । সখি !

নির্মল । আর এ তো সোভাগ্যের বিষয়, যোধপুর বল, অম্বর বল, রাজা, বাদশা, ~~গঙ্গাধর~~, নবাব, সুব যা বল, কে না কামনা করে তার কন্যা দিল্লীর সিংহাসনে বসুক ! পৃথিবীস্বরী হতে তোমার এত আপত্তিই বা কেন ?

চঞ্চল । এখনো তোর পবিহাস ! যা তুই এখান হতে চলে যা ।

নির্মল । আমি না হর গেলুম, কিন্তু যার অঙ্গে প্রতিপালিত হচ্ছি তাঁর মঙ্গল তো দেখতে হবে । তুমি যদি দিল্লী না যাও, তবে তোমার পিতা মহারাজ বিক্রম শোলাকীর কি অবস্থা হবে একবার ভেবেছ ?

চঞ্চল । ভেবেছি । আমি দিল্লী না গেলে আমার পিতা নিহত



হবেন ; রূপনগর গড়ের একখানি পাথরও অবশিষ্ট থাকবে না। না, আমি পিতৃহত্যা করব না, প্রভাতে বাদশাহী ফৌজ এলেই আমি তাদের সঙ্গে দিল্লী যাত্রা করব !

নির্মল । এই তো সুবুদ্ধি হয়েছে ।

চঞ্চল । সুবুদ্ধি বটে ! তবে দিল্লী পর্য্যন্ত পৌছব না ।

নির্মল । তবে ?

চঞ্চল । এই দেখ । ( আংটি দেখিতেছিল )

নির্মল । এ কি ! বিবের আংটি !

চঞ্চল । দিল্লীর পথে বিষ পান করব ।

নির্মল । বিষ পান ! সখি, আর কি কোন উপায় নেই ?

চঞ্চল । আর উপায় কি ? কে এমন বীর পৃথিবীতে আছে যে আমার উদ্ধার করে দিল্লীখরের সঙ্গে শত্রুতা করবে ? রাজপুতানার কুলাঙ্গার সকলে মোগলের দাস ; আর কি সংগ্রাম আছে, না প্রতাপ আছে ?

নির্মল । প্রতাপ নাই, সংগ্রাম নাই—কিন্তু রাজসিংহ রয়েছেন । আমার মন বলছে সখি, তোমার বিপদের কথা শুনে নিশ্চয়ই মহারাণা—

চঞ্চল । চূপ, পিতা আসছেন, সঙ্গে ও কে ?

নির্মল । তুর্কীর পোষাক, সম্ভবতঃ মোগল দূত ।

চঞ্চল । আস্ত সখি, অন্তরালে সরে আস ।

( উভয়ের প্রস্থান । অপর দিক হইতে মোবারক ও  
বিক্রম শোলাকীর প্রবেশ )

বিক্রম । আসুন, আসুন খাঁ সাহেব, আশা করি আমার রাজপুরীতে আপনাদের অভ্যর্থনার যা কিছু ত্রুটি হয়েছে তা নিজস্বগুণে ক্ষমা করবেন ।

মোবারক । না রাও সাহেব । এই পাঁচ দিন ধরে আপনার

অভিগি বাৎসল্যে আমরা মুগ্ধ । কিন্তু আর তো অপেক্ষা করা চলে না ।  
রাত্রি প্রভাতেই আপনার কন্যা, হিন্দুস্থানের ভাবী বেগমকে নিয়ে  
আমাদের দিল্লী যাত্রা করতে হবে ।

বিক্রম । কালই যাবেন !

মোবা । আর থাকবার উপায় নেই রাও সাহেব, বাদশাহ  
আমাদের প্রতীক্ষায় রয়েছেন । বিলম্বে হয়তো তাঁর অসন্তোষের কারণ  
ঘটবে ।

বিক্রম । না, দিল্লীশ্বরকে যখন কন্যাদান করতেই হবে, তাঁকে আর  
অসন্তুষ্ট করব না । আমি অক্ষম, দুর্বল, তাই ভয় হয়, দিল্লীতে  
গিয়ে আমার কন্যার অদৃষ্টে না জানি কত দুঃখ, কত নির্যাতন  
রয়েছে ।

মোবা । আপনি এ কি বলছেন, আপনার কন্যা নির্যাতিতা  
হবেন কেন ?

বিক্রম । জানেন তো, বালিকা বুদ্ধিবশে বাদশাহের প্রতিকৃতি  
দেখে সে একদিন ব্যঙ্গ করেছিল ।

মোবা । জানি, রাজকন্যা বাদশাহকে কুৎসিত বলে উপহাস  
করেছিলেন । সেই তসবীর ওয়ালীর মারফৎ সে খবর বাদশাহের কাণে  
পৌঁছেছে । সুন্দরী তরুণীর মুখের সে উপহাস শুনে বাদশাহ কৌতুক  
অনুভব করেছেন । সঙ্কান করে জেনেছেন, উপহাসকারিণী ভারতের  
অদ্বিতীয়া সুন্দরী । বাদশাহের অন্তঃপুরের সৌন্দর্য্য গর্বিতা উদীপুরী  
বেগমও তার কাছে দাঁড়াতে পারবে না । তাই বাদশাহ তাকে  
হিন্দুস্থানের ভাবী বেগমরূপে বরণ করে নিয়ে যেতে আমরা পাঠিয়েছেন  
রূপনগরে ।

বিক্রম । খাঁ সাহেব—

মোবা। আপনার কণ্ঠার বিষয়ে আপনি নিশ্চিত থাকতে পারেন  
রাও সাহেব।

বিক্রম। হ্যাঁ, নিশ্চিত হব বৈকি, যদি কোন দরিদ্র কৃষক হতুম  
তা হলে কণ্ঠাকে দিল্লী পাঠাবার আগে খরশ্রোতা নদীতে ডুবিয়ে  
নিশ্চিত হতুম, কিন্তু, কিন্তু আমি যে রাজা! লক্ষ লক্ষ প্রজার ভবিষ্যৎ  
দেখতে হবে! তাই কণ্ঠাকে দিল্লী পাঠিয়ে এবার রাজা, প্রজা, সব বিষয়ে  
পরম নিশ্চিত হব।

মোবা। এ সব কথার অর্থ কি রাওসাহেব? আপনার কণ্ঠাকে  
বাদশাহের বেগমরূপে দেখতে আপনি কি মর্মান্বিত?

বিক্রম। না, না, কে বলে মর্মান্বিত? হাঃ হাঃ হাঃ! ও কিছু নয়,  
আমার মাঝে মাঝে কি রকম যেন মস্তিষ্ক বিকার ঘটে! বড় আনন্দ কি  
না, তাই আনন্দে মাথা খারাপ হয়ে যায়। প্রলাপ বৈকি! দিল্লী  
পাঠাব না? নিশ্চয় পাঠাব? ক্ষুদ্র ভূঁইয়া রাজা আমি, আমার কণ্ঠা  
পৃথিবীস্বরী হতে চলেছে, আমি পাগল হব না তো কে হবে? চলুন, চলুন  
খাঁ সাহেব, রাত্রি প্রভাত হয়ে এল, যাত্রার আয়োজন করবেন চলুন।

[ উভয়ের প্রস্থান ]

( পুনঃ চঞ্চলকুমারী ও নির্মলকুমারীর প্রবেশ )

চঞ্চল। দেখলে সখি, পিতার অবস্থা দেখলে! আমার অন্তে পিতা  
ছয়তো শেষে সত্যিই পাগল হয়ে যাবেন।

নির্মল। সখি!

চঞ্চল। তবু উপায় নেই; পিতাকে এই অবস্থায় রেখেই আমাকে  
দিল্লী যাত্রা করতে হবে।

নির্মল। সত্যি যদি যাবে, আমিও তোমার সঙ্গে যাব।

চঞ্চল। না, না, তুমি আমার সঙ্গে কোণায় যাবে?

নির্মল । আমি সঙ্গে যাবই । তুমি যদি সম্মত না হও, তা হলে নিশ্চয় ছেন, তুমি দিল্লী গেলেও আমি অলক্ষ্যে তোমার অনুসরণ করব ।

চঞ্চল । কেমন করে ?

নির্মল । মনে নাই, বাদশাহের যোধপুরী বেগম তোমার কাছে পাঞ্জাসহ এক দূতী প্রেরণ করেছিলেন ?

চঞ্চল । হাঁ, মনে পড়ে সেই দূতী আমায় বলেছিল, “রাজকন্যা পারতো বিষপান করো, তবু বাদশাহী হারেমে প্রবেশ কোরো না ।”

নির্মল । যাবার সময় দূতী সেই পাঞ্জাখানি ফেলে গেছে; এই ~~দেখ~~ ~~সেই~~ ~~পাঞ্জা~~ ~~এই~~ ~~পাঞ্জা~~ সাহায্যে আমি বাদশাহের হারেমে প্রবেশ করব ।

চঞ্চল । তার প্রয়োজন হবে না সখি,—তার আগেই চঞ্চল-কুমারীর মৃত দেহ দিল্লীর পথের ধূলায় লুটিয়ে পড়বে ।

( নেপথ্যে ) অনন্ত মিশ্র । মা, মাগো—

চঞ্চল । কার কণ্ঠস্বর ! গুরুদেব মিশ্র ঠাকুর না ?

নির্মল । হ্যাঁ তাই তো ।

( অনন্ত মিশ্রের প্রবেশ )

অনন্ত । এই যে মা, লক্ষ্মী, সরস্বতী দুজনেই এখানে হাজির আছ ।

নির্মল । সংবাদ কি ঠাকুর ! আপনি অত হাঁপাচ্ছেন কেন ?

অনন্ত । আর হাঁপানো, এতক্ষণ যে একেবারে দম বন্ধ হয়ে যায়নি সেই নারায়ণের অনুগ্রহ ! ওঃ এই বৃদ্ধ বয়সে যেন আরবী ঘোড়ার মত ছুটেছি ।

নির্মল । মহারাণাকে সখির পত্র দিয়েছেন ?

অনন্ত । সে যদি দিতে পারতুম, তবে আর এমন করে, প্রাণ হাতে নিয়ে ছুটতে হোত ?

চঞ্চল । তার মানে !

অনন্ত । ডাকাত-ডাকাতে ধরেছিল মা ! চার ব্যাটা ষোয়ান আমার মহারাণার রাজ্য সীমান পথের মধ্যে বেঁধে ফেলে হীরের বালা, চিঠি, সব লুটে নিলে—

চঞ্চল । সে কি !

অনন্ত । মরে যেতুম মা, এ বৃদ্ধ বয়সে অপঘাতে মরতুম ! ভাগ্যিস এক দেবদূতের মত মহাবীর কোথা হতে হাজির হলেন, ডাকাতে সর্দারটাকে মেরে আমার বন্ধন মুক্ত করলেন ; তারপর তাড়া করলেন দলের আর সব ডাকাতদের...

নির্মল । কে সে মহাবীর ?

অনন্ত । তা জানিনে মা, বয়সে প্রৌঢ়, অথচ মনে হল, দিক্ হস্তীর ঞ্চায় বলশালী ! সেই দীর পুরুষ ডাকাতদের অনুসরণ করলেন । দূর থেকে আর একদল অস্ত্রধারী পুরুষ, বোধ হয় তারাও আর একদল ডাকাত, তাদের আশতে দেখে আমি আর বিলম্ব করলুম না—দে ছুট, দে ছুট, সোজা একেবারে এই রূপনগরে ।

চঞ্চল । ঠাকুর—

অনন্ত । বড় ক্লান্ত হয়েছি মা, একটু বিশ্রাম করিগে প্রয়োজন হলে পরে আবার আসব । নারায়ণ, নারায়ণ ।

[ প্রস্থান ]

চঞ্চল । কি হবে সখি ? শেষ আশার দীপও এমনি করে নিভে গেল ! মহারাণার নিকট আমার পত্র পৌঁছল না । তবে আর আমার বিষপান ভিন্ন অন্য উপায় কি নির্মল !

নির্মল । উতলা হয়ো না সখি, শুনলে না উদয়পুর রাজ্য সীমান দস্যু দমনকারী প্রৌঢ় মহাবীরের কথা ? কেন জানি না, সেই বীর

পুরুষের কথা শুনে আমি যেন অন্ধকারেও নূতন আশার আলো দেখতে পাচ্ছি।

চঞ্চল। নিশ্চল!

নিশ্চল। আর সখি, যাত্রার আয়োজন করবি, ভবিষ্যৎ দেবদেব শঙ্করের হাতে।

[ প্রস্থান ]

## তৃতীয় দৃশ্য

পার্বত্য পথ। মাণিকলাল ও কাঠুরিয়া

কাঠুরিয়া। এই দেখনা কর্তা, এই তো দিল্লী যাবার পথ।

মাণিক। এই রূপনগর হতে দিল্লী যাবার পথ! সামনে খাড়া গাহাড় উঠে গেছে। দুই পাহাড়ের চূড়া যেন আকাশ ছুঁয়েছে, তার মাঝখানে অতি সঙ্কীর্ণ পথ। দিল্লী যেতে হলে এই পথেই অগ্রসর হতে হবে?

কাঠু। হ্যাঁ, এ ছাড়া আর যাবার পথ নেই! চল কর্তা, আঁধার পথে যেতে তোমার ভয় লাগেতো আরও খানিকটা এগিয়ে দিবে আসি।

মাণিক। না ভাই, আর আমার এগিয়ে দিতে হবে না। আমি এবার নিজেই যেতে পারব। বিদেশ বিভূঁয়ে রাস্তা চিনি না বলে তোমার পথ দেখাতে বলেছিলুম, তুমি অনেক কষ্ট করে আমার সঙ্গী হয়েছ; এই নাও তোমার পুরস্কার।

( অর্থদান ও কাঠুরিয়ার প্রস্থান )

মাণিক । পথ এতক্ষণ ভালো করে লক্ষ্য করে এসেছি ; সামনে  
 দুধারে ঐ উঁচু পাহাড় থেকে শত্রুকে গুপ্তভাবে আক্রমণ করবার যেমন  
 অপূর্ব সুযোগ তেমন আর কোথাও নেই । রূপনগরের রাজকন্যাকে নিয়ে  
 দিল্লী যাত্রা সেনাকে আক্রমণ করবার জন্য নিশ্চয় মহাবাণা ঐ পর্বত  
 শিখরে আশ্রয় গোপন করে আছেন । এখানে এখন যাওয়া হবে না !  
 রাণার সঙ্গীনা আমার চেয়েনা, যদি শত্রু মনে করে অতিক্রমে আক্রমণ  
 করে । আর চেরে এখন থেকে সঙ্গে গমন করি, “জয় মহাবাণা কি  
 জয় ! জয় মানাজিরিক জয় ”

( চার পাঁচজন রাজপুত্র সৈন্য পাহাড়ের অন্তর্ভুক্ত হইতে

মাণিকলালকে আক্রমণ করিতে উদ্যত হইল,

সহসা রাজসিংহের প্রবেশ )

রাজ । ক্ষান্ত হও । বধ করো না । যাও, তোমরা আশ্রয়গোপন  
 করগে ।

[ সৈনিকদের প্রস্থান

মাণিকলাল, তুমি এখানে কেন এসেছ ?

মাণিক । আমি মহাবাণার ভৃত্য, প্রভু যেখানে ভৃত্যও সেখানে  
 যাবে । আমি সন্ধান নিয়ে জেনেছি, মোগলের সংখ্যা দুই সহস্র,  
 আপনার সঙ্গে মাত্র শত দেহরক্ষী, এসব জেনেও কোন প্রাণে নিশ্চিন্ত  
 থাকব প্রভু ? একদিন আপনি আমার জীবন দিয়েছিলেন, তাই হয়তো  
 এই সঙ্কট মুহূর্তে আমি আপনাকে আপনার সামান্য উপকার হতে পারে, তাই  
 আপনার সন্ধান এসেছি ।

রাজ । কিন্তু আমি যে এখানে এসেছি, তা কি করে জানলে ?

মাণিক । রূপনগরের রাজকন্যা তাঁকে মোগলের হাত থেকে উদ্ধার  
 করতে পত্রে অনুরোধ জানিয়েছিলেন । ভারত গৌরব রাণা রাজসিংহ সে

পত্র পেয়ে যে নিশ্চিত থাকবেন না...এটুকু বোঝবার ক্ষমতা এ দাসের আছে মহারাণা—

রাজ। কিন্তু এ পার্শ্বতা পথে—

মাণিক। বলছি প্রভু, সেদিন উদয়পুর সীমান্তে আপনার কাছ থেকে বিদায় নিয়ে মাতৃহারা শিশু কন্যাটিকে আমার কোন আশ্রয়ীর কাছে রেখে আবার সেই পর্বত সান্নিধ্যেরে ফিরে এলুম। দেখলুম, বহু অশ্রু ফুটছে, ! লক্ষ্য করে দেখলুম, সেটুকু উদয়পুর রাজধানীর পথে নয়, বিপরীত দিকে ! তখনই অনুমান করলুম, মহারাণা রূপনগরের রাজকন্যাকে উদ্ধার করতে যাত্রা করেছেন। দুই সহস্র যোগলের সঙ্গে শত দেহ বক্ষী নিয়ে সম্মুখ যুদ্ধ সম্ভব নয় ; তাই অনুমান করলুম যে আপনি দিল্লীর পথে কোথাও আশ্রয়গোপন করে আছেন। এক কাঠুরে আমার দিল্লীর পথ দেখিয়ে দিল। এখানে এসে ঐ উত্তুঙ্গ পর্বত মালা দেখে বুঝলুম, এই গুপ্ত আক্রমণের চমৎকার স্থান।

রাজ। তুমি কুটকৌশলী যোদ্ধা সে বিষয়ে সন্দেহ নেই। ঠিক তোমার মতই একজন চতুর লোকের আমি সন্ধান করিচ্ছিলুম। তোমাকে আমার প্রয়োজন আছে মাণিকলাল—

মাণিক। আদেশ করুন।

রাজ। আমি যা বলি করতে পারবে ?

মাণিক। মানুষের পক্ষে যা সম্ভব তা আমি নিশ্চয়ই পারব।

রাজ। শোন, মুষ্টিমেয় সঙ্গী নিয়ে যোগলের সঙ্গে যুদ্ধ করে প্রাণ দিতে পারি, কিন্তু জয়ী হতে পারব না। যুদ্ধ করে রাজকন্যাকে উদ্ধার করতে পারব না। তাই আগে কৌশলে রাজকন্যাকে উদ্ধার করতে হবে, তারপর হবে যুদ্ধ। রাজকন্যা যদি যুদ্ধক্ষেত্রে থাকেন, হয়তো তিনি



আহত হবেন। পূর্বাচ্ছেই যে করে হোক রাজকন্যাকে যুদ্ধক্ষেত্র থেকে সরিয়ে দিতে হবে।

মাণিক। কি করে তা করতে হবে বলুন?

রাজ। তোমাকে মোগল অশ্বারোহী বেশে কাল প্রত্যুষে মোগল সেনার সঙ্গে আসতে হবে। ছদ্মবেশে সর্বক্ষণ রাজকন্যার শিবিকার পাশে পাশে থাকবে।

মাণিক। থাকব, তাবপর—

রাজ। মোগল সেনা যখন রাজকন্যাকে নিয়ে ঐ রক্ত পথে প্রবেশ করবে—ঠিক সেই মুহূর্তে—

মাণিক। কি প্রভু?

রাজ। না, চল, তোমায় আমার সমস্ত আয়োজন দেখিয়ে দিচ্ছি—। মনে রাখো, যা ঐ প্রভু তব পূর্বে তোমায় মোগলের ছদ্মবেশে মোগল সেনাদলে স্থান করে নিয়ে হবে।

মাণিক। তবে আমার দয়া করে একটি ঘোড়া বখশিস্ করুন।

রাজ। আমরা এক শত ঘোড়া, এক শত ঘোড়া; আর ঘোড়া নাই যে তোমায় দিই। অগ্র কারুর ঘোড়া দিতে পারব না। ইচ্ছা হয়, আমার ঘোড়া নিতে পার।

মাণিক। প্রাণ থাকতে তা পারব না প্রভু, ঘোড়া চাই না। আমায় শুধু প্রয়োজনীয় হাতিরার দিন।

রাজ। মৃগয়া করতে এসে এট যুদ্ধ উপস্থিত হল—সঙ্গে অতিরিক্ত হাতিরার কোথায়? ইচ্ছা হয় আমার অস্ত্র নাও।

মাণিক। থাক প্রভু, কিন্তু মোগলের পোষাক—

রাজ। তাই বা আমি কোথায় পাব?

মাণিক । তবে অনুমতি দিন, যে প্রকারে পারি আমি সংগ্রহ করে নেব ।

রাজ । কি ? আবার চুরী ডাকাতি করবে ?

মাণিক । আপনার পা ছুঁয়ে প্রতিজ্ঞা করেছি প্রভু,—জীবনে সে কাজ করব না ।

রাজ । তবে ?

মাণিক । চুরী ডাকাতি করব না—তবে ঠকিয়ে নেব ।

রাজ । যুদ্ধক্ষেত্রে সবাই চোর—সবাই প্রবঞ্চক । তার প্রমাণ আমি নিজে । আমি দিল্লীর বাদশাহের ভাবী বেগমকে চুরী করতে এসেছি, তাই চোরের মত লুকিয়ে আছি ।

মাণিক । প্রভু !

রাজ । আমি অনুমতি দিচ্ছি মাণিকল'ল—যেপ্রকারে পার তুমি প্রয়োজনীয় দ্রব্যগুলি সংগ্রহ করে । তার আগে এসো, এই সুড়ঙ্গ মধ্যে রাজকন্টার শিবিকার পাশে থেকে তোমায় যে কৌশল অবলম্বন করতে হবে—সব বুঝিয়ে দিচ্ছি ।

[ প্রস্থান ]

## চতুর্থ দৃশ্য

বনপথ । সুরদাস একাকী গান গাহিতেছিল  
গান

কানন-নিবাসী সীতা, বসু-পুরী আদিয়ার ।  
তমসার তীরে হে বাল্মিকী, গাহ পুণ্য চরিত তাঁর ॥  
সোণার প্রতিমা, ননীর পুতলী বনপথে চলে যায়,  
ওগো হিন্তাল, তাল, তমাল, ব্যঞ্জন করগো যায়,  
চরণের তলে জাগো নব-ভূগ যাত্রা-পথের ধার ॥  
নমো নমো নদী-ক্ষীর-ধার তব দিও মাতা জানকীরে,  
নমো বনস্পতি ফলভারনত, পুণ্য-সলিলা তীরে,—  
ধরার-ভুলালী একা-একা চলে যায়,  
সাপী হ'য়ো পথে তাঁর ॥

( গানের শেষ নির্মলকুমারীর প্রবেশ )

নির্মল । সুরদাস—সুরদাস—

সুর । কে, একি ! নির্মল মা !

নির্মল । সুরদাস, তুমি এ বনপথে কেন ?

সুর । তবে কোথায় যাব মা ? রূপনগরের রাজপুরী অন্ধকার  
করে চঞ্চলা রাজলক্ষ্মী আজ বনবাসে চলেছেন, তাই বনপথে আশ্রয়  
নিরেছি মা—

নির্মল । সুরদাস—

সুর । তুমি এসেছ ভালই হয়েছে মা । এখানে কেউ শুনবে না ; চল, এ-  
আমরা বনের পশু পাখীর সঙ্গে একবার গলা মিলিয়ে প্রাণ তরে কাঁদি ।

নির্মল। না, সুরদাস কাঁদব কেন! রাজপুত্রের মেয়ে মরণের কাল সাপ নিয়ে বেদেনীর মত খেলা করে—জহর ত্রুতের লেলিহান চিতানল রাজপুত্র মেয়েকে মাথা লুইয়ে প্রণাম করে। রাজপুত্রের মেয়ে তো কাঁদতে জানে না সুরদাস! ভুলে গেছ...রাজপুত্রনা যে মরুভূমির দেশ! এখানে মেঘবাদল নেই;

সুর। মা—

নির্মল। তুমি রাজপুরীতে ফিরে যাও সুরদাস। শোকাচ্ছন্ন জনক জননীর পাশে দাঁড়াও গে, তাঁদের (ধৈর্য্য ধরতে বল) সাহসনা দাও।

সুর। আর তুমি?

নির্মল। চঞ্চল কুমারীকে অনুন্নয় করেছিলুম আমার সঙ্গে নিতে। সে স্বীকৃতা হল না। আমার ফেলে সে চলেছে দ্বিসহস্র মোগলের সঙ্গে দিল্লীর পথে। সে আমার সঙ্গে না নিক, আমিও একবার দেখব, যাত্রা পথ কতদূর...জীবনের এপারে, কি ওপারে।

সুর। সে কি! না, না, আমার কথা শোন নির্মল মা, গৃহে ফিরে চল।

নির্মল। বৃথা অনুরোধ করোনা সুরদাস। তুমি তো জান, এ জীবনে আমি কখনো সঙ্কল্পচ্যুত হই নি। কার সাধ্য নাই আমার পথ রোধ করে; যাও, তুমি গৃহে যাও—

সুর। কিন্তু তোমায় একা একা—

নির্মল। একা নই, আমার সঙ্গী এই! ( ছুরী দেখাইল )

সুর। মা—

নির্মল। পিতা মাতাকে সাহসনা দাওগে। অনর্থক কালক্ষেপ কোরোনা। তত্ত্ব সাধক, যতক্ষণ এখানে সময় নষ্ট করছ, ততক্ষণ দেব-

দেব মহাদেবের <sup>মুখের</sup> পূজা বিঘ্নদল দিয়ে রাজকন্ঠার অস্ত্র প্রার্থনা করগে।  
হয়তো তোমার আবাহনে ঘুমন্ত দেবতা জাগলেও জাগতে পারেন।

সুর। আচ্ছা মা, আমি যাই, দেবাদিদেবের পূজা দিতে যাচ্ছি।

[ প্রস্থান

নির্মল। পাথরের দেবতা জাগবে! হায় মহারাণা রাজসিংহ, দেবাদিদেব মহাদেব জানে যে কুমারী—তোমার উদ্দেশ্যে, তার ষথা-সর্বস্ব সমর্পণ করে তোমার চরণে আশ্রয় চাইল, তুমি কি তার ডাকে সাড়া দেবে না বীর শ্রেষ্ঠ! এমন বিপন্ন আশ্রিতাকে তুমি নির্মম হৃদয়-হীন কাপুরুষের ন্যায় বর্জন করবে?

নেপথ্যে মাণিক। কে বলে রাজসিংহ হৃদয়হীন কাপুরুষ! আশ্রিত রক্ষা রাজসিংহের জীবন-ব্রত।

( মোগলবেশে মাণিকলালের প্রবেশ )

নির্মল। কে, কে কথা কইলে! একি! মোগল সেনানী।

মাণিক। ভয় নেই, আমি মোগল সেনানী নই, আমি রাণা রাজসিংহের ভৃত্য—

নির্মল। অলক্ষ্য হতে আমাদের কথা শুনেছ, তাই বলছ—তুমি রাজসিংহের ভৃত্য! দূরে দাঁড়াও প্রতারক, নইলে ( ছুরী তুলিল )

মাণিক। বিশ্বাস কর সুনন্দরী; আমি অলক্ষ্য হতে তোমাদের সব কথা শুনেছি সত্য, তবু বিশ্বাস কর, আমি প্রতারক নই; রাণা রাজসিংহ আমার প্রভু—

নির্মল। রাজসিংহ তোমার প্রভু? তুমি মোগল—

মাণিক। না, আমি রাজপুত্র, এ আমার ছদ্মবেশ; তার প্রমাণ এই দেখ— ( গৌড় খুলিল )

নির্মল। তা এ বেশে কেন?

মাণিক । আড়াল হতে শুনেছি, তুমি রূপনগরের রাজকন্ঠার মঙ্গলাধিনী, তাঁর সখি, তাই তোমাকে কিছ জানাতে আমার সঙ্কোচ নাই । আমি মোগল সেজেছি রাণা রাজসিংহের আদেশে—

নির্ম্মল । রাণা রাজসিংহ ! তিনি কোথায় ?

মাণিক । এখান হতে দুক্রোশ দূরে গিরিবন্ধে আত্মগোপন করে রয়েছেন । সেই গিরিবন্ধে ধরে মোগল সেনাদল রাজকন্ঠাকে নিয়ে এখন দিল্লীর পথে অগ্রসর হবে, অতিক্রম আক্রমণে মহারাণা তখন রাজকন্ঠাকে উদ্ধার করবেন ।

নির্ম্মল । সত্য, সত্য সেনানী ?

মাণিক । চঞ্চলকুমারীর সখীকে মিথ্যা কথা বলে আমার কোন লাভ নেই ।

নির্ম্মল । তা...মহারাণা দুক্রোশ দূরে গিরিবন্ধে, মোগল সেনাও রাজকন্ঠাকে নিয়ে সৈদিকে অগ্রসর হয়েছে, তুমি কেন এখনো পশ্চাতে পড়ে ?

মাণিক । মহম্মদ খাঁকে ভালো চাবি বন্ধ করে আসতে একটু দেরী হয়ে গেল...তাই ।

নির্ম্মল । মহম্মদ খাঁকে ভালোচাবি বন্ধ ! সেকি !

মাণিক । সে এক আচ্ছা রগড় । মহারাণা বললেন যে ভাবে পার— ষোড়া, হাতিয়ার আর মোগলাই পোষাক ষোগাড় করগে । আমি তখন রূপনগরে এসে এক সুন্দরী পানওয়ালীর সঙ্গে ভাব করলুম । তাকে হাত করে এক চিঠি লেখালুম মহম্মদ খাঁর নামে ।

নির্ম্মল । কে মহম্মদ খাঁ ?

মাণিক । কে মহম্মদ খাঁ, তা আমি কি জানি ? ভাবলুম, দুহাজার মোগল সেনানীর মধ্যে একজন না একজন ও নামে থাকবেই । শিকার

জুটে গেল। সুন্দরী মেয়ে ছেলে অভিসারে আমন্ত্রণ করেছে, সে চিঠি পেয়ে এক খাঁ সাহেব বললেন, হ্যাঁ এ চিঠি আমার—আমিই মহম্মদ খাঁ। হাতিয়ার নিয়ে ঘোড়ায় চেপে মোগল এল পানওয়ালীর ডেরায়।

নির্মল। ভারী মজা তো! তারপর?

মাণিক। সুন্দরীর ঘরে ঢোকবার আগে খাঁ সাহেব তার হাতিয়ার আর ঘোড়া আমার জিন্মায় রেখে গেল। বাকী রইল পোষাক। ঘরে ঢুকতে সুন্দরী বললে, ও সব অবরদস্ত জামা খুলে ফেল; আমি তোমায় আতর দিই...হাওয়া করি। মোগল সৈনিক আনন্দে মশগুল হয়ে জামা খুলে ফেলল। সুন্দরী তার জামাটা বাইরে রেখে দিল। তখন আমি খুব জ্বোরে দরজায় কড়া নাড়তে লাগলুম। সুন্দরী আমার শেখান মত সেপাইকে বললে—সর্বনাশ! আমার স্বামী এসেছে, তুমি খাটের নীচে পালাও। মোগল সৈনিক খাটের নীচে লুকুল। সুন্দরী বাইরে এসে সঙ্গে সঙ্গে তাকে তালাচাবি বন্ধ করল। ব্যাম্। সেই পোষাক, হাতিয়ার, আর ঘোড়া নিয়ে আমিও উধাও।

নির্মল। তুমি বড় চতুর! তোমার বুদ্ধিকে বাহবা না দিয়ে পারলুম না—

মাণিক। তুমি আমার বুদ্ধির তারিফ কচ্ছ! একজন মরে যাওয়ার পর আজ পর্যন্ত কিন্তু তোমার মত আর কেউ আমার গুণের সমঝদার হল না। আহা! সেই মরা মানুষটির ষায়গা যদি তুমি অধিকার করতে!

নির্মল। কে সে?

মাণিক। আগে ভরসা দাও, তার ষায়গা<sup>তুমি</sup> অধিকার করবে?

নির্মল। সম্ভব হলে আপত্তি নেই। বল, আমার কি করতে হবে?

মাণিক। বিশেষ কিছুই নয়, আমাকে শুধু বিয়ে করতে হবে।

নির্মল। বটে! আশ্পর্কী তো কম নয়! তুমি ছুর হও।

মাণিক । তাতো যাবই, তুমিও আমার সঙ্গে চল না !

নির্মল । তোমার সঙ্গে ! কোথায় ?

মাণিক । কেন, রাজকন্টার কাছে—

নির্মল । তারা অনেক দূরে এগিয়ে গেছে, কি করে যাব ?

মাণিক । কেন ? ঘোড়ায় চেপে চলে ?

নির্মল । ঘোড়ায় চডতে আমি জানি না ।

মাণিক । আমার সঙ্গে এক ঘোড়ায় যাবে ।

নির্মল । তুমি যাও, আমি রাজকন্টার কাছে যেতে চাই না ।

মাণিক । আহা চটছ কেন, আমার বিয়ে করলে এক ঘোড়ায় যেতে  
আপত্তি কি ?

নির্মল । বটে ! দাঁড়াও, তোমায় দেখাচ্ছি মজা ! শপথ কর—

মাণিক । কি শপথ করব ?

নির্মল । তরবারি ছুঁয়ে শপথ কর যে, আমার বিয়ে করবে ?

মাণিক । তরবারি ছুঁয়ে শপথ করলুম, যদি আজকের যুদ্ধে বাঁচি  
তবে তোমাকে বিয়ে করব । কেমন, এখন রাজী—

নির্মল । চল, কোথায় তোমার ঘোড়া—

মাণিক । রোস, আগে দাঁড়িটা ঠিক করে নিই । হাঁ দেখ, আমি  
তোমায় গিরিবন্ধের কাছাকাছি নিরাপদ স্থানে লুকিয়ে রেখে রাজকন্টার  
শিবিকার সঙ্গে যাব কিন্তু । আমাদের আবার সাক্ষাৎ হবে—যুদ্ধে  
যদি বাঁচি ।

নির্মল । (বেশ) তাই হবে চল ।



## পঞ্চম দৃশ্য

### পার্বত্য পথ

পর্বত উপরে দূববীক্ষণ যন্ত্র সহ দয়ালশা । নিম্নে রাণা রাজসিংহ ।  
রাজ । কি দেখছ দয়ালশা ?

দয়াল । পিপীলিকা শ্রেণীর গায় মোগলসেনা গিরিবন্ধে প্রবেশ  
করছে ।

রাজ । রাজকন্টার শিবিকা ?

দয়াল । সেনাদলের ঠিক মধ্যভাগে ।

রাজ । তোমার সম্মুখের সুড়ঙ্গপথ মুক্ত আছে ?

দয়াল । আছে মহারাণা ; ঐ ঐ যে মোগল সেনা সামনে  
এসে পড়েছে—

রাজ । আসতে দাঁড়, ওদের অর্দ্ধাংশ এ স্থান অতিক্রম করে যাক,  
রাজকন্টার শিবিকা যখন আমাদের সম্মুখবর্তী হবে ঠিক সেই মুহূর্তে—

দয়াল । মনে আছে মহারাণা, সমস্ত রাত্রি জেগে পাথরের স্তূপ  
সাজিয়ে ঐ পর্বতশৃঙ্গে আমাদের সেনাদল সেই শুভ মুহূর্তেরই অপেক্ষা  
কচ্ছে । রাজকন্টার শিবিকা এই সুড়ঙ্গের নিকটে এলেই পাহাড়ের  
ওপর থেকে মোগল সেনার ওপর শিলাবৃষ্টি আরম্ভ হবে ।

রাজ । অতর্কিত আক্রমণে মোগলসেনা যখন ছত্রভঙ্গ হয়ে পড়বে,  
সেই মুহূর্তে রাজকন্টার শিবিকা শুদ্ধ রাজকন্টাকে সুকৌশলে ঐ  
সুড়ঙ্গ পথ ধরে—

দয়াল । মহারাণা, শিবিকা নির্দিষ্ট স্থানে উপস্থিত ।

রাজ । উপস্থিত ? কর ভেরীধ্বনি, ভেরীধ্বনি কর—

( ভেরীধ্বনি, কোলাহল, আর্তনাদ ; রাজসিংহও পর্বতের উপরে উঠিলেন )

রাজ । ঐ, ঐ মোগলসেনার আর্তনাদ ! অতকিত আক্রমণে, ওরা বিপদ্যস্ত ! মাতৈঃ মাতৈঃ রাজপুত্র ! রাজপুত্রানীকে রক্ষা করতে তোমরা অস্ত্র ধরেছ, স্বয়ং মহাশক্তি তোমাদের আশ্রয় দেবেন ।

দয়াল । মহারাণা, শিবিকা তো সুড়ঙ্গের নিকটে, বাহকেরা প্রাণ ভয়ে ভাত, ওরা যদি এই সুড়ঙ্গে না এসে পশ্চাতে পালিয়ে যায় ?

রাজ । সম্মুখে এক সহস্র পশ্চাতে আর এক সহস্র সেনা, কেমন করে ওরা যাবে পশ্চাতে ? ওদের আসতে হবে, এই সুড়ঙ্গে আসতে হবে !

দয়াল । ওরা ইতঃস্তত কচ্ছে... এখনো কি সুড়ঙ্গ দেখতে পায়নি !

রাজ । ওদের দেখতে হবে ! ঐ দেখ—

দয়াল । হ্যাঁ, হ্যাঁ, তাইতো ! এক মোগলসেনা ওদের সুড়ঙ্গ দেখাচ্ছে ।

রাজ । মোগল নয়, মোগল নয়, মোগলের ছদ্মবেশে ও আমাদেরই এক বীর বোদ্ধা মাণিকলাল—

দয়াল । মাণিকলাল !

নেপথ্যে মাণিকলাল । হুঁ সিয়র, কাহার লোগ, হুঁ সিয়র, বাঁ রাস্তা বাঁ রাস্তা—

রাজ । ঐ শোন, কার্য্য সিদ্ধ ; নেমে এসো—

( শিবিকাবাহীগণ ও মাণিকলালের প্রবেশ )

মাণিক । বাঁ রাস্তা বাঁ রাস্তা, ঠিক হ্যার, জলদি চল, সিধা চল, সিধা চল—

( শিবিকা লইয়া বাহকদের প্রস্থান, মাণিকও যাইতেছিলেন )

( রাণা পশ্চাৎ হইতে ডাকিলেন )

রাজ । মাণিকলাল ।

মাণিক । একি ! মহারাণা ! আপনি পর্ত্তশূঙ্গ হতে নেমে এলেন কেন প্রভু !

রাজ । যে ছরুহ কার্যের ভার তোমার অর্পণ করেছি, যদি সে কার্য সাধনে তোমার জীবন বিপন্ন হয়, তাই তোমাকে সাহায্য করতে এসেছি । ঐ দেখ, আমার আদেশ মত আমার সেনাদলও কৰ্মাসিদ্ধ জেনে নিম্নে অবতরণ কচ্ছে—

মাণিক । মহারাণা, মোগলসেনা যদি সন্দেহ বশে স্তূড়ঙ্গ পথে এগিয়ে আসে ? তাহা যে সংখ্যায় আমাদের অনেক বেশী—

রাজ । তুমি বাহক সহ স্তূড়ঙ্গ প্রবেশ করবার সঙ্গে সঙ্গে বিরাট প্রস্তর খণ্ড দিয়ে স্তূড়ঙ্গের মুখ বন্ধ করে দেওয়া হয়েছে ।

মাণিক । কিন্তু আমি যতদূর সংবাদ সংগ্রহ করেছি প্রভু, তাতে জেনেছি, এই সেনাদলের অধ্যক্ষ মোবাতক খাঁ অত্যন্ত চতুর ও রণদক্ষ । মোবাতক যদি কিছুমাত্র সন্দেহের স্তূযোগ পায়, না না মহারাণা, আপনি শীঘ্র রাজকুমারীকে নিয়ে পর্ত্তশূঙ্গে উঠে যান । আমি যাই, মোগলের চন্দ্রবেশে আর একবার গিয়ে দেখি, মহারাণার আর কিছু উপকার করতে পারি কিনা ।

দয়াল । কে, কে ও পর্ত্ত অন্তুরাগ হতে সরে গেল ! ( উপরে উঠিল )

রাজ । কে, দয়ালশা ?

দয়াল । ঠিক বুঝতে পারলুম না, কোন মোগল সেনানী বলে অনুমান হল ।

রাজ । মোগল সেনানী !

দয়াল । বুঝি সর্বনাশ হয়েছে প্রভু, মোগলেরা আমাদের চাতুরী ধরে ফেলেছে । গিরিবন্ধের দুই দিকে তোপ বসিয়েছে ; দুধারই অবরুদ্ধ । এবার ওরা এইদিকে এগিয়ে আসছে ।

রাজ। এই দিকে আসছে ! আমারই ভুল, শুধু আমারই ভুলেব  
জন্ত এ সর্বনাশ হল। আর কেন দয়ালশা ; মৃত্যুর জন্ত প্রস্তুত হও। ভেরী  
নিনাদে সেনাদের মৃত্যুর জন্ত সজ্জাবদ্ধ কর।

( দয়ালশার ভেরীধ্বনি, সৈনিকদের প্রবেশ )

রাজ। ভাই, বন্ধু, যে কেউ সঙ্গে থাক, আমি তোমাদের কাছে ক্ষমা  
চাইছি। পরিত্যক্ত হতে নেমে এসে আমি মহাবিপদ ডেকে এনেছি।  
মোগল আমাদের অবস্থান জানতে পেরেছে। ঐ শোনো, তাদের  
তোপধ্বনি। আমাদের সংখ্যায় বিশগুণ মোগল আমাদের ঘিরে  
ফেলেছে,—একজনও আমরা বাঁচব না, মরব তবে-শত্রু বধ করে মরব।  
যে মরবাব আগে দুজন শত্রু বধ না করে মরবে সে রাজপুত্র নয়।  
এস, আমরা তরবারি হাতে ওদের তোপের ওপর বাঁপিয়ে পড়ি—  
তোপতো আমাদের হবেই ; তারপর দেখা যাবে কত শত্রু বধ করে মরতে  
পারি। "

সকলে। জয় মহারাণা রাজসিংহের জয়।

[ চঞ্চলকুমারীর প্রবেশ ]

চঞ্চল। দাঁড়াও তোমরা—

রাজ। কে !

চঞ্চল। আমি রূপনগরের রাজকন্যা চঞ্চলকুমারী—

রাজ। রাজকুমারী ! তুমি শিবিকা থেকে নেমে এলে কেন !

চঞ্চল। আমি মুখরা, স্ত্রীলোকের শোভা যে লজ্জা তা আমাতে  
নেই : সেজন্ত ক্ষমা করবেন মহারাণা। আমি এসেছি একটি ভিক্ষা  
চাইতে।

রাজ। তোমারই জন্ত এত দূর এসেছি, তোমাকে অদেয় কিছু  
নেই। বল রাজকন্যা, কি চাও তুমি ?

চঞ্চল । আমি চঞ্চলমতি রমণী ; রমণী বুদ্ধি বশে আপনাকে আসতে লিখেছিলুম, কিন্তু আমি তখন নিজের মন ভাল করে বুঝতে পারিনি । বলতে লজ্জা নেই, মোগল সম্রাটের ঐশ্বর্যের কথা শুনে আমি সত্যি মুগ্ধ হয়েছি ; তাই যুদ্ধে প্রয়োজন নেই । আমি—আমি দিল্লী যাব ।

রাজ । তোমার মনেব কথা আমি বুঝেছি রাজকন্যা, আমার বিপন্ন দেগেই—তোমার এ অদ্ভুত প্রস্তাব । কিন্তু সে হবে না, আমি জীবিত থাকতে তোমার দিল্লী যেতে হবে না । ছো ওয়ান সব আগে চল ।

চঞ্চল । দাঁড়ান মহারাণা, এই আংটিতে বিষ আছে, আমার দিল্লী যেতে না দিলে আমি বিষ পান করব ।

রাজ । অনেকক্ষণ বুঝেছি রাজকন্যা, রমণীকূলে তুমি ধন্যা । ওই সহস্র মোগলের সঙ্গে শত যোদ্ধা নিয়ে এ যুদ্ধে আমরা নিহত হব, তাই তোমার আত্মহত্যার প্রয়াস ? কিন্তু সে হবে না, আজ রাজপুত্রের বাঁচা হবে না, আজ রাজপুত্রকে মরতেই হবে ; নইলে রাজপুত্রের নামে কলঙ্ক-কালিমা লিপ্ত হবে । চল সৈনিকগণ---

চঞ্চল । মহারাণা—মহারাণা—

রাজ । রাজপুত্রের জীবন ব্রতপালন করতে চলেছি রাজকন্যা, পশ্চাতে ডেকো না । আমাদের মৃত্যুর পর—তোমার ষেখানে অভিক্রুচি গমন করো ।

[ সৈন্যে প্রস্থান ]

চঞ্চল । চলে গেলেন ! মৃত্যুর মাঝে ঝাঁপিয়ে পড়লেন সামান্য রমণী আমি আমার জন্ম হিন্দুকুল সূর্য্য রাণা রাজসিংহের জীবন অবসান হবে । না কিছুতে নয়, সে আমি হতে দেব না, ঐ যে একদল মোগল সৈন্য

ওখান দিয়ে যাচ্ছে, পাহাড়ের ওপর যাই, সঙ্কেত করে ওদের ডেকে আনি, এখানে ডেকে আনি।

[ পাহাড়ের ওপরে উঠিয়া ওড়না উড়াইল, অপরদিক হইতে মোবারক ও সৈন্যদের প্রবেশ ]

মোবা। আমাদের সঙ্কেত করে ডেকে আনলেন কে আপনি ?

চঞ্চল। আমি রূপনগরের রাজকন্যা, মোগল বাদশার ফৌজের হাত থেকে আমাকে উদ্ধার করতে আমি রাণা রাজসিংহকে পত্র লিখেছিলুম। আমার দুর্ভাগ্যবশতঃ মাত্র শত অশ্বারোহী সঙ্গে তিনি এখানে এসেছেন।

মোবা। সেকি ! শত অশ্বারোহী এত মোগল বধ করল ?

চঞ্চল। ( বিচিত্র নয়। হলদিঘাটে রাণা প্রতাপও শুনেছি, এই রকম বীরত্বই দেখিয়েছিলেন ) সে যা হোক রাজসিংহ এখন আপনাদের কাছে পরাস্ত। আমি স্বেচ্ছায় ধরা দিচ্ছি আমার আপনারা দিল্লী নিয়ে চলুন।

মোবা। রাজসিংহ দস্যুর গ্ৰাম আচরণ করেছেন, তিনি এসেছেন আমাদের ভাবী সম্রাজ্ঞীকে লুণ্ঠন করতে। দস্যুকে দণ্ড দিতেই হবে। আমরা রাজপুতদের বন্দী করব।

চঞ্চল। সব পারবেন, শুধু ঐটী পারবেন না। রাজপুত প্রাণ দেবে তবু বন্দী হবে না।

মোবা। আমি তা বিশ্বাস করি, রাজসিংহকে আমি জানি। কিন্তু আপনি দিল্লী যাবেন তাকি সত্য ?

চঞ্চল। আপনাদের সঙ্গে যাব, তবে দিল্লী পর্যন্ত পৌঁছব কিনা সন্দেহ।

মোবা। সে কি !

চঞ্চল । আপনারা যুদ্ধ করে মরতে জানেন, আমরা রাজপুতানী, আমরা কি শুধু শুধু মরতে জানি না ?

মোবা । আমাদের শত্রু আছে, তাই মরি । জগতে আপনার শত্রু কোথায় ?

চঞ্চল । আমার শত্রু আমি নিজে ।

মোবা । আপনার অস্ত্র ?

চঞ্চল । বিষ !

মোবা । বিষ ! মা, আজ্ঞাবাহিনী হবেন কেন ? আপনি যদি স্বেচ্ছায় না যেতে চান, তবে আমাদের সাধ্য কি আপনাকে নিয়ে যাই ? স্বয়ং দিল্লীশ্বর উপস্থিত থাকলেও আপনার ওপরে বল প্রকাশ করতে পারবেন না, আমরা কোন ছার । আপনি নিশ্চিন্ত থাকুন মা । কিন্তু ভাবছি, রাজপুতেরা বাদশাহের সেনা আক্রমণ করেছে । মোগল সেনাপতি হয়ে তাদের ক্ষমা করব কেমন করে !

[ দয়াল ও সসৈন্যে রাজসিংহের প্রবেশ ]

রাজ । প্রয়োজন নেই মোগল সেনাপতি, রাজপুত জীবন দিতে জানে ।

চঞ্চল । সত্যই যদি এ যুদ্ধ অনিবার্য, মহারাণা, আপনার চরণে দাসীর প্রার্থনা, আপনার তরবারিখানি (রাজপ্রসাদরূপে) আমাকে ভিক্ষা দিন । মোগল সেনাপতি দেখুক...শুধু রাজপুত নয়, রাজপুতের মেয়েরাও জীবন দিতে জানে । দিন মহারাণা, তরবারি দিন ।

রাজ । তুমি সত্যই ভৈরবী, হ্যাঁ আমি তোমাকে তরবারি দান করব, এই নাও আমার উপহার ।

মোবা । উদয়পুরের বীরেরা কতদিন হতে জীলোকের বাহুবলে নির্ভর করছেন ?

রাজ। জানো না মোগল ? ষতদিন হতে অবলার উপর তোমরা এমনি অত্যাচার আরম্ভ করেছ—রাজপুতকণ্ঠার বাহতে বল হয়েছে ঠিক ততদিন। বকুগণ, বাকযুদ্ধ নিশ্চয়োজন। পিপীলিকার মত এই মোগলদের নিঃশেষ কর—

( চঞ্চল কুমারী মধ্যস্থলে দাঁড়াইলেন )

সরে এসো রাজকণ্ঠা...

( উভয় পক্ষ আক্রমণে উত্তত )

চঞ্চল। না, ষতক্ষণ এক পক্ষ নিবৃত্ত না হবে ততক্ষণ আমি এখান হতে নড়ব না। আগে আমাকে বধ না করে, কেউ অস্ত্র চালনা করতে পারবে না।

রাজ। এ তোমার অন্তায় রাজকণ্ঠা। এখনো বলছি সরে যাও, আমাদের যুদ্ধ করতে দাও।

চঞ্চল। আপনারা যুদ্ধ করুন, কিন্তু এ অনর্থের মূল আমি, আমাকে আগে মরতে দিন মহারাণা। এসো মোগল সেনানী, এগিয়ে এস, আমার আক্রমণ কর।

মোবা। না, মোগল বাদশাহের সেনা স্ত্রীলোকের সঙ্গে যুদ্ধ করে না। আমরা তোমার নিকট পরাজয় স্বীকার করে যুদ্ধক্ষেত্র ত্যাগ করে যাচ্ছি। রাণা রাজসিংহের সঙ্গে যুদ্ধে জয় পরাজয়ের মীমাংসা আশা করি ক্ষেত্রান্তরে হবে।

[ প্রস্থানোত্তত ]

চঞ্চল। কিন্তু—কিন্তু সেনাপতি, আমাকে যদি সঙ্গে না নিয়ে যান বাদশাহ কি বলবেন ?

মোবা। বাদশাহের বড় আর একজন আছেন মা, উত্তর দেব আমি তাঁর কাছে।



চঞ্চল । সে তো পরলোকে, কিন্তু ইহলোকে ?

মোবা । ইহলোকে মোবারক আলি কাউকে ভয় করে না মা ।  
ঈশ্বর আপনাকে কুশলে রাখুন, বিদায় ।

[ প্রস্থান ]

চঞ্চল । মহারাণা, আনতনেত্রে দাঁড়িয়ে রইলেন কেন মহারাণা !  
আপনি কি আমার আচরণে ক্ষুব্ধ হয়েছেন ?

রাজ । ক্ষুব্ধ ! সে কথা জিজ্ঞাসা করছ রাজকন্যা ? জীবন দিয়ে  
মোগলকে শিক্ষা দিতে পারলুম না, নারীর মধ্যস্থতায় আত্মরক্ষা করতে  
হল... এ গ্লানি—এ গ্লানি আমৃত্যুকাল আমাকে বহন করতে হবে ।

[ মাণিকলালের প্রবেশ ]

মাণিক । না ; মহারাণা রাজসিংহকে গ্লানি মুক্ত করতে এসেছে—  
সহস্র সেনাসহ তাঁর ভৃত্য মাণিকলাল ।

রাজ । মাণিকলাল ! ওকি ! ও কিসের কোলাহল !

মাণিক । মোগল সেনার আর্তনাদ । আমার সেনাদল মোগলকে  
আক্রমণ করেছে ।

রাজ । আমি যে কিছুই বুঝতে পাচ্ছি না মাণিকলাল, তুমি  
কোথায় পেলেন সহস্র সেনা ?

মাণিক । মহারাণার বিপদ দেখে এ দাস আর একটা কৌশল  
অবলম্বন করেছে । দ্রুত অশ্বারোহণে রূপনগরে গিয়ে রূপনগরের  
রাজাকে বললুম, অগণন দস্যু আপনার কন্যার শিবিকা আক্রমণ করেছে,  
তাই মোগল সেনাপতি আমায় পাঠিয়েছেন আপনার কাছে সৈন্য  
সাহায্যের জন্য ! রাজার সহস্র সেনা তৈরী ছিল, তাদের সঙ্গে তিনিও  
আসছিলেন । আমি বললুম, দস্যুরা, সংখ্যায় অজস্র, আমি এ

সেনাদল নিয়ে যাই, আপনি ইত্যবসরে আরও সেনা সংগ্রহ করুন। বিশ্বাস করে রাজা আমাকে সহস্র সেনা দিয়েছেন। সেই সৈনিকদের মোগল সেনা দেখিয়ে বলেছি...ওরাই দস্যু ওদের আক্রমণ কর। অন্ধকারে অতর্কিত আক্রমণ; কেউ কাকে চিনতে পাচ্ছে না, আমার প্রতারণা বোঝবার অবকাশ হবে না, মোগলের পরাজয় সুনিশ্চয়।

দয়াল। ঐ দেখুন—ঐ দেখুন মহারাণা, দলে দলে মোগল প্রাণ বিসর্জন দিচ্ছে!

মাণিক। চলুন সর্দার, মহারাণার সেনাদল নিয়ে এই দিক থেকে আমরাও ওদের আক্রমণ করি, জয় আমাদের সুনিশ্চয়।

রাজ। না—না, আমার জয় নয়। হে বীর, হে রণদক্ষ রাজপুত্র, আজ যদি সত্যি এ বুকে জয় হয়,—তবে সে জয় হবে তোমার।

[ মাণিকলালকে কণ্ঠহার দিলেন ]

## দ্বিতীয় অঙ্ক

### প্রথম দৃশ্য

উদয়পুর প্রাসাদ । চন্দ্রা ও চঞ্চলকুমারী ।

চন্দ্রা গান গাহিতেছিল—

#### গান

আরাবলীর পাহাড় হতে বেণু বাজায় কে ?

মন বলে চিনি ঘন, চিনি ওকে—!

মিঠে সুরে বাজায় বাঁশী ওই ঝরণা নাচে ;

নাচে ধরণা নাচে

ঝিকিঝিকি পাহাড়ী রোদ নাচে বনের কাছে

চিকন কালো দেহাতি বউ চায় ডাগর চোখে ।

চঞ্চল । চন্দ্রা !

চন্দ্রা । আদেশ করুন ।

চঞ্চল । এই উদয়পুর এসে আমার সত্যিই বড় ভাল লাগছে চন্দ্রা ।  
(চারিদিকে পর্বতমালা বেষ্টিত এই পুণ্যভূমি, এর মূলিকণায় মিশে রয়েছে  
মহারাজা প্রতাপের পুণ্যস্মৃতি । বেশ লাগছে ।) শুধু মাঝে মাঝে মন  
চঞ্চল হয়ে উঠে...রূপনগরে আমার মা বাবার কথা ভেবে । না জানি  
কত চোখের জল ফেলছেন তাঁরা আমার জন্য—।

[ পরিচায়িকা প্রবেশ ]

পরিচায়িকা । মহারাজা দেবীর দর্শনপ্রার্থী—

চন্দ্রা । মহারাণা ! আমি তবে আসি দেবী ।

[ প্রস্থান ]

( অপর দিক হইতে রাজসিংহের প্রবেশ )

রাজ । রূপনগর রাজকন্যা, সপ্তাহ কাল অন্তে আমি আবার তোমার সাক্ষাৎপ্রার্থী, ভেবে কি স্থির করলে ?

চঞ্চল । পূর্বেও আমি আপনাকে যে কথা বলেছি মহারাণা, সপ্তাহ অন্তেও আমার সেই উত্তর । ক্ষত্রিয় রাজ্য বিবাহের অন্তই কন্যা হরণ করেন । (অন্য কারণে কন্যাহরণ মহাপাপ । এ কথা জেনেও মহাপাপ করতে আমি আপনাকে সে দিন অনুরোধ করিনি মহারাণা—)

রাজ । আমি তোমাকে হরণ করিনি, মোগলের হাত থেকে উদ্ধার করেছি । এখন তোমাকে তোমার পিতার নিকট প্রেরণ করাই যুক্তিবুদ্ধ ।

চঞ্চল । আপনার যেরূপ অভিরূচী করতে পারেন । আমার পিতা দুর্বল, বাধ্য হয়ে আমাকে আবার দিল্লীতেই পাঠাতে হবে । (আমার দিল্লী গমনই যদি আপনার অভিপ্রেত, তবে রণস্থলে যখন বলেছিলুম— আমি দিল্লী যাব, আপনি তখন স্বীকৃত হননি কেন ?

রাজ । সে আমার মানরক্ষার অন্ত ।

চঞ্চল । তারপর, এখন যে আপনার শরণ নিয়েছে, তাকে আপনি দিল্লী যেতে দেবেন কি ?

রাজ । না, তাও হতে পারে না । বেশ তবে তুমি এখানেই থাক ।

চঞ্চল । এখানে থাকব ! অতিথিরূপে, না দাসী হয়ে ? রূপনগরের রাজকন্যা এখানে মহিষী ভিন্ন আর কিছু হতে পারে না ।

রাজ। তুমি যে রাজার মহিষী হবে সে ভাগ্যবান তাতে সন্দেহ  
নাই। কিন্তু তবু—

চঞ্চল। কি বলুন মহারাণা?

রাজ। রাজকন্যা, তুমি তো জান আমি বিবাহিত—

চঞ্চল। ক্ষত্রিয় রাজার একাধিক মহিষী থাকা কিছুই মূতন নয়  
মহারাণা।

রাজ। কিন্তু তবু, এই বৃদ্ধবয়সে—

চঞ্চল। মহারাণা কি বৃদ্ধ?

রাজ। বুঝা নহি।

চঞ্চল। যার বাহুতে বল আছে, রাজপুত্র কন্যার কাছে সেই বুঝা।  
দুর্কল বুঝাপুরুষকে রাজপুত্র কন্যা বৃদ্ধ বলে জ্ঞান করে।

রাজ। তবু, তোমার মত সর্বশুণালঙ্কৃত কন্যার পাণিগ্রহণের  
অন্য রূপবান রাজপুত্র বুঝাপুরুষের অভাব নাই। তাই বলছিলাম, এখনো  
ভেবে দেখ।

চঞ্চল। কি ভাবব মহারাণা? আমি আপনাকে আত্ম সমর্পণ  
করেছি, অস্ত্রের পত্নী হলে দ্বিচারিণী হব। (কমা করবেন মহারাণা,  
আমি অত্যন্ত নিলজ্জার মত কথা বলছি। দুঃখস্ত শকুন্তলাকে ত্যাগ করে  
গেলে শকুন্তলা লজ্জা ত্যাগ করতে বাধ্য হয়েছিলেন। আমারও আত্ম  
সেই অবস্থা) আমার স্পষ্ট কথা শুনুন, আপনি আমার উপরিত্যাগ করলে  
আমি ঐ সরোবরের জলে ডুবে মরব।

রাজ। না, রাজকন্যা, আত্মহত্যার প্রয়োজন নেই, তুমি বিপদে  
পড়ে আমার পতিত্বে বরণ করেছিলে, তাই তোমার মম বুঝতে আমি  
এসব কথা জিজ্ঞাসা করছিলাম। এখন বুঝলুম তুমিই আমার উপযুক্ত

মহিষী । তোমার পিতা বিক্রম শোলাঙ্গীর নিকট আমি বিবাহের  
অনুমতি চেয়ে দূত পাঠিয়েছি, সেই দূত ফিরে এলেই—

[ প্রতীহারীর প্রবেশ ]

প্রতীহারী । মহারাণা ! . রূপনগরের দূত এই পত্র নিয়ে  
এসেছে ।

পত্র দান ও প্রতীহারীর প্রস্থান

( রাজসিংহ পত্র পাঠ করিলেন )

রাজ । হঁ—

চঞ্চল । পিতা কি লিখেছেন ?

রাজ । এ বিবাহে তাঁর অসম্মতি !

চঞ্চল । অসম্মতি !

রাজ । শোনো, “আপনি রাজপুত্রের নামে কলঙ্ক দিতে প্রস্তুত ।  
আপনি বলপূর্ব্বক আমার অপমান করিয়া আমার কন্যাকে হরণ  
করিয়াছেন । আমার কন্যা পৃথিবীস্বরী হইত ; আপনি তাহাতে বাদ  
সাধিয়াছেন । আমার সম্মতিক্রমে আপনি আমার কন্যার পাণিগ্রহণ  
করিতে পারিবেন না ।”

চঞ্চল । সে কি !

রাজ । আরো লিখেছেন শোনো, “আপনি বলিতে পারেন সকালে  
কত্রির বীরেরা কন্যা হরণ করিয়া বিবাহ করিতেন । ভীষ্ম, অর্জুন,  
শ্রীকৃষ্ণ কন্যা হরণ করিয়াছিলেন । কিন্তু আপনার সে বল বীর্য্য  
কৈ ? আপনার বাহুতে যদি বল আছে, তবে হিন্দুস্থানে যোগল  
বাদশাহ কেন ? শৃগাল হইয়া সিংহের অনুকরণ কর্তব্য নহে । যদি  
আপনাকে কখনো উপযুক্ত পাত্র বিবেচনার কারণ পাই, তবেই ইচ্ছাপূর্ব্বক  
কন্যা দান করিব, নতুবা আপনি আমার কন্যাকে বিবাহ করিবেন না ।

সে রূপ করিলে আপনাকে শাপগ্রস্ত হইতে হইবে।” এখন কি কর্তব্য ?  
এরূপ ক্ষেত্রে বিবাহ কি উচিত ?

চঞ্চল । পিতার অভিসম্পাত মাথায় করে কোন কন্ঠা বিবাহ করতে সাহস করবে ?

রাজ । তবে কি তোমার পিতৃ গৃহে পাঠিয়ে দেব ?

চঞ্চল । পিতৃ গৃহে যাওয়া ও দিল্লী যাওয়া একই কথা । তার চেয়ে আমি বিষ পান করব ।

রাজ । তবে শোন রাজকন্ঠা, আমি তোমার পরিত্যাগ করব না ; তবে তোমার পিতার আশীর্বাদ ব্যতীত বিবাহও করব না । যোগলের সঙ্গে যুদ্ধ নিশ্চিত । সেই যুদ্ধে হয় মরব, না হয় যোগলকে পরাজিত করে তোমার পিতার আশীর্বাদ পাব ।

চঞ্চল । কিন্তু ততদিন ?

রাজ । ততদিন তুমি আমার অন্তঃপুরে মহিবীর মর্যাদা নিয়ে অবস্থান কর । প্রতিজ্ঞা করছি, যতদিন আমাদের যথাশাস্ত্র বিবাহ না হয় ততদিন আমি তোমার সঙ্গে আর সাক্ষাৎ করব না । তুমি এতে সন্মত ?

চঞ্চল । হ্যাঁ, আমি সন্মত ।

নেপথ্যে মাণিক । আমি কি আসতে পারি মহারাণা ?

রাজ । কে ! ও, এসো বন্ধু ।

[ মাণিকের প্রবেশ ]

রাজ । চিন্তে পার রাজকন্ঠা, এই মহাবীরের অপারসীম রণচাতুর্য্যে আমি যোগলের হাত থেকে তোমায় ছিনিয়ে এনেছিলুম এবং এঁর বীরত্বের পুরস্কার স্বরূপ ইনি আজ আমার একজন প্রধান সৈন্যাধ্যক্ষ ।

চঞ্চল । আমার কাছে তার চেয়ে বড় পরিচয়, উনি আমার সখি নির্মলকুমারীর স্বামী ।

রাজ । ওঃ হাঁ, তাওতো বটে, আমি বিস্মৃত হয়েছিলুম ! রাজকন্টার সখি এখন কোথায় মাণিকলাল ?

মাণিক । রাজকন্টার সেবা করতে তিনি মহারাণার অন্তঃপুরে উপস্থিত ।

চঞ্চল । অঁ্যা, নির্মল এসেছে ! এতক্ষণ বলেন নি ! ষাই, নির্মলের কাছে ষাই ।

[ প্রস্থান ]

রাজ । তারপর কি স্থির করলে মাণিকলাল ?

মাণিক । মহারাণা আমি আপনার দূতরূপে দিল্লী যাত্রায় প্রস্তুত ।

রাজ । কিন্তু ভেবে দেখ, আমি রূপনগরের রাজকন্টাকে হরণ করেছি সংবাদ পেয়ে ঔরঙ্গজেব ক্রোধে অগ্নিমুক্তি ধারণ করেছে । আমার রাজ্যের ওপর ঘৃণ্য জিজিয়া কর ধার্য্য করেছে, শুধু তাই নয়, রূপনগর রাজকন্টাকে ফিরিয়ে না দিলে আমার রাজ্য ধূলিসাৎ করে দেবে বলে পত্র প্রেরণ করেছে । আমি জীবন থাকতে জিজিয়া কর দেব না, ঔরঙ্গজেবের ক্ষমতা থাকে আমার সঙ্গে বল পরীক্ষা করুক । পত্রে এইসব কথা লিখিত রয়েছে । এই পত্রবাহক হয়ে দিল্লীতে ঔরঙ্গজেবের সম্মুখীন হবার অর্থ বুঝতে পার মাণিকলাল ?

মাণিক । জানি প্রভু, হয়তো দিল্লী হতে আর ফেরবার অবকাশ হবে না । কিন্তু আপনি তো জানেন, আপনার এ ভৃত্য মৃত্যুকে কখনও ভয় করে না । শুধু আমি নই, আমার পরিণীতা পত্নীও আমার মহারাণার কার্য্যে হানতে হানতে জীবন দিতে অনুমতি দিয়েছেন ।



রাজ। বেশ, তবে এসো বন্ধু, ঔরঙ্গজেবকে লিখিত আমার পত্র তোমায় আমি দিচ্ছি এসো।

[ উত্তরের প্রস্থান

( অপরদিক হইতে নির্মল ও চঞ্চলকুমারীর প্রবেশ )

নির্মল। তোমার এখানে আসতে পথে এক দৈবজ্ঞের কাছে তোমার অদৃষ্ট গণনা করে এসেছি সখি।

চঞ্চল। বটে। বটে!

নির্মল। দৈবজ্ঞকে জিজ্ঞাসা করলুম, গুণে বলতো, আমার সখির বিয়ে হবে কবে? দৈবজ্ঞ খড়ি পেতে অনেক গণনা করে শেষে মাথা নেড়ে বল্ল, উহঁ, তোমার সখির বিয়ে হবে না।

চঞ্চল। অঁ্যা, বিয়ে হবে না! বলিস কি? তোর গণক ঠাকুর গুণতে জানে না—হাতী—

নির্মল। উঁহঁ, শোন না, আমি জিজ্ঞাসা করলুম, ভাল করে দেখ ঠাকুর। সে তখন বললে, যদি পৃথিবীশ্বরের মহিষী কখনো তোমার সখির অধীন হয়, তবেই বিয়ে হবে, নতুবা নয়। এবং সেকাজ অসম্ভব বলেই, গণক ঠাকুরের অভিমত তোমার ভাগ্যে বিয়ে নেই।

চঞ্চল। পৃথিবীশ্বরের মহিষীকে অধীনে পাওয়া কি এমনি অসম্ভব? উদীপুরী বেগম তো পৃথিবীশ্বরের মহিষী। শুনেছি, সে খুষ্টানীর নাকি বড় রূপের দেমাক্। হিংসায় জলে মরছে। তা উদীপুরী বেগমকে এখানে আসবার জন্য একখানা নিমন্ত্রণ পত্র পাঠালে হয় না?

নির্মল। বেশতো, আমার স্বামী দিল্লী যাচ্ছেন, আমি না হয় তাঁর সঙ্গে গিয়ে উদীপুরীকে তোমার নিমন্ত্রণ পত্র দিয়ে আসব। কিন্তু ভাবছি, পত্র পেলেই কি সে আসবে?

চঞ্চল। না, আমার উদ্দেশ্য বিবাদ বাধানো—আমার বিশ্বাস, বিবাদ বাধলেই মহারাণার জয় হবে। তার ফলে উদীপুরী বেগম আসবে আমার পরিচর্যা করতে। আর এক উদ্দেশ্য, তুমি বেগমদের চিনে আসবে।

নির্মল। তা কি করে সম্ভব হবে ?

চঞ্চল। শোনো, বোধপুরী বেগম রূপনগরে আমার কাছে এক দূতী পাঠিয়েছিলেন মনে নেই ?

নির্মল। হ্যাঁ, তোমার দিল্লী আসতে তিনি নিবেদন করেছিলেন। তাঁর দূতীর ফেলে যাওয়া পাঞ্জাখানি আমার কাছেই আছে।

চঞ্চল। সেই পাঞ্জার সাহায্যে বাদশাহের রঙমহলে ঢুকবে, বোধপুরীর সঙ্গে দেখা করবে। তাঁকে সব কথা বলবে ! আমি উদীপুরীর নামে পত্র দিচ্ছি, কৌশলে সেই পত্র উদীপুরীর কাছে পৌঁছে দেবে। যেখানে নিজের বুদ্ধিতে কুলোবে না, তোমার স্বামীর কাছে বুদ্ধি ধার নিয়ো।

নির্মল। তবেই হয়েছে। স্বামীর কাছে বুদ্ধি ধার নেব কি ? আমি আছি বলেই তো ওর সংসার চলে। নইলে রাতারাতি সব অচল।

চঞ্চল। বলিস্ কি ?

নির্মল। সে ষাক ভাই, আমি সব ঠিক করে নেবধন ; তুমি চল, উদীপুরী বেগমকে পত্র লিখে দেবে।

## দ্বিতীয় দৃশ্য দিল্লী প্রাসাদ কক্ষ

( পালঙ্কের ওপর বুদ্ধ ঔরঙ্গজেব,  
পদতলে ক্ষুদ্র আসনে জেবউন্নিসা )

ঔরঙ্গ । জাহাঙ্গীরের প্রিয়তমা মহিষী অগজ্জাতি মুরজাহান, যার  
ঐশ্বর্য্য বিলাসের খ্যাতি সমস্ত এশিয়া মহাদেশে ছড়িয়ে পড়েছিল,  
তিনিও কবিতা লিখেছিলেন.—

“বর ম্যজারেমা গরীবা গুঃ চেরাগে গু গুলে ।

গুঃ পরে পরমানা সুজদ গুঃ স্যতায়ে বুল বলে ।”

আমি গরীব, আমার কবরে কেউ ভুলেও দীপ জ্বেলো না, ফুল দিয়ে না;  
তা করলে, শ্রামা পোকের পাখা পুড়ে যাবে ; বুলবুল পাখী দাগা পাবে ।...  
মুরজাহান বেগমের পর সম্রাট জাহাঙ্গীরের আদরিণী কণ্ঠা, আমার  
স্নেহশীলা ভগ্নী জাহানারাও কবিতা লিখেছিলেন—

“বদা এর সব্জান পোশাদ কসে মজার-ই-মরা ।

কে কবর পোষাই ঘরিবান হাঁমীগিয়া বসন্ত ।”

আমার কবরে তৃণ ভিন্ন আর কোন বহুমূল্য আবরণ দিও না ।—দীন  
আত্মার পক্ষে তৃণই যথেষ্ট আবরণ । আর আজ আমার কণ্ঠা জেব-  
উন্নিসাও কবিতা লিখেছেন ! কি—কি যেন লিখেছ জেব ?

জেব । পিতা, ও কবিতা রচনা করে আমি যদি অপরাধ করে থাকি,  
আমায় ক্ষমা করুন পিতা !

ঔরঙ্গ। না কণা, তোমার তো কোন অপরাধ নেই। শুধু ভাবছি, কি বিচিত্র এই দুনিয়া! স্বপ্নবিলাসী শাজাহানের পুত্র—প্রথর বস্তু-তান্ত্রিক আলমগীর; আর সেই বস্তুতান্ত্রিক আলমগীরের কণা জেবউন্নিসা, সে হল স্বপ্নবিলাসী; প্রেমের কবিতা রচনা করে।

জেব। পিতা—

ঔরঙ্গ। তুমি কাব্য রচনা করো জেব। আমি নিজে ওরসে ষঙ্কিত হলেও তোমার কাব্য চর্চায় বাধা দেব না কণা।

[ সেলাম করিয়া জেবউন্নিসা প্রস্থানোত্তত ]

ঔরঙ্গ। দাঁড়ালে! কিছু বলবে?

জেব। পিতা, আমি বলতে এসেছিলুম—

ঔরঙ্গ। ও হাঁ, তুমি যেন কি আর্জি নিয়ে এসেছিলে! এই দেখ, কাব্য চর্চা কবতে করতে আসল কথাই ভুলে গেছি। কি তোমার আর্জি জেব?

জেব। আমি বলছিলুম—

ঔরঙ্গ। কি! অসঙ্কোচে বল।

জেব। মোবারেক আলি রূপনগর হতে দিল্লীতে ফিরে আসবার পর শাহানশা তাকে একবারও দর্শন দেননি। তাই শাহানশা তার প্রতি বিরূপ হয়েছেন এই আশঙ্কারে সে ত্রীরমান।

ঔরঙ্গ। স্মৃতরাৎ তাকে দর্শন দিতে হবে, এই তো তোমার আর্জি—

জেব। পিতা,

ঔরঙ্গ। মোবারেক আলি আমার সঙ্গে সাক্ষাৎ করতে ব্যাকুল। আর তার আর্জি নিয়ে হাজির হয়েছেন আমারই কাব্যরস-নিমগ্না বোড়শী কণা—হঁ দেখি জেব, তোমার কবিতার বইখানি একবার দেখি—

( পুস্তক দান )

এখানি আপাততঃ আমার কাছেই থাক্ । কবিতাগুলি অবসর মত পড়ে দেখব ।

জেব । পিতা, মোবারেকের ভগ্নী ফতেমা আমার বন্ধু ! শুধু ফতেমার কাতর অনুরোধেই—

ঔরঙ্গ । তোমার এ ওকালতি ? তা তুমি বা তোমার সখি উভয়েই নিশ্চিত হতে পার কণ্ঠা । মোবারেককে দেখবার জন্য একদিন আমিও আকুল আগ্রহে প্রতীক্ষা করিছিলুম, বিশেষ কারণ বশতঃই পারিনি এতদিন । আজ আমার এই বিশ্রাম কক্ষেই মোবারেক এবং সেই সঙ্গে উদয়পুরের মহারাণার দূতকে আসবার জন্য আমি ইতঃপূর্বেই এগুলো পাঠিয়েছি ।

[ জেব উরিসার প্রস্থান ]

( অপর দিক হইতে খাজা আসিরউদ্দিনের প্রবেশ )

আসিরুদ্দিন । শাহানশা !

ঔরঙ্গ । সংবাদ !

আসি । সেনাপতি মোবারেক আলি এবং রূপনগরের দূত ।

ঔরঙ্গ । দে পাঠিয়ে দে । না, শোন, আগে রূপনগরের দূত ।

তারপর মোবারেক ।

[ আসিরুদ্দিনের প্রস্থান ]

( উপচৌকনসহ মাণিকলাল ও জনৈক রাজপুত্রের প্রবেশ )

ঔরঙ্গ । আসুন সর্দারজি, আপনার দর্শন কামনার আমি এত ব্যাকুল হয়ে পড়েছিলুম যে রাত্রি প্রভাতে আমি দরবারে আপনাকে অভ্যর্থনা করবার অপেক্ষা মইল না, এই রাত্রিকালেই আমার বিশ্রাম কক্ষ আপনাকে আহ্বান করেছি ।

মাণিক । সত্রাটের এই করুণা লাভ করে আমি ধন্য ।

ঔরঙ্গ । মহারাণা রাজসিংহের সর্বাঙ্গীন কুশল সর্দারজি ?

মাণিক । মুলুকের মালিক যেরূপ রেখেছেন । সম্প্রতি মহারাণা আমাকে এই পত্রখানি শাহানশার দরবারে পেস করতে পাঠিয়েছেন ।

ঔরঙ্গ । ( পত্রপাঠ ) হুঁ আপনি এবার তাহলে বিশ্রাম করুনগে ।

মাণিক । মহারাণা—শাহানশাকে যে সামান্য উপঢৌকন পাঠিয়েছেন ।

ঔরঙ্গ । উপঢৌকন ! দেখি ( মুক্ত তরবারি তুলিয়া নিলেন ) কোষমুক্ত তরবারি ক্ষুরধার শানিতহানি বিচ্ছুরিত মেবারের রাণার এই উপহারই আমি গ্রহণ করলুম সর্দার, আর সব রাজসিংহের কাছে ফিরিয়ে নিয়ে যান ।

[ অভিবাদন করিয়া মাণিক প্রস্থানোচ্চত ]

ঔরঙ্গ । হুঁ! ভাল কথা, আসিরুদ্দিন ! লক্ষ্য রেখো । মেবার-দুতের ঘেন ষথাযোগ্য পরিচর্যার ব্যবস্থা হয়, ভোজ্য পানীয়—

মাণিক ! কিছুই প্রয়োজন নেই শাহানশা, পার্শ্বত্যা-মুলুকের মানুষ আমরা, দিল্লীর মহার্ষ বাদশাহী ভোজ্য পানীয়তে অভ্যস্ত নই ।

ঔরঙ্গ । তাকি হয়, শেষে মুলুকে ফিরে গিয়ে যোগলের আতিথ সৎকারের ক্রটি ধরে নিন্দা করবেন যে । বহু দূর-পথ এসেছেন, দুদিন বিশ্রাম করুন । আর তা ছাড়া এ বৃদ্ধ বয়সে সব কথা ভাল করে শুধিয়ে বলতে পারি না, দুটো দিন ভেবেচিন্তে রাণার পত্রের বেশ সুন্দর একটা উত্তর লিখে দেব । তাই নিয়ে মুলুকে যাত্রা করবেন ! কেমন ?

মাণিক । সত্ৰাটের যেরূপ অভিক্রটা

[ প্রস্থান ]

ঔরঙ্গ । পত্রের উত্তর ! না রাজপুত আলমগীর বাদাহের পত্রবাহী রাজপুত নয়—সে পত্রবাহী হবে, উদ্ধত রাজপুতের এই তরবারি । আসিরুদ্দিন !

আসি । হজরৎ !

ঔরঙ্গ । এই রাজপুতের শিবির তুমি দেখে এসেছ ?

আসি । এসেছি হজরৎ ।

ঔরঙ্গ । উত্তম, রাজপুতকে অলক্ষ্যে অনুসরণ কর...সঙ্গে আরও বিশ জন বিশ্বস্ত দেহরক্ষী নেও । যতক্ষণ প্রসাদ দুর্গে রয়েছে কিছু বলোনা । প্রসাদ ত্যাগ করে যে মুহূর্তে ঐ বর্ষব শিবিরে পৌঁছবে, ঠিক সেই মুহূর্তে—

আসি । বুঝেছি হজরৎ, আমি ষাই, অবিলম্বে রাজপুত ছবমনের ছিন্নমুণ্ড শাহানশার পদতলে অপিত হবে ।

[ এহান

( মোবারকের প্রবেশ )

মোবারক । শাহানশা ।

ঔরঙ্গ । কে ! মোবারক আলি ! রাজপুতনার যে দূত এই মাত্র চলে গেল, শুনেছি তার সঙ্গে তুমি নাকি বিশেষরূপে পরিচিত ?

মোবারক । হ্যাঁ শাহানশা, দূতের নাম মাণিকলাল । বলতে সঙ্কোচ নেই, ঐ মাণিকলালের কুট কৌশলেই আমি রূপনগরের যুদ্ধে পরাজিত হয়েছিলুম । শত্রু হলেও মাণিকলাল মহাপ্রাণ ।

ঔরঙ্গ । এবং সেইজন্য দিল্লীতে এসে মাণিকলাল যাতে সর্ববিষয়ে নিরাপদ থাকতে পারে তুমি তার ব্যবস্থা করে দিয়েছ ?

মোবারক । বিদেশী দূতের নিরাপত্তার দিকে লক্ষ্য রেখে আমি দিল্লীখরের উপযুক্ত ভূত্যের কার্যাই করেছি শাহানশা ।

ঔরঙ্গ । হ্যাঁ, তা করেছ । তুমি যে আমার গৌরব বৃদ্ধি করতে সর্বদা লচেষ্ট তার প্রমাণ আমি ইতঃপূর্বেই পেয়েছি মোবারকে । সংবাদ পেলুম, তুমি রূপনগর হতে শুধু পরাজিত হয়ে আসনি ; পরাজয়ের পূর্বেই

রূপনগরওয়ালীকে হাতের মুঠোব মধ্যে পেয়েও তাকে সেলাম জানিয়ে রাজসিংহের হাতে তুলে দিবে এসেছ। চূপ করে কেন, বল, এ সংবাদ সত্য ?

মোবা। জাঁহাপনা, যদি অপরাধ করে থাকি—

ঔরঙ্গ। অপরাধ করেছ কিনা তার বিচার পরে—আগে বল, কেন করেছ এ কাজ ?

মোবা। করেছি—আমার—আমার বিবেকের আদেশে।

ঔরঙ্গ। বিবেকের আদেশে ! তাহলে আমাকে এই বুঝতে হবে মোবারেক আলি, যে তোমার বিবেক তোমার আদেশ দিয়েছে, যার অঙ্গে আশৈশব্যাপ্ত হইয়াছে—সেই তোমার অন্নদাতা প্রভুর সঙ্গে বেইমানী করে, তোমার প্রভু, তোমার হিন্দুস্থানের মালেকের চিরউন্নত শির—রাজপুতনার এক গৈয়ো ভূঞার দেশে মাটিতে মুইয়ে দিতে ?

মোবা। হজরৎ, এ দাসের প্রতি ক্রুদ্ধ হবেন না ! ঠিক সে অবস্থায় পড়লে হয়তো আপনি নিজেও মনুষ্যত্বের খাতিরে, ঔদার্যের খাতিরে—

ঔরঙ্গ। মনুষ্যত্ব ! ঔদার্য ! হাঃ হাঃ হাঃ...না, তোমার ওপর রাগ করতে পারলুম না মোবারেক, মোগল সেনাপতি হয়েও তুমি এখনো একটি শিশু—

মোবা। শাহানশা—

ঔরঙ্গ। মনুষ্যত্ব ! উদারতা ! ও দুটি শব্দ রাজনীতির মধ্যে নেই মোবারেক,—ওর স্থান শুধু সন্ন্যাসী ফকিরের ছিন্ন কন্বার আশ্রয়ে ! রাজনীতিতে যদি মনুষ্যত্ব আর উদারতা স্থান পেল, তাহলে বৃদ্ধ পিতাকে বন্দী করে, সহোদর ভাইদের রক্ত রঞ্জিত চরণে আমার তক্ত এ তাউবের সোপান আরোহণ করতে হোত না।

মোবা। আপনি কি বলছেন হজরৎ !



ঔরঙ্গ । ঠিকই বলছি মোবারেক ! সাধুগড় যুদ্ধে পরাজিত দারা দিল্লীতে পালিয়ে গেল, আমি আগ্রার প্রাসাদ দুর্গ অবরোধ করে, দুর্গের বাইরে নুরমঞ্জিলে অপেক্ষা কচ্ছিলুম । পিতা আমাকে “আলমগীর” নামক তরবারি উপহার দিয়ে, মহাসমাদরে দুর্গ মধ্যে আমন্ত্রণ করলেন । পিতৃস্নেহে মুগ্ধ হয়ে দুর্গে প্রবেশ করতে যাব—ঠিক সেই সময় একখানি পত্র হস্তগত হল । পিতা সেই পত্র পাঠাচ্ছিলেন দিল্লীতে দারার কাছে । সে পত্রে কি লেখা ছিল জানো মোবারেক ?

মোবা । কি হজরৎ ?

ঔরঙ্গ । সুরক্ষিত দিল্লীদুর্গে সুদিনের অপেক্ষা কর দারা,—আমি আগ্রার ব্যবস্থা সব ঠিক করে দিচ্ছি । অর্থাৎ ঔরঙ্গজেবকে উদারতার ভুলিয়ে এনে আগ্রা দুর্গে তার সমাধির ব্যবস্থা কচ্ছি ।

মোবা । হজরৎ—

ঔরঙ্গ । বিশ্বস্ত সেনাপতি আলিনকীর হত্যার অপরাধে মোরাদকে গোয়ালিয়র দুর্গে অবরুদ্ধ রেখেছিলুম সত্য—তবু তার সুখসাম্রাজ্যের এতটুকু ক্রটি করিনি আমি । সুরাপারী, বিলাসী সে ; দুর্গ মধ্যে দিয়েছিলুম তাকে অবাধ স্বাধীনতা, সম্রাট সাম্রাজ্যের বিলাসী পুত্রের যা কিছু বিলাস সামগ্রীর প্রয়োজন—প্রত্যহ তার সব কিছু প্রেরিত হত গোয়ালিয়র দুর্গে । অথচ আমার এই উদারতার সুযোগ নিয়ে আমারি বিরুদ্ধে বিজ্রোহ মানসে সে দুর্গ হতে পলায়নের চেষ্টা করল ; তারই ফলে হল মোরাদের জীবনীমূর্তির চির অবসান ।

মোবা । এ সংবাদ আমি জানি শাহানশা—

ঔরঙ্গ । বাকী রইল সুজা । ভাইদের মধ্যে তাকে ভালরাসতুম সব চেয়ে বেশী ; আমার বিরুদ্ধে অস্ত্র ধারণ করেছিল সত্য—তবু হঠাৎ যুতাকে দ্বাস্তে আলিঙ্গন বন্ধ করে সব ভুলভ্রান্তির অবসান ঘটাতে পারতুম ।

কিন্তু সেই বিশ্বাসঘাতক যশোবন্ত সিংহ ! পরম উদারতার সঙ্গে তাকে বন্ধু বনে স্বীকার করছিলুম কিনা,—তার বাহুবলের ওপর বড় বিশ্বাসে আশ্রয় করেছিলুম ! তাই সে যুদ্ধ ক্ষেত্রে আমাকে ত্যাগ করে সরে দাঁড়াল; আর সুজা আমার কবল মুক্ত হয়ে পালিয়ে গেল আরাকান মূলুকে, বর্ষের আবাকানীর গৃহে। স্মরণ কোরো—স্মরণ কোরো মোবারেক, তাদের ভীষণ পরিণাম।

মোবা। হজরৎ—হজরৎ—সে মর্মান্তিক কাহিনীর বর্ণনায় আপনি ক্লান্ত হোন।

ঔরঙ্গ। হ্যাঁ, ক্লান্ত হব ভুলতে চাই, ভুলতে চাই মোবাবেক, সে হতভাগ্যদের বিবাদময় স্মৃতি। এত চেষ্টা করি, তবু ভুলতে পারি না ! এক এক দিন নিশীথ বাত্রে সমস্ত প্রাসাদ যখন ঘুমে অচেতন, মনে হয় কোথা হতে যেন অতি করুণ রোদনের ধ্বনি জাগছে। চম্কে উঠে বসি আমার শয্যায়, মনে হয়, দেওয়ালে, ছাদে, সম্মুখে, পশ্চাতে নিরে, উর্ধ্বে চারিদিক হতে জাগছে আর্জুকন্দন। চোখের সামনে দেখতে পাই, মৃত্যুদণ্ডে দাঁড়াত দারার শির সহস্রা যেন অলৌকিক জ্যোতিতে উদ্ভাসিত হয়ে উঠেছে, সেই আলোয় দেখতে পাই, দারার বুকে মাথা রেখে তার কিশোর সন্তান নিপাহের কঁদে বলছে, পিতা—পিতা—আমায় একা রেখে কোথায় চলেছ পিতা ?

মোবা। শাহানশা, শাহানশা !

ঔরঙ্গ। জোর করে সে ছবি মুছে ফেলি ! কিন্তু সে ছবি শেষ হতে না হতে আগে ওঠে সেই চিত্রপটের ওপর—সুজার মহীশূরী বেগম পিরারাখানুর দেবদূতীর মত জ্যোতির্দীপ্ত মুখমণ্ডল। বর্ষের আবাকানীর গাণ্ডালগা হস্তে আত্মরক্ষা করবার জন্য সেই দেবদূতী পাথরের দেওয়ালে মাথা ঠুকছে, কিনকী দ্বিগে রক্ত ঝরছে, আর সেই কত বিকৃত দেহ

বেশদূর্তী আমার অভিসম্পাত দিবে বলছে, “ঔরঙ্গজেব, তোমার জীবনে  
কখনো শান্তি পাবেনা ! তোমার সমস্ত জীবন রক্তসিক্ত প্রেতাত্মা—না না—  
এসোনা, এসোনা, চলে যাও, যাও—যাও, আমি বিশ্ববিজয়ী আলমগীর ।

মোবা । হজরৎ, হজরৎ শাহানশা !

ঔরঙ্গ । কে ! কে তুই !

মোবা । আমি, আমি আপনার গোলাম মোবারেক ।

ঔরঙ্গ । মোবারেক ! তুমি কেন !

মোবা । আমি কর্তব্যচ্যুত হয়েছি বলে আপনার কাছে শান্তি নিতে  
এসেছি হজরৎ—

ঔরঙ্গ । শান্তি, হ্যাঁ মনে পড়েছে, কিন্তু সেনাপতি, এখন নয়, যথা  
সময়ে বিবেচনা করে দেখব, তোমার প্রতি কি আমার দণ্ডাজ্ঞা ।

[ মোবারেকের প্রস্থান ]

( আসিরুদ্দিনের প্রবেশ )

আসি । হজরৎ !

ঔরঙ্গ । কে ! আসিরুদ্দিন ! একা এলে ! কোথায় সেই রাজপুত্রের  
ছিন্ন যুগু ?

আসি । হজরৎ ! তাকে ধরতে পারিনি ; সে পলাতক ।

ঔরঙ্গ । পলাতক !

আসি । তার শিবির অবরোধ করলুম, তন্নতন্ন করে দেখলাম  
কোথাও সে নাই ; প্রাসাদ দুর্গ ত্যাগ করে যেন হাওয়ার মত অদৃশ্য  
হল । গোস্তাকী মাফ করবেন শাহানশা, আমার মনে হয়,  
নিশ্চয় সম্রাটের কোন উচ্চপদস্থ কর্মচারী তার পলায়নে সহায়তা  
করেছে । নইলে এ দিল্লী শহর হতে এভাবে পলায়ন অসম্ভব ।

ওরঙ্গ । উচ্চপদস্থ কর্মচারী ! হুঁ...মাণিকলাল শত্রু, তবু সে মহান ।  
 মনুষ্যত্ব, ঔদার্যের দোহাই ! হুঁ হুঁ ! আসিরুদ্দিন, মোবারক আলি এখনো  
 প্রাসাদ ত্যাগ করে যেতে পারেনি ; এই মুহূর্তে তাকে গ্রেপ্তার কর,  
 গ্রেপ্তার করে জীবন্ত শূলে চাপিয়ে—না—মোবারেক আলি সাপ নিয়ে  
 খেলা করছে, কেউটে সাপ—বিষাক্ত কেউটে সাপের ফণার নীচে অর্পণ  
 কর । কাল সাপের বিষে অর্জ্জরিত হয়ে যখন শেষ নিশ্বাস ত্যাগ  
 করবে, তার সেই মৃতদেহ, সমাধিস্থ করে, তারপর দেবে আমার সংবাদ ।  
 [ আসিরুদ্দিনের প্রস্থান ]

## তৃতীয় দৃশ্য

দিল্লীর প্রাসাদ দুর্গ—উদীপুরীর কক্ষ  
 ( যোধপুরী বেগম ও নির্মলকুমারী )

যোধ । কি হয়েছিল, খুব সংক্ষেপে বল ।

নির্মল । আমি উদয়পুরের মহারাণার দূতের সঙ্গে দিল্লী এসেছিলুম !  
 মহারাণার দূত সন্ধ্যার সঙ্গে দেখা করতে গেছে, আমি শিবিরে অপেক্ষা  
 করছিলাম, এই সময় কয়েকজন বাদশাহী কর্মচারী আমাদের শিবির  
 আক্রমণ করল । আমি পালাতে গিয়ে একজনের হাতে ধরা পড়লুম ।  
 সে আমার জিজ্ঞাসা করল, মহারাণার দূত কোথায় ? আমি বললুম, রাণার  
 দূতকে আমি চিনি না । সে পুনরায় জিজ্ঞাসা করল, তবে তুমি কে ?  
 আমি বললুম, জনাব যোধপুরী বেগমের হিন্দু বাদী আমি । রাজপুতেরা  
 কীৰ্ত্তনীর চরণামৃত সঙ্গে রাখে । দিল্লীতে রাজপুত দূত এসেছে শুনেছ,  
 বেগম সাহেবা আমাকে এই তাড়ুতে পাঠিয়েছিলেন—সেই চরণামৃতের  
 অঙ্গ ।

যোধ । খুব বুদ্ধিমতীর ছায় কাজ করেছ । তারপর ?

নির্মল । তারপর সেই লোকটা আমার বললে, তোমার একা দেখছি, মহালের বাহিরে এলে কি করে ? আমি তখন তাকে এই পাঞ্জা দেখালুম । সে আমার অমনি তিন সেলাম । আমি বললুম, কখনো পুরীর বাইরে আসিনি, চারিদিকে গোলমাল দেখে ভয় লাগছে । তুমি আমার বেগম সাহেবার মহালে পৌঁছে দাও, সে সঙ্গে এল । তারই সাহায্যে আমি আপনার মহালে এসেছি ।

যোধ । কিন্তু, তুমি ও পাঞ্জা পেলে কি করে ?

নির্মল । কেন, আপনার স্মরণ নেই, আমার সখি রূপনগরের রাজকন্ঠার কাছে আপনি দূতী পাঠিয়েছিলেন ? ও পাঞ্জা সেই দূতী কেলে এসেছিল ।

যোধ । হ্যাঁ, স্মরণ হয়েছে । তা রূপনগরের রাজকন্ঠা তো এখন রাণা রাজসিংহের কাছে আশ্রয় পেয়েছেন । তিনি তোমাকে দিল্লী পাঠালেন কেন ?

নির্মল । শুনেছি বাদশার উদীপুরী বেগমের বড় রূপের হেমাঙ্ক । তাইতার রূপের জৌলুষ দেখবার জন্য সখি তাকে এই পত্র মারফত উদীপুরে আমন্ত্রণ করেছেন ।

যোধ । ওই পত্র উদীপুরী বেগমকে দিতে হবে ? কিন্তু ভাবছি, বড় কঠিন ঠাই—

নির্মল । আপনি আমার সখীর মঙ্গলার্থী, এই বিশাল নগরীতে একমাত্র আপনার সাহায্যের ভরসাতেই সখী আমার পাঠিয়েছেন । বেগম সাহেবা, যে কোন উপায়ে এই পত্র সেই দাস্তিক উদীপুরীকে—

যোধ । চুপ, আসছে—

নির্মল । কে ?

ষোধ। সেই খুষ্টানী, হাঁ পা টলছে। প্রচুর সরাব পান করেছে নিশ্চয়।

নির্মল। সরাব!

ষোধ। বাদশাহ নিজে ধর্মনিষ্ঠ মুসলমান।—সুরাপায়ীকে তিনি ঘৃণার চক্ষে দেখেন। তবু আশ্চর্য্য, ঐ খুষ্টানী প্রত্যহ বাদশাহের অসাক্ষাতে প্রচুর সরাব খায়। সরাবের নেশায় বেহঁস হয়ে পড়ে। তবু বাদশাহ ঐ সৌন্দর্য্য গর্বিতাকে...সরে এস, উদীপুরীকে চিঠি দেবার সুযোগ হয়ে এসেছে—সঙ্গে এস, বলছি সব!

( উভয়ের প্রস্থান )

( অপরদিক হইতে উদীপুরীর প্রবেশ )

উদীপুরী। না, না, পিয়ালো খালি হতে দিও না। সরাব চালো, নাচো গাও—

( নর্তকীদের প্রবেশ ও নৃত্যগীত )

উদীপুরী। বহুৎ খুঁসি! যাও, আমার ঘুম পাচ্ছে, আমি ঘুমুব!  
সরাব—সরাব—

( নর্তকীদের প্রস্থান; সন্তর্পনে নির্মলকুমারীর প্রবেশ ও

ঔষধ মিশাইয়া সরাব দান )

নির্মল। হজুরাইন! সরাব নিন্—

( সরাবের সঙ্গে ঘুমের ঔষধ মিশাইয়া দিল,

উদীপুরীর পান )।

উদীপুরী। তুমি, না, না, আপনি কে?

নির্মল। আমি উদয়পুরের মহিবীর দূতী। এই চিঠি নিয়ে এসেছি।

উদী। চিঠি—থাক এখানে, পরে দেখব। আপনি কে বললেন?

নির্মল। উদয়পুরের মহিবীর দূতী।

উদী । না, তুমি ফার্সী মুলুকের বাদশা । মোগল হারেম থেকে আমার নিয়ে যেতে এসেছ ।

নির্মল । হজুরাইন—

উদী । দেখি, দেখি চিঠি ! কি লিখেছে ? ( পাঠ )

“আমি নাজনী ! পিয়ারে মেরে ! তোমার সুরৎ ও দৌলত শুনিয়া আমি একেবারে বেহোস ও দেওয়ানা হইয়াছি । তুমি শীঘ্র আসিয়া আমার কলিজা ঠাণ্ডা কর ।” আচ্ছা, ঠিক হয়—তা আমি করব । হজুরের সঙ্গে যাব । ইয়া কথা দিচ্ছি—পালিয়ে যাব । তবে তার আগে একটু অপেক্ষা করুন—আমি একটু সরাব খেয়ে নিই । সরাব—

নির্মল । ( ঔষধ মিশাইয়া ) এই নিন্ ।

উদী । আপনি একটু সরাব মোলাহেজা করবেন ? আচ্ছা সরাব, খেলেই ঘুমে চোখ জড়িয়ে আসে । ফেরেঙ্গের এলচি নজর দিয়েছে এই সরাব । এমন সরাব আপনার মুলুকেও পয়দা হয় না । ( পুনঃ পান )  
আঃ বড় ঘুম, আমি বুঝি আপনি—আপনি একটু আহালামে গিয়ে অপেক্ষা করুন ।

( নিদ্রিত হইল )

( সস্তর্পণে যোধপুরীর প্রবেশ উদীপুরীকে পরীক্ষা করিল )

যোধন বাদী—

( বাদীর প্রবেশ, ইঙ্গিত করিতে বাদী ধূপাধার আনিয়া পার্শ্বে রাখিল, বীজন করিল । পরে রেশমের আস্তরণ দিয়া উদীপুরীকে ঢাকিয়া দিল )

যোধ । নেশায় বেহুঁস হয়ে ঘুমিয়ে পড়েছে । আর এখানে অপেক্ষা নয়, এই তোমার পালাবার উপযুক্ত সুযোগ । ইয়া, ভালকথা, উদয়নগরের সেই দূত ?

নির্মল। সে দিল্লীর টাঁদনী চকে শ্বেত পাথরের দোকান খুলে পেশোয়ারী দোকানদার সেজে বসে আছে—আমি আসবার সময় এমন সঙ্কেত তাকে পাঠিয়ে এসেছি যাতে নিশ্চিত বুঝতে পারবে যে আমি বাদশাহের অন্তঃপুরে। সে দিল্লী ত্যাগ করে আমার অন্তঃপুরে পশ্চিমদিকে নির্দিষ্ট স্থানে অপেক্ষা করবে। আজ রাত্রি তৃতীয় প্রহর মধ্যে আমি তার সঙ্গে মিলিত না হলে তাকে সংবাদ দেওয়া আছে সে যেন আমার বিষয়ে নিশ্চিত হয়ে উদয়পুরে ফিরে যায়।

যোধ। উত্তম, এই বাঁদী আমার অত্যন্ত বিশ্বস্ত। এ তোমার পুরীর দ্বারদেশ পর্যন্ত পৌঁছে দিয়ে আসবে। সেখানে আমার অন্তঃপুরে লোক রয়েছে, প্রয়োজন হলে সেই লোক তোমার উদয়পুর পর্যন্ত পৌঁছে দিয়ে আসবে। আর উদয়পুরের মহালে থাকা আমার পক্ষে নিরাপদ নয়। আমি যাই, বাঁদী তোমায় যথাস্থানে পৌঁছে দেবে। রূপনগরের ভণীকে আমার কথা বোলো ভাই, আমার ভুলো না! [ প্রস্থান

নির্মল। আপনাকে ভুলব! শুধু আপনার অনুগ্রহেই এই শক্রপুরী হতে কার্যোদ্ধার করে ফিরে যাচ্ছি। এ ঋণ সারা জীবন শ্রমণ করবো—  
বেগম সাহেবা—

বাঁদী। চলুন ছজুরাইন! আর বিলম্ব নয়—

নির্মল। হ্যাঁ চল— (গমনোচ্ছতা)

বাঁদী। সর্বনাশ! সামনে স্বয়ং বম—পালান, পালান।

[ ছুটিয়া প্রস্থান

নির্মল। কে! কাকে দেখে পালিয়ে গেল। কে... কেও—

( ঔরঙ্গজেবের প্রবেশ )

ঔরঙ্গ। তুমি কে?

নির্মল। আমি যে হই না কেন? পথ ছাড়ুন—

ঔরঙ্গ। কোথায় যাবে?



নির্মল । প্রাসাদ দুর্গের বাইরে !

ঔরঙ্গ । কেন ?

নির্মল । আমার দরকার আছে ।

ঔরঙ্গ । দরকার ভিন্ন কেউ কিছু করে না, সে আমার জানা আছে । কি দরকার তাই বল !

নির্মল । আমি বলব না ।

ঔরঙ্গ । উঁ, কি বললে ?

নির্মল । বলব না !

ঔরঙ্গ । তুমি হিন্দুর মেয়ে দেখছি—কি আতি ?

নির্মল । রাজপুত্র ।

ঔরঙ্গ । রাজপুত্র ! তুমি কি যোধপুরী বেগমের কাছে থাক ? বল, কোন ভয় নেই । যোধপুরী বেগমের লোক তুমি ?

নির্মল । না, আমি এখানে থাকি না ; আজ এসেছি !

ঔরঙ্গ । কোথা থেকে এসেছ ?

নির্মল । উদয়পুর হতে ।

ঔরঙ্গ । উদয়পুর হতে ! কেন এসেছ ?

নির্মল ! আপনাকে এত পরিচয় দিখে কি হবে ? এত জিজ্ঞাসা বাদ না করে আপনি যদি আমার ফটক পার করে দেন তবে বিশেষ উপকৃত হব ।

ঔরঙ্গ । তোমাকে জিজ্ঞাসা বাদ করে উত্তরে সন্তুষ্ট হলে, আমি তোমায় কথা দিচ্ছি নিজে সঙ্গে করে ফটক পার করে দিয়ে আসব । বল সব কথা খুলে বল ।

নির্মল । আপনি কে তা না জানলে সব কথা আপনাকে বলব না ।

ঔরঙ্গ । আমি বাদশাহ আলমগীর ।

নির্মল। বাদশাহ! ওঃ—( অভিবাচন ) হুকুম করুন।

ঔরঙ্গ। এখানে তুমি কার কাছে এসেছিলে?

নির্মল। উদীপুরী বেগমের কাছে।

ঔরঙ্গ। কি বললে! উদয়পুৰ হতে উদীপুরীৰ কাছে! কেন?

নির্মল। পত্র ছিল।

ঔরঙ্গ। কাব পত্র?

নির্মল। মহাবাণাব বাজ্ঞ মহিবীর।

ঔরঙ্গ। কৈ সে পত্র দেখি— [ পত্র আনিয়া দিল—পত্র পাঠ

ঔরঙ্গ। হঁ, এট, সত্য বল, কি প্রকারে তুমি এই মহালে প্রবেশ কবলে?

নির্মল। বাঁদীর অপরাধ মার্জনা হোক, একথার উত্তর আমি দেব না।

ঔরঙ্গ। কি বলি! সামান্য বাঁদীর এত দুঃসাহস! দুনিয়াব মালেক আলমগীর বাদশাহের প্রশ্নের জবাব দিতে অসম্মত।

নির্মল। শাহানশা, এ দুনিয়া আপনার, কিন্তু বসনা আমার। আমি যা না বলব, দুনিয়ার বাদশাহ তা কিছুতে বলাতে পারবেন না।

ঔরঙ্গ। তা না পারি, যে রসনার বড়াই কর্ছ তা এখনি তাতারী প্রহরিনীকে দিয়ে টুকুরো টুকুরো কবে কেটে কুকুরকে খেতে দেব।

নির্মল। দিল্লীখরের মরজি। কিন্তু তা করলে হুজুরের লোকসান, যে সংবাদ আপনি জানতে চাইছেন আমার জিভ কাটলে তা প্রকাশের পথ চিরকালের জন্য বন্ধ হয়ে যাবে।

ঔরঙ্গ। শুধু সেই জন্তেই তোমার জিভ এতক্ষণ কেটে কেলতে হুকুম দিইনি। মজল চাও তো এখনো বল।

নির্মল। বলেছি তো, ভয় দেখিয়ে আমার কাছে কোন কথা বার করতে পারবেন না হুজুরং।

ঔরঙ্গ । হঁ, কে আছিস্ ! ( বাঁদীর প্রবেশ ) এই শেষ সুযোগ দিচ্ছি, এখনো বল । নইলে ওই তাতারী প্রহরিণী তোমায় কাপড়ে মূড়ে একটু একটু করে পুড়িয়ে মারবে । আমার কথায় যা বলবে না, আশুনের জ্বালায় তা বলতে বাধ্য হবে ।

নির্মল । আশুণ ! হিন্দুর মেয়ে আশুণে পুড়ে মরতে ভয় করে মা । বাদশাহ কি শোনেননি, হিন্দুর মেয়ে হাসতে হাসতে স্বামীর সঙ্গে জলন্ত চিতায় চড়ে পুড়ে মরে ? আপনি আমার যে আশুনের ভয় দেখাচ্ছেন, আমার মা, আমার মাতামহী সেই আশুণেই মরেছেন । চল প্রহরিণী ! দিল্লীর বাদশাহকে দেখিয়ে দিই হিন্দুর মেয়ে কেমন করে জীবন্তে পুড়ে মরে । চল, আশুণ জ্বালাবে চল । [ প্রহরিণীসহ প্রস্থানোত্ত

ঔরঙ্গ । দাঁড়াও ( ইঙ্গিতে প্রহরিণীর প্রস্থান ) সুন্দরী, আমি এতক্ষণ পরীক্ষা কচ্ছিলুম শুধু; এবার বুঝলুম তুমি নারীরঙ্গ । তোমার নাম কি পিসারী ?

নির্মল । ওকি জাহাপনা, আরও রাজপুত্র মহিষীতে সাধ আছে নাকি ? সে সাধ ত্যাগ করতে হচ্ছে । আমি বিবাহিতা ।

ঔরঙ্গ । সেকথা এখন থাক্ । এখন তুমি কিছুদিন আমার এই রঙমহাল মধ্যে বাস কর । আশা করি এ ছকুম তুমি অমান্য করবে না ।

নির্মল । কেন আমার আটকে রাখছেন ?

ঔরঙ্গ । রাখছি এই ভেবে যে তুমি এখন দেশে গেলে আমার বিস্তর নিন্দা করবে । যাতে তুমি আমার প্রশংসা করতে পার আমি তোমার সঙ্গে এখন থেকে সেই রকম ব্যবহার করব । তারপর তোমায় ছেড়ে দেব । কেমন স্বীকার ?

নির্মল । অগত্যা ! কিন্তু যে কদিন এখানে থাকব আপনাকে প্রতিশ্রুতি দিতে হবে শাহানশা—

ঔরঙ্গ । বল কি ?

নির্মল । আমি হিন্দুর অন্নভল ভিন্ন স্পর্শ করব না ।

ঔরঙ্গ । বেশ, স্বীকার করলুম ।

নির্মল । কোন মুসলমান আমাকে স্পর্শ কববে না ।

ঔরঙ্গ । তাও স্বীকার করলুম ।

নির্মল । আর—আর একটা নিবেদন ; আমি কোন হিন্দু বেগমেব কাছে থাকব ।

ঔরঙ্গ । তাই হবে । বাদী, একে ষোধপুরী । বেগমেব মহালে নিয়ে যা । আমি হুকুম নামা লিখে দিচ্ছি, এঁর মর্যাদা আজ থেকে বেগমের মত ।

## চতুর্থ দৃশ্য

মেবার প্রাসাদ কক্ষ—রাজসিংহ ও দয়ালশা

রাজ : বড়ই চিন্তার কথা হল দয়ালশা । ঔরঙ্গজেব মেবার আক্রমণ করতে এত বিপুল সেনা সমাবেশ করছে যে কুরুক্ষেত্র যুদ্ধের পর ভাবভবর্ষে এরূপ সমরায়োজন আর কখনো হয়েছে কিনা সন্দেহ । দক্ষিণ দিক থেকে উদয়পুর ভাসাতে আসছে গোলকুণ্ডা বিজাপুরের মহাসৈন্য নিয়ে বাদশাহের জ্যেষ্ঠ পুত্র শাহ আলম । পূর্ব দিক থেকে ধরে আসছে বাঙ্গলার সৈন্য নিয়ে অণ্ড শাজাদা আজমশাহ । পশ্চিমে মুলতান থেকে আসছে পাঞ্জাব, কাবুল, কাশ্মীরের বাহিনী নিয়ে শাজাদা আকবর । আর উত্তরে স্বয়ং বাদশাহ ঔরঙ্গজেবের সঙ্গে তার দুর্দর্ষ বাদশাহী ফৌজ । এই চতুর্ভাগে বিভক্ত সেনাদলের বিরুদ্ধে মুষ্টিমের রাজপুতকে কি কৌশলে যুদ্ধ করে অনাড়ম্বর সন্মান রক্ষা করতে হবে এখন তাই আমাদের বিবেচ্য ।

দয়াল। মহারাণার রণপাণ্ডিত্য ভারতবিখ্যাত। তাঁই ক্ষুদ্র মেবারের বিরুদ্ধে ঔরঙ্গজেবের এত বিপুল সেনা সমাবেশ। এ বিপদে কি কর্তব্য সে বিষয়ে মহারাণা যেমন উপদেশ দেবেন, সেই অনুযায়ী কার্য্য করব।

রাজ। আমার মনে হয় দয়ালশা, সমতলক্ষেত্রে থেকে ঔরঙ্গজেবের সমুদ্রতুল্য বিরাট বাহিনীকে বাধা দেবার চেষ্টা—সে হবে কেবল মূর্খতা। সমতলভূমি ত্যাগ করে আমরা পাহাড়ের ওপর সেনা সংস্থাপন করব।

দয়াল। মহারাণাব এ আজ্ঞা তো ইতঃপূর্বেই সেনাদলে প্রচারিত হয়েছে। এই আজ্ঞা অনুসারেই পূর্ব দিকের পাহাড়ে কুমার জয়সিংহ সেনা সংস্থাপন করেছেন আজমশাহকে বাধা দিতে। দক্ষিণে গণরাও গিরিবন্ধে বসে কুমার ভীমসিংহ লক্ষ্য কর্ছেন শাহজাদা শাহ আলমের অগ্রগতি।

রাজ। কুমার ভীমসিংহ ধীর প্রকৃতি, বিচার বিবেচনা করে কার্য্য করবে। কিন্তু আমার ভয় হয় উদ্ধত জয়সিংহকে নিয়ে। ঢঞ্চল প্রকৃতি জয়সিংহ যদি পর্তশূদ্রে অপেক্ষা না করে সমতলক্ষেত্রে নেবে আসে, শাহআলমকে সম্মুখ বুদ্ধে পরাজিত করতে, তাহলে ফল হবে ভয়ঙ্কর; হয়তো মোগলকে পরাজিত করতে গিয়ে সে নিজেই—

( জয়সিংহের প্রবেশ )

জয়। না পিতা না, মহারাণা রাজসিংহের পুত্র কখনো পরাজিত হয়ে ফিরে আসবে না।

রাজ। কুমার জয়সিংহ! এত শীঘ্র তুমি প্রত্যাবর্তন করলে?

জয়সিংহ। পিতৃ আজ্ঞা পালন করেছি; অনর্থক কাল বিলম্ব নিশ্চরিত্বজন। তাই উদয়পুবে ফিরে এসে পিতার দ্বিতীয় আদেশ প্রতীক্ষা করছি।

রাজ। কার্য্য সুসম্পন্ন !

জয়। ইয়া পিতা, শাজাদা আজমশাহ পরাজিত। গিরিবন্ধে প্রবেশের সঙ্গে সঙ্গে পাহাড়ের ওপর থেকে অস্ত্র গোলাবর্ষণ ও শিলাবৃষ্টি আরম্ভ করলুম; অতক্ৰমে আক্রমণে ভীত বিপর্য্যস্ত মোগল বাহিনী। কোথা হতে যে ঝাঁকে ঝাঁকে গোলাবর্ষণ হচ্ছে, শিলা স্তূপ মাথায় ভেঙ্গে পড়ছে, কিছুই বুঝতে না পেরে রণে পৃষ্ঠ প্রদর্শন করল। বহু চেষ্টা করেও সেনাদলকে সুসংবদ্ধ করতে না পেরে যুবরাজ আজমশাহ হাতীতে চেপে পালিয়ে গেলেন। পূর্ব পথ একবারে শত্রু শূন্য কবে আমি উদয়পুরে এসেছি মহারাণার পরবর্ত্তী আজ্ঞা জানতে।

রাজ। কুমার জয়সিংহ, তোমাকে চঞ্চগমতি জ্ঞান কবে আমার মন একটু আগেই সংশয়াকুল হয়েছিল। তুমি আমার সে ভ্রান্তি দূর করলে পুত্র।

( দূতের প্রবেশ ও পত্র দান )

রাজ। ( পত্র পাঠ ) হুঁ, জয়সিংহ; আমার দ্বিতীয় আদেশ শুনতে চেয়েছিলে না! তোমার দ্বিতীয় কর্ত্তব্যে ইঙ্গিত রয়েছে এই পত্র মধ্যেই।

দয়াল। কার পত্র মহারাণা?

রাজ। মণিকলালের।

দয়াল। মণিকলাল!

রাজ। ইয়া, দিল্লী হতে ঔরঙ্গজেবের চক্ষে ধূলিনিক্ষেপ করে মণিকলাল পলায়ন করবার পর, ছদ্মবেশে অলক্ষ্য হতে সে ঔরঙ্গজেবের গতিবিধি দেখছে। এবং আমাকে চরযোগে বহু গুপ্ত সংবাদ জানাচ্ছে। মণিকলালের পত্রে জানলুম আজমীরে ঔরঙ্গজেবের সঙ্গে শাজাদা আকবরের সৈন্য সম্মিলিত হয়েছে। সেই সম্মিলিত সৈন্য নিয়ে এবার তারা ময়লাঘাটা, দোবারি ও নৈনী এই ত্রিধা বিভক্ত গিরিবন্ধের সন্ধি

হলে এসে পৌঁছেচে। তারপর দোবারির মুখে নিজে শিবির ফেলে  
এবার শাজাদা আকবরকে আদেশ দিয়েছে দোবারি পার হয়ে উদয়পুরে  
প্রবেশ করতে।

জয়। উদয়পুরে প্রবেশ করবে, এত স্পর্ধা আকবরের!

রাজ। না পুত্র; স্পর্ধা নয়, উদয়পুরে তাকে আমরা বিনা বাধায়  
প্রবেশ করতে দেব।

জয়। পিতা—

রাজ। অধীর হয়ো না পুত্র, বলেছি তো, সমুদ্রতুল্য মোগল বাহিনীকে  
মুষ্টিমের সৈন্য নিয়ে পরাজিত করতে আমাদের প্রধান অস্ত্র হবে, কুট  
কৌশল, প্রথর রণচাতুর্য। উদয়পুর হতে সমস্ত পুরবাসীকে নিয়ে  
অবিলম্বে আমি নৈনী গিরিবন্ধে যাত্রা করব। সেখান হতে দিল্লীর  
বাদশাহকে...না, সে কথা এখন থাক। তুমি যাও দোবারিপ্রান্তে!  
অনহীন উদয়পুর অধিকার করে আকবর আনন্দ বিলাসে মত্ত হবে;  
ঠিক সেই মুহূর্তে পর্বত অন্তরাল হতে ব্যাঘ্রের মত কাঁপিয়ে পড়বে  
মোগলসেনা মধ্যে। ব্যাঘ্রদংষ্ট্রী নিষ্পেষণে সমস্ত মোগলকে নিঃশেষ  
করে দেবে।

জয়। বথা আজ্ঞা পিতা—

[ প্রস্থান

রাজ। দয়ালশা।

দয়াল। মহারাণা!

রাজ। অবিলম্বে নগর মধ্যে প্রচার কর, আজই আমরা উদয়পুর  
ত্যাগ করে নৈনী গিরিবন্ধে আশ্রয় নেব। উদয়পুরে এক প্রাণীকে  
রেখে ফাব না। মোগল সেনা নিয়ে আকবর বধন, উদয়পুরে প্রবেশ  
করবে, সে দেখবে যে উদয়পুর অনহীন স্থান।

দয়াল। আমি আপনার আদেশ প্রচার করছি মহারাণা। আজ  
রাত্রেই তাহলে—

রাজ। হ্যাঁ—মাণিকলাল গণরাও গিরিবর্ষের কুমার ভীমসিংহের সঙ্গে সাক্ষাৎ করে অবিলম্বে উদয়পুর ফিরে আসবে বলে এই পত্রে সংবাদ দিয়েছে। আমাদের অপেক্ষা শুধু মাণিকলালের প্রত্যাভর্তনের।

[ দয়ালশার প্রস্থান ]

রাজ। ঔরঙ্গজেব, আমাকে ধ্বংস করতে সঙ্গে করে নিয়ে এসেছে ভারতের বৃহত্তম সেনা। উত্তম, অপেক্ষা কর দোবারির মুখে। রাজসিংহ তার রণকৌশল দেখাবার উপযুক্ত সুযোগের প্রতীক্ষা করছে শুধু। শাহাদা আজমশা পরাজিত। আকবারের ধ্বংসও সুনিশ্চিত। এবার শাহাদা শাহআলমকে শাস্ত্রাস্তা করতে পারলেই—

( মাণিকলালের প্রবেশ )

মাণিক। অভিবাদন গ্রহণ করুন মহারাণা।

রাজ। মাণিকলাল! এসেছ বন্ধু! ভীমসিংহের সংবাদ?

মাণিক। রাণা রাজসিংহের উপযুক্ত পুত্র কুমার ভীমসিংহ ষথার্থ সেনাপতির জায় কার্য্য করেছেন মহারাণা! বিনা রক্তপাতে জয়লাভকে তিনি বরণ করেছেন।

রাজ। বিনা রক্তপাতে!

মাণিক। হ্যাঁ, মহারাণা, বিনা রক্তপাতে! শাহ আলমকে তিনি গণরাও গিরিবর্ষ বিনা বাধায় পার হতে দিয়েছেন। সে পথ অতিক্রম করে কাঁকরলির সরোবর ও প্রাসাদ মালার কাছে পৌঁছে শাহ আলমের ভুল ভাঙ্গল। তিনি দেখলেন, পিছনে গিরিবর্ষের ওপর কুমার ভীমসিংহের সেনা, সামনেও কোন পথ নেই। পথ তৈরী করে এগিয়ে যাবারও ভয়না নেই; তাহলে পশ্চাত দিক হতে ভীমসিংহ গিরিবর্ষের মুখ বন্ধ করে দেবেন। ফলে মোগল সেনার রসদ আনবার উপায় থাকবে না, সমস্ত বাহিনীকে সেই পার্শ্বত্যা প্রদেশে না খেয়ে শুকিয়ে মরতে



হবে। শাজাদা বিপাকে পড়ে তাই আর অগ্রসর হচ্ছেন না। তিনি পশ্চাৎ অপসরণেব পথ খুঁজছেন।

রাজ। ষাক, তা হলে দাক্ষিণাত্যের বাহিনী সহজেও আমি নিশ্চিত। এবার বাকী রইলেন স্বয়ং বাদশাহ আলমগীর।

মাণিক। বাদশাহের মৃত্যু-অঙ্গু আমি সংগ্রহ করেছি মহারাণা! হুকুম করেন তো—

রাজ। বাদশাহের মৃত্যু-অঙ্গু! সে কি?

মাণিক। একটি মরা মানুষ।

রাজ। মরা মানুষ? তার অর্থ!

মাণিক। হ্যাঁ মহারাণা, একটি মৃতকে আমি প্রাণদান করেছি। নবজীবন লাভ করে...সে আমার কাছে প্রতিজ্ঞাবদ্ধ, আমি তাকে যে কাজে নিযুক্ত করব সে তাই করবে। আমার বিশ্বাস, তাকে দিয়ে আমরা বাদশাহের ধ্বংস সাধনে যথেষ্ট সাহায্য পাব।

রাজ। তোমার সব কথাই যেন কেমন হেঁয়ালীর মত মনে হচ্ছে মাণিকলাল! ভাল, সে লোকটি কোথায়?

( মাণিকের ইঙ্গিত—মোবারকের পবেশ )

মোবা। মহারাণার আজ্ঞা প্রতীক্ষায় সে মহারাণারই সম্মুখে।

রাজ। একি! মোগল সেনাপতি মোবারেক আলি!

মোবা। না মহারাণা, মোগল সেনাপতি মোবারেকের মৃত্যু হয়েছে, আমি তার প্রেতাণু।

রাজ। মোবারেক!

মোবা। রূপনগরের রাজকন্যাকে দিল্লীতে নিয়ে যেতে পারিনি বলে বিষাক্ত সর্পদংশনে আমার প্রতি প্রাণদানের আদেশ হয়েছিল। বাদশাহের হুকুম প্রতিপালিত হল, কালসর্পের বিষের জালায় আমি মৃতপ্রায় হয়ে মাটিতে লুটিয়ে পড়লুম।

রাজ । তারপর ?

মাণিক । তারপর আমার কাছে শুনুন মহারাণা । আমি সেই দিনই দিল্লী হতে ছদ্মবেশে পালাচ্ছিলুম । এক কবরখানার ধার দিয়ে যাচ্ছি, দেখলুম, শবদেহ যাচ্ছে সমাধির পানে । লোকমুখে শুনলুম, মোবারেক আলির সর্পদংশনে মৃত্যু হয়েছে, ও তারই শবদেহ । শুনে চমকে উঠলুম— দিল্লীতে থাকতে মোবারেক আলির সহায়তায় আমি বহু বিপদ হতে রক্ষা পেয়েছি—তাই মোবারেকের জ্ঞাত মন বড় অস্থির হয়ে পড়ল ।

রাজ । কি করলে তখন ?

মাণিক । কবরখানার পাশে একটা ভাঙ্গা অট্টালিকায় লুকিয়ে রাত্রির অপেক্ষা করতে লাগলুম । গভীররাত্রে আশে পাশে জনমানব কেউ যখন জেগে নেহ, কবর খুঁড়ে শবদেহ বার করলুম । দিল্লী যাবার সময় হয়তো কাছে লাগতে পারে এই মনে করে সব রকম বিষের ওষুধ সঙ্গে করে নিয়ে গিয়েছিলুম, ছুরী দিয়ে মোবারেকের অচেতন দেহের স্থানে স্থানে ছিদ্র করে—সেই ওষুধ রক্তের সঙ্গে মিশিয়ে দিলুম । বিষহরী বহুলতার রস ঝিঙ্কার ও চোখে প্রলেপ দিলুম ; রাত্রিশেষে মোবারেকের চেতনা ফিরল ।

মোবা । চেতনা নয় মহারাণা, আমি জীবন ফিরে পেলুম । নইলে কবরের তলার আশ্রয় নিয়ে আবার কেউ পৃথিবীর মাঝে মানুষের মত ফিরে আসে একি কখনো সম্ভব ? মাণিকলাল আমার জীবন ফিরিয়ে দিয়েছে, 'মাণিকলালের ইচ্ছায় আমি সে জীবন আজ মহারাণা রাজসিংহকে উৎসর্গ করলুম ।

রাজ । মহাপ্রাণ মোগল সেনানী, তোমাকে পেয়ে রাজসিংহ আজ বহুভাগ্যে গর্ভিত । চল বন্ধু, তোমার প্রতি যথা নির্দিষ্ট কর্তব্যভার অর্পিত হবে । মাণিকলাল, সম্ভবতঃ রূপনগরের রাজকন্যা হারদেশে

অপেক্ষা কর্ছেন তাঁর সখির সংবাদ শুনতে ! রাজকন্ঠার সঙ্গে সাক্ষাৎ করে অবিলম্বে আমার মন্ত্রণাকক্ষে এসো ।

[ রাজসিংহ ও মোবারকের প্রস্থান ]

( অপর দিক হইতে চঞ্চলকুমারীর প্রবেশ )

চঞ্চল । মাণিকলাল, আমার সখির সংবাদ ?

মাণিক । তিনি বাদশাহের সঙ্গে রয়েছেন ।

চঞ্চল । একা ফেলে এলে তাকে ?

মাণিক । কি করব বলুন ! আমি তো দিল্লীতে তার জন্য অপেক্ষা করতে রাজী ছিলাম—সেই উন্টে আমার ধমক দিয়ে চিঠি দিলে...চলে যাও—আমি বাদশাহর সঙ্গে হাতীর পিঠে চেপে উদয়পুর প্রবেশ করব !

চঞ্চল । সে ক্ষমতা তার আছে, এমন ছঃসাহসী মেয়ে ভূভারতে নেই ।

মাণিক । শুধু ছঃসাহসী নয়, বরং বলুন জাঁহাভাজ ; আমাকে তো নাকে দড়ি দিয়ে ঘোরাচ্ছে ।

চঞ্চল । সাধ করে দড়ী পরেছ বলেই তো ঘোরাচ্ছে ।

মাণিক । তার মানে ?

চঞ্চল । না, সেকথা থাক ! উদীপুরীর খবর ? আমার আমন্ত্রণ লিপি পেয়েছে ?

মাণিক । নিশ্চয় পেয়েছে । উদীপুরী বাদশাহর সঙ্গে দোবারিঘাটের মুখে শিবিরে অপেক্ষা কর্ছে ।

চঞ্চল । সত্য ? এসেছে উদীপুরী ?

মাণিক । শুধু উদীপুরী নয়, বাদশাহী রেওরাজ, বাদশাহ বুদ্ধবাত্রা করলে তাঁর সঙ্গে লম্বা বেগম, শাহাজাদী, এমন কি কীতহাসীরা পর্যন্ত যথস্থানে ছেড়ে বুদ্ধ দেখতে আসে ।

চঞ্চল । হুঁ! কিন্তু—কিন্তু আমার প্রতিজ্ঞা রক্ষার কি হবে মাণিকলাল ?  
আমি যে প্রতিজ্ঞা করেছি—

মাণিক । আমি জানি আপনার প্রতিজ্ঞা । নিশ্চিত থাকুন, মাণিকলাল  
বেঁচে থাকতে আপনার প্রতিজ্ঞা কখনো ব্যর্থ হতে দেবে না ।

চঞ্চল । মাণিকলাল !

মাণিক । এবার বিদায় দিন, মহারাণা আমার জন্ত মন্ত্রণাকক্ষে  
অপেক্ষা কচ্ছেন । আসি মহাদেবী । [ প্রস্থান ]

চঞ্চল । দেবাদিদেব শঙ্কর তোমার মঙ্গল করুন ।

## পঞ্চম দৃশ্য

### ঔরঙ্গজেবের শিবির

উদীপুরী মত্তপান করিতেছিল । ইরাণী নর্তকীরা নাচিতেছিল । নৃত্য শেষে  
যোধপুরীর প্রবেশ—ইঙ্গিত করিতে নর্তকীদের প্রস্থান

উদীপুরী । না না, থেমো না নাচো, আবার নাচো—

যোধ । ভগ্নী !

উদী । কে ! ও ! যোধপুরী বেগম ! তুমি এ দোজাকে কেন ?

যোধ । ছিঃ ভগ্নী, দিল্লীর রংমহলে যা করেছ করেছ । এই  
রাজপুত্রনার বুদ্ধক্ষেত্রে এসেও এমনভাবে আনন্দ বিলাসে মত্ত রয়েছ ?

উদী । দোষ কি যোধপুরী ? বাদশা তলোয়ার নিয়ে লড়াই কচ্ছেন,  
আমি তাঁর উদীপুরী বেগম, আমি লড়াই করছি এই অস্ত্র নিয়ে ;  
( পুনঃ মত্তপান ) যাঃ ফুরিয়ে গেল । নাঃ তাতারী মেয়েগুলো হয়েছে  
বড় পাখী ! বল্লম, বেশী করে সরাব দিয়ে যা, তা না, যা দিল তাতে  
ঠোটও ভেঙে না । হুর ! যাই, আরো নিয়ে আসি—

যোধ । কিন্তু কাছটা কি ভাল হচ্ছে ভগ্নী ?

উদী। কি ?

যোধ। তুমি তো জানো, বাদশাহ সরাব পান অত্যন্ত ঘৃণা করেন। তোমার এ আচরণে তিনি মনে প্রাণে ব্যথিত।

উদী। আচ্ছা, আর খাব না তবে। পথ ছাড়, আজকের মত একটু খেয়ে আসি।

যোধ। ভগ্নী, তোমার হাতে ধরে মিনতি করিচ্ছ।

উদী। আঃ ছাড় না! আজ এমন আনন্দ! উদয়পুরের দ্বারে এসেছে উদিপুরী বেগম! রাণার মহিষী কি বলে...ঐ চঞ্চলকুমারী, চঞ্চলকুমারীকে ধরে এনে আমার বাদী করব। তার রূপের গর্ব নিয়ে, সে আমার পায়ে হাত বুলিয়ে দেবে! এমন আনন্দের দিন, আজও সরাব খাব না? যোধপুরী বেগম, তোমার বুদ্ধি বড় মোটা! না, অনেক দেখলুম, সরাব না খেলে মগজ কখনো খোলতাই হয় না। [ প্রস্থান

যোধ। চঞ্চলকুমারীকে ধরে এনে বাদী করবে! হায় রূপগর্বিতা নারী, এখনো সরাবের নেশায় উন্মত্ত হয়ে আছ, তাই বুদ্ধিতে পাচ্ছি না, চঞ্চলকুমারী প্রয়োজন হলে বিষ পান করবে, তবু মোগল হারেমের আসবে না। (নির্মলকুমারীর প্রবেশ)

নির্মল। মা—

যোধ। কে! নির্মল।

নির্মল। আবার নির্মল বলছ! মনে নেই, তোমার দাসী বলে বাদশাহ আমার নাম রেখেছেন ইমলি বেগম।

যোধ। বাদশাহের ইমলি বেগম হলেও তুমি আমার কাছে নির্মল। ভাল কথা, জেবউরিসাকে কোথায় রেখে এলে?

নির্মল। ঐ ওখানে পাথরটার ওপর বসে আছে। কত ডাকলুম, সাড়া দিল না। চোখ বেয়ে টস্টস্ করে জল পড়ছে শুধু।

বোধ। এখনো কাঁদছে ?

নির্মল। তোমাকে তো বলেছি মা, মোঁবারেকের যেদিন মৃত্যুদণ্ড হল সেদিন হতে আজও পর্য্যন্ত জেবউন্নিসার চোখের জল শুকন না। কখনো কাঁদে, কখনো বা একা বসে কি সব যেন লেখে !

বোধ। মা হারামেরে, ভয় হয়, ভেবে ভেবে কখন যেন পাগল হয়ে যায়। যাই, দেখি কি কর্ছে— [ প্রস্থান ]

[ ঔরঙ্গজেবের প্রবেশ ]

ঔরঙ্গ। ইমলি বেগম !

নির্মল। কে ! একি হজরৎ—

ঔরঙ্গ। যুদ্ধক্ষেত্রের মানচিত্র দেখছিলুম, হঠাৎ একটা কথা মনে পড়ল, তাই জিজ্ঞাসা করতে এলুম—

নির্মল। কি হজরৎ ?

ঔরঙ্গ। আচ্ছা, ইমলি বেগম, তুমি কার ? আমার না রাজপুতের ?

নির্মল। সহসা এ অদ্ভুত প্রশ্ন কেন হজরৎ ?

ঔরঙ্গ। কারণ একটা আছে নিশ্চয়ই।

নির্মল। বেশ ত, দুনিয়ার বাদশা দুনিয়ার বিচার করছেন, এ কথারও তিনিই বিচার করুন।

ঔরঙ্গ। আমার বিচারে তুমি...রাজপুতের। যেয়ে রাজপুত তোমার স্বামী, তুমি রাজপুত মহিষীর সখী, স্মরণ্য তুমি রাজপুতেরই—

নির্মল। এ বিচার কি ঠিক হল জাঁহাপনা ? তাহলে হজরৎ, বোধপুরী বেগমও তো রাজপুতের যেয়ে ? তিনি কি বাদশাহের হিতাকাঙ্ক্ষী নন ?

ঔরঙ্গ। তিনি যোগল বাদশাহের বেগম, আর তুমি হলে রাজপুতের স্ত্রী।

নির্মল । আমি শাহনশাহ আলমগীর বাদশাহের ইমলি বেগম ।

ঔরঙ্গ । তুমি রূপনগরীর সখী—

নির্মল । যোধপুরীরও তাই ।

ঔরঙ্গ । তবে তুমি আমার ?

নির্মল । হজরৎ যেমন বিবেচনা করেন ।

ঔরঙ্গ । সত্যই যদি আমার হও, তা হলে আমি তোমার এমন একটা কাজে নিযুক্ত করতে চাই যাতে আমার উপকার হবে ; কিন্তু রাজসিংহের হবে অনিষ্ট । বল, করবে সে কাজ ?

নির্মল । কি কাজ তা না জানলে কেমন করে বলি ?

ঔরঙ্গ । শোন, আমি উদয়পুর দখল করে রাজসিংহের রাজপুরী দখল করব । সে বিষয়ে সন্দেহের হেতু মাত্র নেই ! কিন্তু রাজপুরী দখল হলেই রূপনগরীকে পাব কিনা তা ঠিক বুঝতে পারছি না । তুমি আমার রূপনগরীকে হাত করতে সাহায্য করবে ।

নির্মল । আমি আপনার নিকট গঙ্গাজী বমুনাজীর শপথ করছি, আপনি যদি উদয়পুরের রাজপুরী দখল করেন তবে আমি চঞ্চলকুমারীকে এনে আপনার কাছে সমর্পণ করব ।

ঔরঙ্গ । বেশ, সরল মনে কথা কয়ো ইমলি বেগম ! তোমার স্বরণ আছে নিশ্চয়ই যে আমার সঙ্গে প্রবঞ্চনা কবলে আমি তাকে টুকুরো টুকুরো করে কেটে কুকুরকে খাওয়াতে পারি ।

নির্মল । পারেন কি না, সে বিচার তো আগেই হয়ে গেছে

হজরৎ—

ঔরঙ্গ । তার অর্থ ?

নির্মল । কিছু না । আমি শপথ করে বলছি, আমি আপনাকে প্রবঞ্চনা করব না । তবে নিশ্চিত জানবেন, আপনি পুরী অধিকার করলেও

তার আগেই চঞ্চলকুমারী বিষপান করবে। তাকে জীবিত পাবেন না।  
 ছেনেই এ কথা স্বীকার করছি। নইলে আমি হতে চঞ্চলকুমারীর কোন  
 অনিষ্ট ঘটবে না।

ঔরঙ্গ। অনিষ্ট কি ! সে তো বাদশাহের বেগম হবে ?

[ খোজার প্রবেশ ]

খোজা। উজীর সাহেব এসেছেন হজরৎ, জরুরী—আজি পেম  
 করতে চান—

ঔরঙ্গ। পাঠিয়ে দে। ইমলি বেগম, নিকটেই অপেক্ষা কবো আমার  
 প্রয়োজন আছে।

[ নির্মলের প্রস্থান। অপর দিক হইতে দিলীর খাঁর প্রবেশ ]

ঔরঙ্গ। কি সংবাদ দিলীর খাঁ ?

দিলীর। শাহানশা, এ দাস বড় ডঃসংবাদ বহন করে এনেছে।  
 শাজাদা আকবর যুদ্ধে পরাজিত।

ঔরঙ্গ। পরাজিত ! তুমি কি প্রলাপ বকছ দিলীর ? পঞ্চাশ সহস্র  
 সৈন্য নিয়ে বিনা বাধায় সে উদয়পুরে প্রবেশ করেছে—

দিলীর। প্রবেশ করেছিলেন সত্য, শিবির সংস্থাপন করে মোগল  
 সৈন্য গভীর রাত্রে নিদ্রাস্থ উপভোগ করছিল। অর্তকিতে কোথা হতে  
 কুমার জয়সিংহ বিদ্রোহগতিতে ঝাঁপিয়ে পড়ল ! নিদ্রামগ্ন শিবিরে  
 সৈনিকেরা অস্ত্র ধারণ করবারও অবকাশ পেল না ! প্রচণ্ড আঘাতে  
 শাজাদা আকবরের সমস্ত বাহিনী ছিন্ন ভিন্ন হয়ে গেছে হজরৎ।

ঔরঙ্গ। শাজাদা আকবর ! শাজাদা আকবর ! শত্রুকে শিওরে  
 রেখে নিদ্রাস্থ উপভোগ করছিলেন, আর তাঁর স্থখ নিদ্রার অবকাশে  
 আমার পঞ্চাশ হাজার ফৌজ ধূলি, মুষ্টির মত হাওয়ার মিলিয়ে গেল।  
 দিলীর খাঁ, পার, পার বন্ধু সেই অপদার্থ শাজাদাকে একবার শৃঙ্খল  
 গায়ে আমাদের সামনে ধরে আনতে !



দিলীর । হজরৎ—

ঔরঙ্গ । ‘যাও ; যদি জীবিত থাকে, তাকে এই মুহূর্তে শৃঙ্খলিত কর, আর যদি মৃত্যু হয়ে থাকে, তাহলে আমার সেই হতভাগ্য পুত্রের শবদেহকে—

দিলীর । হজরৎ, আমি সংবাদ পেয়েছি শাজাদা আকবর গুজরাট অভিমুখে পলাতক ।

ঔরঙ্গ । পলাতক ! হঁ গোরাগিরার দুর্গে শাজাদা মহম্মদের সমাধিপার্শ্বে আর একটি জীবন্ত সমাধির ব্যবস্থা করে...থাক্ সে কথা—  
দিলীর, শিবির তুলতে বল ।

দিলীর । এই রাত্রেই !

ঔরঙ্গ । হ্যাঁ রাত্রেই । কৈ হ্যায়, ইমলিবেগম, ইমলিবেগম ।

[ দিলীরের প্রস্থান

নির্মল কুমারীর প্রবেশ )

ঔরঙ্গ । ইমলি বেগম, এই দণ্ডে আমি রাজসিংহের বিরুদ্ধে যুদ্ধ যাত্রা করছি । শিবির তুলতে আদেশ দিয়েছি । তুমি এখন কি করবে ? উদয়পুরে ফিরে যেতে চাও ?

নির্মল । না, এখন আমি বাদশাহের ফৌজের সঙ্গে যাব । পথে চলতে যেখানে সুবিধে বুঝব সেখান থেকেই চলে যাব ।

ঔরঙ্গ । সত্যিই যাবে ? কিন্তু কেন—কেন যাবে ?

নির্মল । শাহানশার হুকুম ।

ঔরঙ্গ । আমার হুকুমে যাচ্ছ ? বেশ, আমি যদি তোমার যেতে না দিই, বল, তুমি চিরদিন আমার কাছে থাকবে ! বল, বল ইমলি বেগম !

নির্মল । জাঁহাপনা, এ বাঁদী এমন কি কাজ করেছে যার জন্য ছনিয়ায় বাদশাহ তাকে ধরে রাখতে চান ?

ঔরঙ্গ । তা বলতে পারি না, তুমি সুন্দরী বটে, কিন্তু সৌন্দর্য্যে মুগ্ধ হবার ব্যয়স আমার আর নেই । আর তুমি সুন্দরী হলেও উদীপুরী অপেক্ষা নও ।

নির্ম্মল । তবে কেন রাখতে চান ?

ঔরঙ্গ । বোধ করি আমার বিশাল রংমহালে আমি তোমার কাছে ভিন্ন আর কোথাও সত্য কথা কখনো পাইনি সেই জন্যে । বোধ করি, তোমার বুদ্ধি, চতুরতা, আর সাহস, আমাকে চমৎকৃত করেছে এই জন্যে ।

নির্ম্মল । শাহনশা—

ঔরঙ্গ । জানো ইমলি বেগম, ছুনিয়ার বাদশাহী পেলেও অন্তরে সুখী হওয়া যায় না । বিরাট মরুভূমির মত হৃদয়ের তৃষ্ণা তবু মেটে না । হয়তো—হয়তো বা এ পোড়া পাহাড়ের মত স্নেহহীন নিষ্করণ হৃদয় এতটুকু মিষ্ট হত... যদি—

নির্ম্মল । যদি কি ? বলুন শাহনশা—

ঔরঙ্গ । উঃ ! হাঃ হাঃ হাঃ এই দেখ ইমলি বেগম, এ কথা আমি জানি যে তুমি যত শীঘ্র পার এখান থেকে চলে যাবার জন্যে অস্থির হয়ে পড়েছ ; হ্যাঁ, বাবে যে তাও জানি, অথচ তোমার সঙ্গে এমনভাবে কথা বলতে সুরু করেছি যেন তুমি চিরকাল ধরে এইখানটীতেই থাকবে ।

নির্ম্মল । শাহনশা—

ঔরঙ্গ । না, তোমাকে কষ্ট দেব না । তুমি যাও । তবে আমাকে স্মরণ রেখো, যদি কখনো আমার দ্বারা তোমার কোন উপকার হয়— আমাকে জানিও, আমি তা করব ।

নির্ম্মল । শাহনশা, আমার ভিক্ষা, যখন উত্তরপক্ষের মঙ্গলের জন্যে আমি আপনাকে সন্ধি করতে অনুরোধ করব, বলুন হৃদয়ৎ, তখন আপনি আমার অনুরোধ স্বীকার করবেন ।

ঔরঙ্গ । সেই কথার বিচার সেই সময়েই হবে ।

নির্মল । আর একটি মাত্র অনুরোধ শাহানশা, আমি আপনাকে একটি শিক্ষিত পায়রা দিয়ে যাব । যখন আপনি এ দাসীকে স্মরণ করবেন, সেই পায়রাটিকে ছেড়ে দেবেন । সেই পায়রাকে দিয়ে আমি আমার নিবেদন জানাব ।

ঔরঙ্গ । বেশ, তাই হবে ইমলি বেগম । আর তোমার ছাড়পত্র—

( ঔরঙ্গজেব ছাড়পত্র লিখিতেছিলেন )

( প্রতিহারীর প্রবেশ )

প্রতিহারী । দিল্লীর কাজী সাহেবের চিঠি—

ঔরঙ্গ । ( পত্রপাঠ ) 'আশ্চর্য্য ! আশ্চর্য্য ! কবর হতে মোবারেকের মাশ—এই জেব উন্নিসা—শাহাদী জেব উন্নিসা—

( জেবউন্নিসার প্রবেশ )

জেব । আমার স্মরণ করেছেন পিতা—

ঔরঙ্গ । জেব উন্নিসা—মোবারেক কোথায় ?

জেব । পিতা—

ঔরঙ্গ । কথার জবাব দাও, মোবারেক কোথায় ?

জেব । আপনি—আপনি তাকে মৃত্যুদণ্ড দিয়েছেন পিতা !

ঔরঙ্গ । মৃত্যুদণ্ড দিয়েছি সে কথা আমার স্মরণ করিয়ে দিতে হবে, এতখানি স্মৃতিভ্রংশ হয়নি এখনো আমার । বল, তার শবদেহ কোথায় ?

জেব । আমি জানি না পিতা—

ঔরঙ্গ । জানো না ! মৃত্যুদণ্ড দিয়ে অস্তায় করেছিলুম, তাই আমার সেই অস্তায়ের প্রতিবিধান করতে তুমি মোবারেকের শবদেহ কবর খুঁড়ে বার করে এনেছ, যদি পার ঔষধ দিয়ে তাকে আবার বাঁচাবার জন্ত—

জেব । কবর খুঁড়ে শবদেহ বার করেছি আমি ?

ঔরঙ্গ। হ্যা তুমি! তাকে নিয়ে কবিতা লেখ, তার স্তম্ভ অক্ষর বস্তা  
বইছে তোমার চোখে—

জেব। পিতা, পিতা—

ঔরঙ্গ। দিল্লীর কাজী সাহেব কবরখানায় গিয়ে স্বচক্ষে দেখেছেন—  
মোবারেকের কবরের মাটা উৎক্ষিপ্ত; শবদেহ নেই। তুমি যদি তার  
শবদেহ না সরিয়ে থাক, তবে কি সে মৃত মানুষটা কবর ভেদ করে  
আপনা হতেই উঠে এসেছে?

জেব। আমি জানি না পিতা, আপনার পায়ে ধরে বলছি, আমি  
জানি না—

ঔরঙ্গ। জানো না! আচ্ছা! পিতৃশ্নেহের উত্তপ্ত আবেষ্টনে থেকে—  
যে কথা স্বীকার করতে পাচ্ছ না, অন্ধকার অন্তর্লম্পর্শ গুহা মধ্যে একটু  
একটু করে জীবন্ত প্রোথিত করলে সে কথা প্রকাশ করো কিনা দেখছি।

[ প্রস্থানোত্ত

নির্মল। দাঁড়ান শাহানশা,—ওঠো জেব উন্নিসা।

ঔরঙ্গ। ইমলি বেগম—

নির্মল। নির্বাক হয়ে দাঁড়িয়ে অভাগিনী বালিকার প্রতি আপনার  
সুবিচার দেখছিলুম শাহানশা, কিন্তু এবার কথা না বলে থাকতে পারলুম  
না শাহানশা! আমি বলছি, জেব উন্নিসা নির্দোষ।

ঔরঙ্গ। নির্দোষ!

নির্মল। হ্যা, মোবারেকের শবদেহ কে তুলে নিয়েছে আমি জানি।

ঔরঙ্গ। তুমি জানো? জেব উন্নিসা— [ জেবউন্নিসার প্রস্থান  
এবার বল, কে তুলেছে।

নির্মল। আমি জানি, কিন্তু বলব না।

ঔরঙ্গ। ইমলি বেগম!

নির্মল । গোস্বামী মাফ করবেন শাহানশা, নির্দোষীর শাস্তি হচ্ছে দেখে যেটুকু না বললে নয় তাই বলেছি । আর এক বর্ণও কিছু বলব না ।

ঔরঙ্গ । স্মরণ রেখো, ইমলি বেগম, কার সামনে দাঁড়িয়ে কথা বলছে ।

নির্মল । জানি, আপনি বিশ্বত্রাস আলমগীর । তবে শাহানশাও হয়তো এ কথা ভুলে গেছেন যে ভয় দেখিয়ে নিরপরাধিনী বালিকাকে কাঁদান যায়, কিন্তু কোন ভয় দেখিয়েই ইমলি বেগম যা প্রকাশ করতে চায় না তাকে দিয়ে তা প্রকাশ করান যায় না । না, জিভ কেটে কুকুরকে খেতে দেবার ভয় দেখালেও না ।

ঔরঙ্গ । হুঁ—( প্রস্থানোত্ত )

নির্মল । কৈ শাহানশা, চলে যাচ্ছেন যে, আমাকে ছাড়পত্র লিখে দেবেন বলেছিলেন ?

ঔরঙ্গ । না, তোমাকে ছেড়ে দেব না ।

নির্মল । সে কি শাহানশা, আমাকে ছেড়ে দিতে আপনার ভয় লাগছে তবে ?

ঔরঙ্গ । ভয় ! বার বছরের বালক হয়েও যে একদিন মদমত্ত হাতীর সামনে রুখে দাঁড়িয়ে সেই মত্ত হস্তীর সেলাম আদায় করে নিয়েছে, সেই বিশ্বত্রাস আলমগীর বাদশাহ ভয় করবে এক মৃত শবদেহকে...আর এক দুর্ভাগিনী রমনীকে ! হুঁ—এইনাও তোমার ছাড়পত্র ।

# তৃতীয় অঙ্ক

## প্রথম দৃশ্য

### দোবারীঘাট

( রাজসিংহ, জয়সিংহ ও দয়ালশা )

রাজ । শাজাদা আকবর গুজরাট অভিমুখে পলাতক ?

জয় । হ্যাঁ, পিতা—

রাজ । তার সৈন্যদল ?

জয় । পঞ্চাশ হাজারের মধ্যে অল্পই জীবিত আছে । তারা বিশৃঙ্খল হয়ে ইতঃস্তুত পলায়নের চেষ্টা করছে—

রাজ । উত্তম, তুমি আর এখানে অপেক্ষা করো না জয়সিংহ, শীঘ্র দোবারিমুখে তোমার সেনাদলের সঙ্গে সম্মিলিত হওগে । আমার দৃঢ় বিশ্বাস সমস্ত সেনাদলসহ বাদশাহ অবিলম্বে দোবারি প্রবেশ করবেন, গিরিবন্ধু প্রবেশ করলে—

জয় । বুঝেছি পিতা, সম্মুখে আমি আর পশ্চাতে রইল আপনার সৈন্যদল, হৃদিক থেকে আক্রমণে বাদশাহী ফৌজ নিস্পিষ্ট হবে । আমি বাই বাদশাহকে দোবারির ওপারে বাধা দিতে প্রস্তুত হইগে ।

রাজ । কি ভাবছ দয়ালশা— ( প্রস্থান )

দয়ালশা । ভাবছিলুম, মহারাণা অকস্মাৎ নৈনী গিরিবন্ধু ত্যাগ করে বিছ্যাংগতিতে দোবারির দিকে অগ্রসর হলেন কেন ? এবার বাদশাহকে আসতে দেখে আপনার উদ্দেশ্য বুঝতে পারলুম । মহারাণা, আমাদের সৈন্যদল কি পরর্তের ওপরে এমনি আত্মগোপন করে থাকবে ?

রাজ । হ্যাঁ, আমাদের সুর্যোগের প্রতীক্ষা করতে হবে । তার পূর্বে

আমাদের উপস্থিতি বাদশাহকে জানতে দিলে, সমস্ত আয়োজন হবে ব্যর্থ। ( মাণিকলালের প্রবেশ )

মাণিক। মহারাণা !

রাজ। এসো মাণিকলাল, বাদশাহেব সেনা সমাবেশ পদ্ধতি কিরূপ দেখলে ?

মাণিক। সবার আগে হস্তীবাহিত রাজকোষ ও বাদশাহী দপ্তরখানা। তারপর পানীয় জলবাচী উটের শ্রেণী, রসদ, ভোজ্যবস্তু তোষাখানা, এলবাস্ পোষাকের, জেওরাতের ছড়াছড়ি, তারপর অগণ্য অশ্বারোহী সেনা।

রাজ। এতো হল সৈন্যের প্রথম অংশ। তারপর দ্বিতীয় অংশ ?

মাণিক। দ্বিতীয় অংশে বাদশাহী খাস আহদী সেনা, মধ্যে শ্বেতছত্র শোভিত অস্বারূঢ় স্বয়ং বাদশাহ, তারপর গজপৃষ্ঠে দিল্লীর অবরোধ-বাসিনী সুলতানী সম্প্রদায়। তাদের শেষে রয়েছে গোলন্দাজ বাহিনী এবং সর্বশেষ দলে অর্থাৎ তৃতীয় অংশে পদাতিক সৈনিকের দল।

দয়াল। এই যে, বাহিনীর প্রথম অংশ এই দিকে এসে গেছে। হাতীর পিঠে বোঝাই করা, অগণন রাজ ঐশ্বর্য।

রাজ। আর তবে এখানে নয় দয়ালশা, শীঘ্র যাও, সৈনিকদের হুঁসিয়ার থাকতে বল। আমার আদেশ ব্যতীত যেন একটি তোপধ্বনি না হয়, পর্বতপৃষ্ঠের একটি মনুষ্য সমাবেশও যেন বাদশাহ জানতে না পারেন।

দয়াল। ষণা আঞ্জা মহারাণা— [ প্রস্থান

রাজ। মাণিকলাল, অকস্মাৎ যেন দুর্ঘ্যোগ ঘনিষে এল যনে হচ্ছে।

মাণিক। তাই তো! স্তূপাকার কাল মেঘে আকাশ ছেঁয়ে গেছে, বিদ্যুৎ চমকচ্ছে সেই বিদ্যুতের আলোকে—ওকি—ওকি মহারাণা ?

রাজ। কি ?

মানিক। দেখুন, তাকিয়ে দেখুন, বাদশাহ অকস্মাৎ অশ্ব হতে অবতরণ করে এইদিকে এগিয়ে আসছেন—সঙ্গে আর এক বোদ্ধ পুরুষ।

রাজ। সম্ভবতঃ কোন মৈত্রাধ্যক্ষ, হাঁ, হাঁ, বিছাতের আলোর ঘেন মনে হচ্ছে, ওকে আমি চিনি, বুঝি দিলীর খাঁ।

মানিক। কিন্তু বাদশাহ সেনাদলের যাত্রা স্থগিত রেখে অকস্মাৎ এদিকে আসছেন কেন ?

রাজ। কিছুই তো বুঝতে পাচ্ছি না, কুট রণকৌশলী ঔরঙ্গজেব তবে কি আমাদের অবস্থান জানতে পেরেছে ? সে যা হোক, মানিকলাল, মোবারেককে যথা নির্দিষ্ট আদেশ দিয়েছ ?

মানিক। দিয়েছি মহারাণা, সে বিষয়ে আপনি নিশ্চিত থাকতে পারেন।

রাজ। বেশ, বাদশাহ এসে গেছে, আর নয়, লুকিয়ে এস, লুকিয়ে এস।

[ উভয়ের প্রস্থান ]

( অপরদিক হইতে ঔরঙ্গজেব ও দিলীর খাঁর প্রবেশ )

ঔরঙ্গ। ছুর্যোগ ঘনিষে এল, বুঝতে পাচ্ছ দিলীর ?

দিলীর। হাঁ জাঁহাপনা, বিছাত চমকাচ্ছে, ভয়ানক ঝড়জল আরম্ভ হবে। আমার বিবেচনার এ সময় গিরিবন্ধে আশ্রয় নিলে হয়তো ভাল হত। সেনাদলকে অগ্রসর হতে নিষেধ করলেন কেন জাঁহাপনা ?

ঔরঙ্গ। ঝড়, বিছাত, প্রাকৃতিক ছুর্যোগ ! দিলীর, তার চেয়েও বড় ছুর্যোগ আমাদের সামনে ; তাই সেনাদলের অগ্রগতি নিরুদ্ধ করলুম।

দিলীর। জাঁহাপনা !

ঔরঙ্গ। বিছাতের আলোকে পার্শ্ববর্তী পর্বতশৃঙ্গে লক্ষ্য কর, কিছু দেখতে পাচ্ছ ?



দিলীর। ঠিক বুঝতে পারছি না জাঁহাপনা। মনে হচ্ছে পাহাড়ের  
রক্কে রক্কে কি যেন ঝলমল করে উঠছে।

ঔরঙ্গ। পর্বত মধ্যে আত্ম-গোপনকারী সেনাদলের উকীষ, বর্ষ ও  
কোষমুক্ত তরবারি বিছাতের আলোয় ঝলমল করছে।

দিলীর। সৈন্ত! কিন্তু জয়সিংহ তো দোবারির ওপারে? এ সৈন্ত  
তবে কার জাঁহাপনা?

ঔরঙ্গ। রাজসিংহের।

দিলীর। রাজসিংহের! কিন্তু রাজসিংহ তো নৈনী গিরিবন্ধে!

ঔরঙ্গ। ছিল; কিন্তু আমার দোবারি প্রবেশের পূর্বেই সে ঝড়ের  
গতিতে নৈনী হতে চলে এসেছে দোবারির মুখে। এখন কি কর্তব্য  
দিলীর খাঁ?

দিলীর। তাই তো হজরৎ,—বড় বিষম সমস্যা! আমরা যদি  
রাজসিংহকে আক্রমণ করি?

ঔরঙ্গ। পর্বতের ওপরে রাজসিংহ, নিম্নদেশে আমরা রাজসিংহের  
তোপ দাগতে হবে না; সৈন্তক্ষয়ও করতে হবে না; শুধু পাথরের  
চাপ ফেলে আমাদের সমস্ত বাহিনী ধুলোর সঙ্গে মিশিয়ে দেবে।

দিলীর। তা হলে রাজসিংহকে আক্রমণ না করে আমরা যদি  
আমাদের গন্তব্যপথে অগ্রসর হই?

ঔরঙ্গ। পার্শ্বে শত্রু রেখে অগ্রসর হবে? ঠিক মধ্যস্থলে আক্রমণ করে  
আমাদের সেনাদলকে দুভাগে বিভক্ত করবে, তারপর এক এক খণ্ডকে  
পৃথকভাবে বিনষ্ট করবে।

দিলীর। সত্য, সত্য জাঁহাপনা, আর রাজসিংহ আমাদের আক্রমণ না  
করে যদি বিনাবাধায় অগ্রসর হতে দেয়, তাহলে সম্মুখে থাকবে জয়সিংহ,  
পশ্চাতে রাজসিংহের সেনা। বিপদ আমাদের অনিবার্য। এরূপক্ষেত্রে—

ঔরঙ্গ । বল, বুদ্ধবিশারদ মহাবীর তুমি, বল দিলীর, একপক্ষেতে কি কর্তব্য ?

দিলীর । একমাত্র উপায়... যদি অত্র কোন গুপ্ত পথের সন্ধান পাই, তা হলে সেনাদল ফিরিয়ে এনে সেইপথ ধরে উদয়পুরে প্রবেশ করা ।

ঔরঙ্গ । এতক্ষণে বুঝলে দিলীর, শুধু সেই উদ্দেশ্যেই আমি সেনাদলকে আর অগ্রসর হতে নিষেধ করেছি এবং মনসবদার বখ্ত খাঁকে প্রেরণ করেছি সেইরূপ কোন পথের সন্ধানে ।

( বখ্ত খাঁর প্রবেশ )

বখ্ত । জাঁহাপনা পথের সন্ধান পাওয়া গেছে ।

ঔরঙ্গ । পেয়েছ ? কোথায় ?

বখ্ত । একটু ঘুবে ঐ ডান দিকটার, পার্শ্বত্যা রক্তপথ, পথটা খুব সঙ্কীর্ণ ; তবে খুব শীঘ্রই ওপথ ধরে বাইরে যাওয়া যাবে ।

ঔরঙ্গ । সঙ্কীর্ণ গিরিবন্ধ ; কিন্তু সেদিকে কোন রাজপুত নেই ?

বখ্ত । না জাঁহাপনা, 'ওদিকে কোন রাজপুত দেখা যাচ্ছে না । যে মোগল আমার পথের সন্ধান দিয়েছে—সে বলছে, ওদিকে কোন রাজপুত সেনা নাই ।

ঔরঙ্গ । নাই, কিন্তু আত্মগোপন করে থাকতে পারে ।

বখ্ত । শাহানশা, যে আমাকে প্রথম পথের সন্ধান দেয়, তাকে আমি পাহাড়ের ওপর পাঠিয়ে দিয়েছি । সে যদি রাজপুত দেখতে পায়, আমাকে সঙ্কেত করবে ।

ঔরঙ্গ । সন্ধানদাতা মোগল ?

বখ্ত । হ্যাঁ হজরৎ !

ঔরঙ্গ । আমার কোন সৈনিক ?

বখ্ত । না, সে একজন মোগল সওদাগর । উদয়পুরে শাল বেচতে গিয়েছিল ।

ঔরঙ্গ । দিলীর, প্রবেশ করবে রক্তপথে ?

দিলীর । ক্ষতি কি জাঁহাপনা,—সন্ধানদাতা যখন মোগল সওদাগর,  
তাকে বিশ্বাস করা যেতে পারে ।

ঔরঙ্গ । উত্তম, চল তবে, সেই রক্তপথেই ফৌজ নিয়ে চল ।

[ সকলের প্রস্থান

( অপরদিক হইতে মাণিকলাল ও সৈনিকদের প্রবেশ )

মাণিক । বাদশাহ ফৌজ নিয়ে রক্তপথে প্রবেশ কচ্ছেন । স্বরণ  
রেখো মহারাণার আদেশ, সেনাদলকে আমরা বিনা বাধায় রক্তে প্রবেশ  
করতে দেব । যখন স্বয়ং বাদশাহ রক্তে প্রবেশ করবেন ; পশ্চাতে  
থাকবে বেগম মহল...ঠিক সেই মুহূর্তে রক্তমুখে সবাই লাফিয়ে পড়বে ।  
বেগমদের রক্তে প্রবেশ করবার পথ বন্ধ করে দেবে । কিন্তু সাবধান,  
দেখো—বেগমদের কারু গায়ে যেন কাঁটার আঁচড় না লাগে ! যাও,  
কার্যশেষে মহারাণার দ্বিতীয় আদেশ শুনতে পাবে ।

[ সৈনিকদের প্রস্থান

আমিও যাই ; একবার উদীপুরী বেগমের—

( নির্মলের প্রবেশ )

নির্মল । এই দেখো—

মাণিক । এ কি ? নির্মল !

নির্মল । উঁহু, মেরনে হজরৎ ইমলি বেগম, তসলীম্ দে !

মাণিক । বেগম ! তোমার বাপ ঠাকুরদা কখনো বেগম হয়নি—

তা তুমি তো ছেলেমানুষ ! কিন্তু ভাবছি এ বেশ কেন ?

নির্মল । পহেলা মেরা হুকুম তামিল কর, বাজে বাত্ আব্‌হি রাখ ।

মাণিক । সীতারাম, বেগম সাহেবার ধমক দেখ ! তা এই কুনিশ  
কচ্ছি হামলী বেগম সাহেবা, আর একটা কথা—

নির্মল । চূপ রহ বেতবিজ ! মেরে নাম হজরৎ ইমলি বেগম ।

( নেপথ্যে তোপধ্বনি ও কোলাহল )

নির্মল । লেकिन এ কেয়া—

মাণিক । কেয়া জান্তা নেহি হ্যায় ? বাদশাহ—রক্ত পথে প্রবেশ কিয়া হ্যায়; আর ওপর থেকে আমাদের সৈনিকেরা তোপ দেগে পাহাড় থেকে নেমে পড়তা হ্যায় । আর বেগমদের এগিয়ে যাবার পথ বন্ধ কর দিয়া হ্যায় ।

নির্মল । হ্যা, আবি মালুম ছয়া ! ( দয়ালশার প্রবেশ )

দয়াল । মাণিকলাল, মহারাণা তোমাকে স্মরণ করেছেন ( নির্মলকে দেখিয়া ) একি !

মাণিক । ভয় পাবেন না মহামন্ত্রী, উনি এই মাণিকলালের পত্নী হামলী বেগম, খুরি, ইমলি বেগম ! [ প্রস্থান

দয়াল । নির্মলকুমারী ! ষাক্, তুমি এসেছ ভাগই হয়েছে যা । বাদশাহ রক্ত মধ্যে প্রবেশ করবার পরক্ষণেই আমরা অতকিত আক্রমণে সেনাদলকে বিচ্ছিন্ন করেছি । রক্তে প্রবেশ পথে বেগম মহল ভয়-ব্যাকুলা । মহারাণার অভিপ্রায়, শুধু উদীপুরী বেগমকে ওখান থেকে সরিয়ে এনে, আর সমস্ত অন্তঃপুরিকাকে বাদশাহের সঙ্গে রক্ত মধ্যে সন্মিলিত হতে দেওয়া । কিন্তু বিপদ হয়েছে, আমরা কেউ উদীপুরীকে চিনি না, সুতরাং উদীপুরীকে ওখান হতে অপসারিত করবার কোন উপায়ই দেখছি না ।

নির্মল । দেখবেন, হাতীতে পাঁচ কলসদার হওদার ওপর বসে । আচ্ছা চলুন, আমিই গিয়ে বেগমসাহেবাকে নামিয়ে আনছি ।

[ দয়ালশা ও নির্মলকুমারীর প্রস্থান ]

রাজ । ধন্য মোবারক আলি, ধন্য তোমার সাহস ও চাতুর্য্য । মোগল শওদাগরের রেশে তুমি বাদশাহী বাহিনীকে রক্তপথে না নিয়ে গেলে, আমাকে আজ বহু ঐশী হত্যা করতে হত । তুমি নিজের জীবন তুচ্ছ

করে আমার কার্যোদ্ধার করেছ। এখন যদি আমার কার্যসিদ্ধ না হয় তবে সে আমার দোষ। তুমি যে পুরস্কার চাইবে, আমি তোমাকে তাই দেব মোবারক। বল কি চাই?

মোবা। পুরস্কার! আমার কার্যের পুরস্কার! ইঁয়া পুরস্কার নেব মহারাণা, আমার সঙ্গে হাতিয়ার নাই, আমায় দয়া করে শুধু আপনার ঐ পিস্তলটা দান করুন।

রাজ। ( পিস্তল দান ) শুধু এই পিস্তলতো তোমার যোগ্য পুরস্কার নয়। মোবারক বল আর কি চাই?

মোবা। আর কিছু নয় মহারাণা, বেয়াদপী মাক করবেন। আমি মোগল হয়ে মোগলের রাজ্য ধ্বংসের উপায় করে দিয়েছি। আমি সত্যবাদী হয়ে মিথ্যা প্রবঞ্চনা করেছি। বাদশাহ আলমগীরের নিমক খেয়ে তাঁর সঙ্গে নেমকহারামী করেছি। মৃত্যু যন্ত্রণার অধিক কষ্ট পাচ্ছি মহারাণা, সে কষ্ট হতে—সে যাতনা হতে—আমায় পরিত্রাণ করুন মহারাণার এই পিস্তল— [ পিস্তলের গুলি নিজের বুকে বিদ্ধ করিল

মাণিক। মোবারেক,—মোবারেক, একি কল্পে তুমি?

মোবা। আমার কৃত কার্যের পুরস্কার নিলুম বন্ধু, তুমি আমার জীবন দিয়েছিলে, সেই জীবন আমি তোমাকেই ফিরিয়ে দিলুম।

রাজ। মোবারেক! আগে বলনি কেন, একাজে তোমার এত মনঃকষ্ট হবে। তা জানলে, যুদ্ধে পরাজয় হত সেও ভাল, তবু তোমাকে দিয়ে কখনো এ কাজ করা তুমি না। আগে বলনি কেন মোবারেক?

মোবা। এ কাজ করেছিলুম—আমার জীবনদাতা বন্ধুর অনুরোধে। নইলে, আমি যে অকৃতজ্ঞ হতুম। তাই—অন্নদাতা বাদশাহকে রক্তপথে বন্দী করেছি—আর জীবনদাতা মাণিকলালের অন্ত—ছি কেঁদো না বন্ধু, আমার শেষ সময়ে চোখের জল ফেল না তুমি। বিদায় বন্ধু, সেলাম মহারাণা রাজসিংহ, আর...আর বাদশাহ আলমগীর, সেলাম...সেলাম।

( মৃত্যু )

## দ্বিতীয় দৃশ্য

মেবার । প্রাসাদকক্ষ

নির্মলকুমারী ও চন্দ্রা

নির্মল । কি রে চন্দ্রা, খবর নিয়ে এসেছি—অত সব উপটোকন আসছে কোথা হতে ?

চন্দ্রা । হ্যাঁ, মা, রূপনগর হতে ।

নির্মল । রূপনগর হতে ?

চন্দ্রা । হ্যাঁ ভাট এসেছে, বামুন এসেছে, আর এসেছেন রূপনগরের রাওসাহেব । রাজকন্টার সঙ্গে নাকি মহারাণার বিয়ে ।

নির্মল । সত্যি ! এই নে তোর পুরস্কার ।

[ মাল্যদান ও চন্দ্রার প্রস্থান ]

নির্মল । পিতা মহারাণাকে লিখেছিলেন, যদি কখনো আপনাকে যোগ্য বিবেচনা করি, তখনই চঞ্চলকুমারাকে সম্প্রদান করব, তার আগে নয় । আজ রাণার বিক্রমে স্বয়ং দিল্লীশ্বর অবরুদ্ধ, তাঁর বেগম বন্দিনী, এ সংবাদ পেয়েই পিতা এসেছেন বিবাহের প্রস্তাব নিয়ে । যাই, সখিকে সংবাদটা...না, উদীপুরী আসছে । ৩দিন বাড়ে তাহলে সরাবের নেশা কেটেছে । ( উদীপুরীর প্রবেশ )

নির্মল । আইয়ে বেগম সাহেবা, তশরিপ লাইয়ে ।

উদী । আমাকে তোমরা বন্দিনী করে এনেছ কেন ? কি উদ্দেশ্য তোমাদের ?

নির্মল । আমি সামান্য বাদী, উদ্দেশ্য আমি কেমন করে জানব বলুন ? আপনাকে বন্দিনী করা হয়েছে রাণা-মহিষীর হুকুমে ।

উদী । রাণা-মহিষী ! ওঃ সেই রূপনগরওয়ালী, কোথায় সে ?

নির্মল । আপনি এখন আমাদের বন্দিনী ; রাণা-মহিষীর লংবাতে আপনার কি প্রয়োজন ? এখন চলুন, বিনা প্রতিবাদে আমাদের হুকুম প্রতিপালন করবেন ।

উদী। হুকুম, আলমগীর বাদশাহের উদিপুরী বেগমকে হুকুম করে ছনিয়ার এত স্পর্কা কার ?

নির্মল। যখন বেগম ছিলেন তখন ছিলেন, এখন আপনি বন্দিনী। কোন প্রশ্ন না করে চলুন, আমার সঙ্গে।

উদী। হঁ—কোথায় যেতে হবে ?

নির্মল। কারাগারে।

উদী। কারাগারে।

নির্মল। হাঁ, চলে আসুন।

উদী। ইমলি বেগম—আমাকে সত্যই কারাগারে নিয়ে যাবে ? দিল্লীর রংমহলে হাজার রূপসী বাঁদী একদিন ষার পদসেবা করত, সেই ছনিয়ার অধিষ্ণরী উদিপুরী বেগমকে তোমরা আজ সামান্য কারাগারে —

( কাঁদিয়া ফেলিলেন )

( চঞ্চলকুমারীর প্রবেশ )

চঞ্চল। না বেগমসাহেবা। আপনার স্থান কারাগারে নয়, আপনার অগ্র নিৰ্দিষ্ট হয়েছে এই রূপনগরওয়ালীর শয়ন কক্ষ।

নির্মল। সখি—

চঞ্চল। ছিঃ নির্মল, তোমার এ কি পরিহাস ! যাও, স্বয়ং দিল্লীধরী আজ আমাদের বহুমান্য অতিথি, তাঁর সম্বর্ধনার জন্য যথাযোগ্য আয়োজন করগে।

নির্মল। সম্বর্ধনা করতে হলে সবার আগে তো চাই খানিকটা সরাব। কি বলেন বেগমসাহেবা ! কিন্তু ভাবছি সে বস্তুটি কোথায় পাই ? দেখি, রাজ বৈজ্ঞকে বলে যদি কিছু যোগাড় হয়। | প্রশ্নান

উদী। তুমি রাণা-মহিষী ?

চঞ্চল। আমি রূপনগরওয়ালী চঞ্চলকুমারী।

উদী। আমার এখানে ধরে এনেছ কেন, জানতে পারি কি ?

চঞ্চল। শুনেছি, আপনি একদিন এ অধীনাকে স্মরণ করেছিলেন; দিল্লীর রঙমহালে ধরে নিয়ে গিয়ে আপনার বাঁদী করবেন বলে। আমি দিল্লী বাই অগদীশ্বরের ইচ্ছা তা নয়। আপনার মনের সাধ যাতে অর্পণ না থাকে তাই আপনাকে মেবারে নিয়ে এসেছি, কদিন আপনার পরিচর্যা করব বলে।

উদী। পরিচর্যা করতে বন্দি করি এনেছ ! . তার অর্থ তুমি এবার প্রতিশোধ নিতে চাও, অর্থাৎ আমার দিয়ে জোর করে তোমার পরিচর্যা করতে চাও ?

চঞ্চল। না বেগমসাহেবা, আমরা হিন্দু, অতিশি আমাদের কাছে দেবতা। আপনি আমার এখানে দিল্লীশরীর পূর্ণ মর্যাদা নিয়ে থাকবেন। শুনেছিলুম আপনি অপূর্ব সুন্দরী। তাই আপনাকে দেখবার জন্য বহুদিন উৎকণ্ঠিত হয়ে ছিলাম। আজ কিন্তু আপনাকে দেখে মনে হচ্ছে—

উদী। কি মনে হচ্ছে ?

চঞ্চল। আপনি অদ্বিতীয়া সুন্দরী মনেহ নাই, কিন্তু আপনার মত হুর্ভাগিনীও বুঝি আর কেউ নাই।

উদী। হুর্ভাগিনী ! আমি।

চঞ্চল। হ্যাঁ, আপনি ! প্রবল প্রতাপ আলমগীর বাদশা, যার রক্ত-চক্ষু দেখলে আসমুদ্র হিমালয় কম্পিত হয়, সেই ছনিয়া জয়ী সম্রাটকে আপনি হাতের মুঠোর পেয়েছিলেন। আপনার প্রতি তাঁর এমন হুর্বার আকর্ষণ ছিল যে নিজে ধর্মনিষ্ঠ মুসলমান হয়ে, শুধু আপনাকে সন্তুষ্ট রাখতে আপনার সরাব পান, ভোগ বিলাস, কিছুই তিনি বাধা দেননি। সেই সম্রাটকে, মৃত্যু করে বলুন তো বেগমসাহেবা, কোনদিন আপনি আত্মত্যাগ করে ভালবেসেছেন ?



উদী । রূপনগরী !

চঞ্চল । না বাসেননি, ভালবাসলে আপনি সম্রাটকে দিয়ে অনেক মহান কর্তব্য সম্পাদন করতে পারতেন । আপনার ভালবাসা পেলে ক্ষুদ্র রূপনগরওয়ালীকে ধরবার জ্ঞান দিল্লীখর সমুদ্রতুল্য অপরিমেয় বাহিনী নিয়ে আজ দোবারি ঘাটে আত্ম জীবন বিপন্ন করতে আসতেন না ।

উদী । রূপনগরওয়ালী, সম্রাট বিপন্ন !

চঞ্চল । হ্যাঁ, বেগমসাহেবা, আজ দুদিন হল দোবারিঘাটে তিনি প্রবেশ করেছেন । সম্মুখে পশ্চাতে সুড়ঙ্গ পথ রাজপুত সৈন্যেরা পাহাড় প্রমাণ স্তূপাকার বৃক্ষ দিয়ে নিরুদ্ধ করে দিয়েছে । এগুবার পথ নাই, বাইরে যাবারও পথ নাই । কোনরকমে বৃক্ষ স্তূপ একটু সরিয়ে পথ করবার চেষ্টা করলেই পাহাড়ের ওপর থেকে শিলা আর গোলাবৃষ্টি হচ্ছে । পিঞ্জরাবদ্ধ সিংহের মত বাদশাহ আলমগীর আজ দুদিন হল সেই গুহা মধ্যে নিশ্চিত মৃত্যুর অপেক্ষা করছেন ।

উদী । দুদিন, দুদিন ধরে সম্রাট দোবারি ঘাটে আবদ্ধ ! রূপনগর-ওয়ালী, আমি যে কিছুই বুঝতে পাচ্ছি না ! আমি তবে তোমার এখানে কবে এসেছি ?

চঞ্চল । এসেছেন দুদিন পূর্বে ।

উদী । দুদিন পূর্বে সে কি—

চঞ্চল । হ্যাঁ বেগম সাহেবা, বন্দিনী হবার সময় আপনি এত বেশী সুরাপান করেছিলেন যে এখানে এসে দুদিন বেহঁস হয়ে কাটিয়েছেন, আপনার সঙ্গে সাক্ষাতের ইচ্ছা থাকলেও এ দুদিন আপনার সঙ্গে সাক্ষাৎ করতে পারিনি । আজ আপনাকে সম্পূর্ণ স্মৃষ্ণ জেনেই আপনার কাছে এসেছি ।

উদী । হঁ ! ছনিয়ার বাদশাহ আজ দোবারী পথে বন্দী, আর আমি

টার উদিপুরি বেগম, রাণা রাজসিংহের গৃহে সুরাপানে বেহঁস । হাঃ হাঃ

হাঃ [ উন্মাদিনীর গায় হাসিতে লাগিল

চঞ্চল । বেগম সাহেবা, বেগম সাহেবা—

( বাদীর প্রবেশ, হাতে সুরাপাত্র )

উদী । এই কি, এনেছিস্...সরাব ?

বাদী । নির্মল মা পাঠিয়ে দিলেন ।

উদী । দে, আমার দে, সরাব দে—আজ সরাব খাব না, আজ  
আমার আনন্দের দিন, বড় আনন্দের দিন— [ সরাব খাইতে গেল

চঞ্চল । বেগম সাহেবা, আমার অনুরোধ ( হাত ধরিল )

উদী । চুপ, কান্না শুনতে পাচ্ছ রূপনগরী ! কাঁদছে !

চঞ্চল । কে ?

উদী । তাতো জানি না ; বড় কাঁদছে—কাঁদতে কাঁদতে পাথরের  
বুকে আছড়ে পড়ছে ! বলছে, বড় পিপাসা, জল দাও, জল দাও ! চোখের  
জলে পাহাড় ভিজে গেল, তবু পাহাড়ের বুক ভেঙ্গে এক কৌটা জলও  
নেমে এল না । কে—কেও হতভাগিনী বালিকা জলের জন্ত আর্তনাদ  
কচ্ছে—কার ওই শূণ্যপানে তাকিয়ে জলের জন্ত আকুল মিনতি !

( নির্মলের প্রবেশ )

নির্মল । মিনতি কচ্ছে, শাজাদী জেব উন্নিসা—

উদী । জেব উন্নিসা ।

নির্মল । হাঁ, বেগম সাহেবা, গুহা প্রবেশের পথে রাজপুত্র সৈন্ত  
বাদশাহের সমস্ত রসদ ও পানীয় জল লুট করে নিয়েছে । আজ ছদিন  
হল গুহা মধ্যে আবদ্ধ পিপাসার্ত, ক্ষুধিত আলমগীর ; সঙ্গে তাঁর আদরিনী  
কন্যা জেব উন্নিসা ।

উদী । কিছ—কিছ তুমি এ সংবাদ কি করে জানলে ইমলি বেগম—

নির্মল । বাদশাহের কাছে একটি শিক্ষিত পত্রবাহী পারাবত রেখে এসেছিলুম । জেব উন্নিসা বাদশাহকে বহু মিনতি করেছিল, সে পারাবত প্রেরণ করে আমাকে তাঁদের দুর্দশার কথা জানাতে । কিন্তু অগজ্জরী বাদশাহের মনে অভিমান হল ; ক্ষুৎ পিপাসায় মৃত্যু বরণ করবেন, তবু কারো কাছে সাহায্য প্রার্থনা করবেন না । তখন নিরুপায় হয়ে জেব উন্নিসা আমাকে পত্র পাঠিয়েছে সেই পারাবতের পায়ে বেঁধে । লিখেছে, চাই জল, চাই আহাৰ্য্য !

উদী । চাই জল, চাই আহাৰ্য্য ! অগজ্জরী আলমগীর কন্যা আজ ক্ষুদ্র রাজপুত্র কন্যার কাছে প্রার্থনা কচ্ছে 'চাই জল...চাই আহাৰ্য্য...হাঃ হাঃ হাঃ—

চঞ্চল । বেগম সাহেবা, বেগম সাহেবা—

উদী । রূপনগরী, ইমলি বেগম, আজ উদিপুরীরও সব দর্প চূর্ণ হয়ে গেছে । ইচ্ছা হয়, তোমরা আমাকে আজীবন বন্দী করে রাখ ; তবু আমার স্বামী, আমার কন্যার জন্ত আমি আজ তোমাদের কাছে সকাতির করযোড়ে প্রার্থনা কচ্ছি...

চঞ্চল । করেন কি বেগম সাহেবা, কার কাছে মস্তক অবনত করেন ! সম্রাটকে জল দান...সে তো আমাদের পরম সৌভাগ্য ।

উদী । রূপনগরী !

চঞ্চল । যাও সখি, মাণিকলালকে সংবাদ দাও । সে যেন মহারাণাকে সব কথা খুলে বলে । যেমন করে হোক সন্ধি করা চাই ।

উদী । আর একটা কথা, সম্রাট আমার উদিপুরী বেগম বলে ডাকতেন । আমি উদিপুরী নামের সম্পূর্ণ অযোগ্যা ; তবু, তবু এই উদয়পুরে এসে আজ মনে হচ্ছে হয়তো আমি উদিপুরী নামের মর্যাদা রাখতে পারি যদি উদয়পুরের মহারাণাকে ভাই বলে ডাকবার অধিকার পাই । মহারাণাকে আমার অনুরোধ জানিও, তিনি কি এ দীন ভগ্নীর আবেদন শুনবেন না ?

নির্মল । নিশ্চয় শুনবেন বেগম সাহেবা । উদিপুরী বেগম, বলতে কুণ্ঠা নেই, এতদিন আমি মনে মনে তোমাকে ঘৃণা করতুম ; আজ নাও তুমি আমার অন্তরের অভিবাচন ।

## তৃতীয় দৃশ্য

### দোবারী—রাজসিংহের শিবিরসাম্নিধ্য

রাজসিংহ, মানিকলাল ও দয়ালশা

রাজ। তুমি কি বলছ মানিকলাল। যুদ্ধ এখনো শেষ হল না, এ সময় তুমি কোথায় চলে যাবে ?

মানিক। অণ্ড যে কোনো যুদ্ধক্ষেত্রে আমার প্রেরণ করুন মহারাণা, এখানে থাকতে আমার মন চাইছে না।

রাজ। কেন মানিকলাল ?

মানিক। এখানে তো কোন কাজ নেই প্রভু ! কাজের মধ্যে শুধু ক্ষুধার্ত মোগল সৈন্যের শব্দ শ্রুত দেখা, আর তাদের মর্মান্তিকী আর্ন্তনাদ শোনা। তাও মাঝে মাঝে পাহাড়ের ওপর গাছে উঠে দেখে আসছি। কিন্তু সে কাজ ষাকে অনুমতি দেবেন, সেই পারবে। আপনি আমার দোবারি হতে অণ্ড কোথাও প্রেরণ করুন মহারাণা।

রাজ। তাহলে তোমার বিবেচনায় এই মোগলবাহিনীকে এভাবে বধ করা অণ্ডায় ? কিন্তু খাণ্ডাভাবে, জলাভাবে একটা প্রাণীকে মরতে দেখলেও দুঃখ হয়।

মানিক। যুদ্ধে লক্ষ লোক মরতে দেখলেও কষ্ট হয় না ; কিন্তু...

রাজ। হুঁ, তবে এই অবরুদ্ধ সেনাবাহিনীর সম্বন্ধে কি করা উচিত ?

মানিক। মহারাণা, আমার এত বুদ্ধি নাই যে আপনাকে পরামর্শ দিই। তবে আমার ক্ষুদ্র বুদ্ধিতে সন্ধিস্থাপনের এই উত্তম সময়। অষ্টরাশি-দাহের সময় মোগল যত নরম হবে, তরা পেটে কখনো তেমন হবে না।

রাজ। সন্ধি স্থাপন ! আমিও সে কথা ভাবছিলুম মানিকলাল !  
দয়ালশা, তোমার কি মত ?

দয়াল। সন্ধির প্রস্তাব কেন ওঠে মহারাণা ? কৈ, ওরদজিব

তো সন্ধির জন্তু আমাদের কাছে দূত পাঠাননি ? গরজ কার ? তাঁর না আমাদের ?

রাজ । ভুল বলছ দয়ালশা ! দূত কেমন করে আসবে ! সে রক্ত পথের ভেতর থেকে একটা পিঁপড়ে ওপরে আসবারও পথ রাখিনি আমরা ।

দয়াল । তবে আমাদের দূত যাবে কেমন করে ? সেবার বাদশাহ আমাদের দূত এই মাণিকলালকে বধ করবার আদেশ দিয়েছিলেন, এবার যে সে আজ্ঞা দেবেন না, তারই বা নিশ্চয়তা কি ?

রাজ । না, এবার যে বধ করবে না, সে বিষয়ে আমি নিশ্চিত্ত । কেননা, এ সন্ধি হবে বাদশাহেরই মঙ্গলের জন্তু । আমি শুধু ভাবছি, আমাদের দূত সেখানে যাবে কি করে ?

( নিশ্চলকুমারীর প্রবেশ )

। সে ব্যবস্থা আমি করতে পারি মহারাণা ।

মাণিক । একি ! নিশ্চল !

রাজ । নিশ্চলকুমারী ! রূপনগরের রাজকন্টার সখি !

নিশ্চল । হ্যাঁ মহারাণা, উদয়পুরের ভাবী মহিষীর সখিরূপে আমি মহারাণার নিকট অনেক কিছু দাবী করতে পারি, তবু এতদিন কিছু চাইনি । আজ এই প্রথম এসেছি মহারাণাকে একটা অনুরোধ করতে ।

রাজ । বল কি চাই ?

নিশ্চল । বাদশাহের কন্যা শাজাদী জেবউন্নিসা ক্ষুধায় পিপাসায় কাতর হয়ে পত্রবাহী পারাবত মারফৎ আমার সংবাদ পাঠিয়েছেন ।

রাজ । স্বয়ং দিল্লীশ্বরের কন্যা সংবাদ পাঠিয়েছেন...তিনি ক্ষুধায়, পিপাসায় কাতর ! আর তবে মুহূর্ত্ত বিলম্ব নয় । যাও মাণিকলাল, পাহাড়ের ওপর থেকে শ্বেত পতাকা উত্তীন কর । রক্ত মুখের বক্ষুসুপ অপসারিত করতে আদেশ দাও ।

মাণিক । যথা আজ্ঞা মহারাণা—

[ প্রস্থান

দয়াল । মহারাণা, তা হলে সন্ধি স্থাপনই স্থির করলেন ?

রাজ । এখনও তোমার সংশয় দয়ালশা !

দয়াল । যদি আসন্ন মৃত্যুর হাত হতে রক্ষা পেয়ে তারপর বোগল আবার সে সন্ধি ভঙ্গ করে ?

মিথল। না, সন্ধি ভঙ্গ হবেনা, তার প্রমাণ...এস সখি, বৃদ্ধ দয়ালশা আমাদের পিতৃতুল্য, তাঁকে সঙ্কোচ নেই। উদয়পুরের মহারাণার ভগ্নিকে তাঁর ভাইয়ের কাছে নিয়ে এস।

( উদীপুরীকে লইয়া চঞ্চলকুমারীর প্রবেশ )।

রাজ। কে—ইনি ?

উদী। আমি উদীপুরী—

রাজ। উদীপুরী ! শাহানশা আলমগীরের মহিমসী বেগম !

উদী। শাহানশা আমায় উদীপুরী বলে ডাকতেন, কিন্তু আমি সে নামের অযোগ্য। আজ উদীপুরী নাম সার্থক করে তুলতে পারি, যদি উদয়পুরের মহারাণা তাঁকে ভাই বলে ডাকবার অধিকার দেন !

রাজ। ভগ্নি ! এ অধিকার পেয়ে আমি গৌরবান্বিত হলাম। দেখছ কি দয়ালশা, মাণিকলাল গেছে রক্ত পথ পরিষ্কার করে বাদশাহের কাছে সন্ধির প্রস্তাব নিয়ে। উদয়পুরের দ্বারদেশে ক্ষুধিত রাজ অতিথি ; যাও, তাঁর সেনাদলের জন্ত উপযুক্ত পানীয় ও আহাৰ্য্য প্রেরণ কর।

[ দয়ালশার প্রস্থান ]

চঞ্চল। কিন্তু শুনেছি সম্রাট পণ করেছেন, মৃত্যু বরণ করবেন, তবু কারো করুণা গ্রহণ করবেন না, তাই ভাবছি, পিপাসার্থ সম্রাট ও সম্রাট-নন্দনীর জন্ত—

রাজ। তার ব্যবস্থা আমি ঠিক করে রেখেছি রাজকণ্ঠা। অপরাধের আলমগীর ও আলমগীর কণ্ঠাকে জলদান করব সে ঐক্যত্যা আমার নেই ; উদয়পুরের মহারাণার হয়েও তাঁদের জন্ত জলপাত্র বহন করে নিয়ে যাবেন আমার ভগ্নী এই উদীপুরী। যাও ভগ্নী, আলমগীরকে জল দান করে উদয়পুরের মান রক্ষা কর।

উদীপুরী। রাণা রাজসিংহ, এতদিন মনে মনে গর্ব ছিল, আমার স্বামী অপরাধের আলমগীর। আজ সে গর্ব, সে গৌরব, আরও মহীয়ান হল এই জেনে যে, আমার স্বামীই শুধু অপরাধের নন, অপরাধের আমার ভাই মহারাণা রাজসিংহ।

স্ববিনিকা











